

- (v) Appropriation Schedule for the U.T. period during 1986 - 1987 i.e. from 1.4. = 986 to 19.2.1987.
- (b) Mr. SAINGURA SAILO, Minister of States i/c District Council Affairs etc. to lay the following in the Table of the House -
- (i) The Mizoram Autonomous District Councils (Constitution and Conduct of Business of the District Councils) (Pawi Autonomous District Amendment) Rules, 1984.
 - (ii) The Mizoram Autonomous District Councils (Constitution and Conduct of Business of the District Council(s) (Amendment) Rules, 1987.
 - (iii) The Mizoram Autonomous District Councils (Constitution and Conduct of Business of the District Councils) (Amendment) Rules, 1987.
 - (iv) The Mizoram Autonomous Districts Councils (Constitution and Conduct of Business of the District Councils) (Sixth Amendment) Rules, 1987.
 - (v) The Mizoram Autonomous District Councils (Constitution and Conduct of Business of the District Councils) (First Amendment) Rules, 1988.

SPEAKER

: Aw Lalpa, ka rilru hi i hnenah ka dah tlat thin. Aw ka Pathian, nang ka ring chia, mualphovin mi awm tir suh la; Mi dotute mi ngam chu phal suh ang che. A ni, nangmah nghaktu reng reng chu tumah mualphovin an awm lovang: A vang awm lova vervek taka titu te erawh chu mualphovin an Aw Lalpa, i kawng te chu mi hriattir la; I kalkawng chanehinte chu mi zirtir ang che. I thu-takah chuan mi hruai la, mi zirtir ang che. Nang chu mi chhandamtu Pathian i ni si a.

(Sam 25:1-5)

Aw le, tun tum kan Session chu kan hlim viau dawn emaw ni, zaghna a lo lut hnem khawp mai a. Supplement kan hawn zau chuan a hnunqlam kan sawi hman lo dawn a. Engpawh nisela, zaghna siamtu chu a Supplement pek loh theih loh tur a ni a. House kan rawn duh a, zaghna pakhatah mi 3/4 sawi tur i fix teh ang u. A chhan chu a thi tam dawn tlat mai a. Darkar 1 bak a rem thei dawn si lova. Kan ngaihdan sawi teh ang u.

PU LIANSUAMA

* Pu Speaker, nitina kan programme
neih dan a zir ni sela. Vawiinni
chuan zawhna mai bakah sawrkar
business te pawh a tam a. Ni thenkhatah chuan hun thawl
deuh pawh kan nei mai thei a. Chuvangin kan danin a phal
ang khan kal ila. Ni thenkhatah chuan darkar 1 aia rei
deuh hlek a zawhna hun min phalsak thin a. Hun neih dan
a zirin a tha mai lawm ni ? Tun Session chhung atana
mi 3 in Supplementary an nei thei ang tih hi a tha dawn
em ni ?

SPEAKER

* Anih Ich engpawh nisela, a awm
tawk chu Chair atangin ngaihtuah
mai ang aw.
Tunah Question kan la nghal mai
ang a. Pu Liansuama question a lo lut a, han zawt nghal
sel a.

PU LIAN SUAMA

* Pu Speaker, ka zawhna Starred
Question No. 1-na

Will the Hon'ble Minister-in-charge
Agriculture Department be pleased to state -

"Total number of planting materials
supplied by nursery owners with names of suppliers and
quantity they supplied to the Agriculture Department."

PU L.NGURCHHINA
MINISTER

* Pu Speaker, a zawhna kha thil tiak
phun chi nursery neitute hnen atang
te leh midang supply tute hnen
atangin engzatnge Agriculture Department hian a lei ? tih
a ni a. A chhanna chu 5,90,220 a ni.

PU LIANSUAMA

* Pu Speaker, a supplier hming hi
min hrilk thei em aw, khata ka
zawhna a tel nghal kha.

PU L.NGURCHHINA
MINISTER

* Pu Speaker, a tam ber hi chu Nursery
atanga Department a lei a ni a. Chu
chu sawi lan a ngaiin ka hre lova.
A chhannaah khan kan rawn thil tel a. Tin, khang bakah khan
(Pu Liansuama : A chhanna paper chu naengni Minister ho
chauhin in nei a, member ten kan nei ve si lova, chuvang
zawk chu a nia).

1.	Pu R.Tlangliana	2,19,700
2.	Pu Thanthuama	42,644
3.	Pu Laltluanga	12,000
4.	Pu Thansiamma (Saiphai)	9,000
5.	Pu Lalkhama	15,000
6.	C.R.Dothanga	10,000
7.	Pu Thansiamma (Lunglei)	11,120
8.	Pu Lalzuia	18,500
9.	C.R.Dawla	7,149
10.	Pu Biaklawra	8,756
11.	Pu Aikima	2,100
12.	Pu C.Malsawma	14,151
13.	Pu Thanbanglova	5,000
14.	Pu Lalzawnga	4,000
15.	Pu Vanlalmawia	17,300
16.	Pu Ramrawia	5,500
17.	Pu Bawka	5,500
18.	Pi Sangchhuni	500
19.	Pi Lalawani	500

Khang kha Nursery owner te an ni a,
Tin, khang bakah khan mi pathum, Supplier ah an tang a.
Chungte chu :-

1. Pu C.Manliana : 70,200
2. Pu Lalbiaktluanga 1,00,000
3. Pu Lalchhuanawma 1,000

Tin, Kolasib atangin S.D.A.
Kolasib-in Departmental farm atanga a rawn pek ve 1,500.
A vaiin 5,70,220 a ni.

PU LIANSUAMA : Pu Speaker, zawhbelhra. Heng
Planting Material kan tih te hi
seedling te, a bud te, graft
te a awm thei mai thei a. A tlangpui thwin tuna kan
Minister zahawm tak chhan danah khan eng tlhai tiak nge
tam ber ? Serthlum nge tam ber a, tin, heng 5,90,220
atan hian tangka engzatnge Department-in a leina atan
hian a sen rai ?

- PU L.NGURCHHINA
MINISTER : Serthlum tiak a ni ber a, kan lak dan chu kha mi ti tiak hote hren atang khan Department Officer te kalin an awm lai ngein an pawt a. Tin, a supplier te pawh hian kan Department Officer te hmuh ngei a an tih a ni a. Tin, heng zawng hi Orange Seedling a ni a. A rate chu Rs. 2.50 vek a ni a. Kan lo chhutchhuak leh lova, Rs. 2.50 a puntir mai turah ka ngai.
- PU VANLALNGENA : Pu Speaker, State pawn lam atanga lakluh a awm em ? Planting material kha ? Mizoram chhung atanga lakluh vek em ni ?
- PU L.NGURCHHINA
MINISTER : Pu Speaker, a awm theih reng kan lo hre lo.
- PU LIANSUAMA : Pu Speaker, a nih leh Agriculture Department-in Serthlum tiak tih loh huan nei tute tan Coconut emaw, Kuhva emaw, thlai chi dang reng reng a lei lo tihna em ni ? Planting materials a seed ni lo.
- PU L.NGURCHHINA
MINISTER : Pu Speaker, kumin chhung hian thildang kan lei lova, Orange seedling chiah kan lei.
- SPEAKER : I duh tawk dawn tawh ang aw. Question No. 2 Pu Liansuama bawk.
- PU LIANSUAMA : Pu Speaker, ka zawhna Starred Question No. 2 -
- Will the Hon'ble Minister-in-charge Local Administration Department be pleased to state -
- "Whether Government of Mizoram propose to enhance the honorarium(Lawmman) of Members of Village Council."
- *PU KICHHINGA
MINISTER : Pu Speaker, heta member zahawmtakin a zawhna hi Village Council te hlawh honorarium tiin a rawn sawi a. Mahse renumaration tiin kan sawi a. Hei hi tihpun tumna a awm a, ngaihtuah mek tawh a ni a. Amaherawhchu sum lama kan dinhmun te thlir chungin a zat tur bi eravh chu kan la fix lova. Kan sum dinhmun te en zel a, a zat bi tur pawh hi ruahmanna rawn siam turin Department lamah kan hriattir mek a ni. Chu chu kan dinhmun a ni.

*PU VANLALNGENA : Pu Speaker, zawhbelhna. Minister te Ich MIA te hlawh a let rukin pun a ni a, kan la thei zel si a.

Pu Speaker, Village Council te hlawh April atanga budget provision a awm si kan pe thei lo hi engati bik nge ?

*PU VANLALNKHAKA : Pu Speaker, tuna Minister zahawmtakin a chhanna atang khanin sum lam dinhmun ena an hlawh tih san dan tur pawh kha ruahman tur niin a lang a. Chumi sum lam dinhmun en chunga a tih kha an hlawh hi tihpun lo ni ta sela, State Revenue lam atanga pek tur nge, Central Consolidated fund kan hmuh atanga pek tur ?

* PU AICHHINGA
MINISTER : Pu Speaker, a zawhbelhba hmasa, member zahawmtakin a zawnna Village Council te hlawh la pek loh tih kha Village Council hlui kal ta te kan nei tawh a. Khami a mi la pek loh te kha a ni a. Chu chu tunah hian pek theih mek tawh a ni a. Finance lamah a Bill leh a pawisa pek dan tur ruahman kha official lamin an lo tihsual hret avangin a khawtlai ta a. Tunah hian Finance atang pawhin hmuh a ni ta a, kan pe thei thuai dawnin kan hria a. Chu chu ka chhanna ni sela.

Tin, zawnna pahnihna kha ka sawi tawh ang khan khawi atanga pek tur nge tih chu ngaihtuah mek a ni.

*PU VANLALNGENA : Pu Speaker, khawngaihin Finance atanga official lamin an tih sual 'deuh avanga hei leh chen Village Council te hlawh hren niin Minister zahawmtak khan a sawi a. A' englai tak nge an tih sual ? Tunge tisual tu tak ?

*PU SHIKHPTHIANGA : Pu Speaker, zawhbelhna, chhan a awl theih nan tlem sawi belh ka duh a. Member zahawmtak ten an rawn zawh tawh ang khan kan Village Council kal ta te kha kan pe thei lo reng mai a ni a. Chutih chhung chuan thil practicable hauh loh Village Council in sakna tur kan sawrkar hian Rs. 28,000.00 a pe thei a ni a. Chu chu a practicable lo kan tihna chu kha Village Council House sakna tur kan tih kha a rangva te a furniture man te hetah pawisa kha deduct nghal a ni a. Khami bak zawng kha insak nana pek an ni dawn a. Chu chu Thingtlang motor kal theih lohna te chu L.A.D. hian rangva te, dawhkante, Almirah te hi an dah thlen sak dawn em ni tih hi ka zawt tel duh bawk a.

Tin, he insakna tur pe thei si a, Village Council pawisa an pe thei lo hi engnge a chhan ?

*PU AICHHINGA : Pu Speaker, a eng lai tak ngo tih phei chu hriat a harsa hle a. Amaherawhchu tih-sual peh a awm av avangin Finance in a reject a. Chumi chu siam that leh a ni a. Tunah ka sawi tawh ang khan pek theih mek a ni a.

Tin, Village Council insakna tur hi hlawh nen khan a inzawm hrān lova. Hemi insakna tur hrim hrim hi Central-ah dil a ni a, Rs. 130 lakhs min rawn pe a. Chumi chuan Village Council insakna chu buatsaih a ni a. Tin, a insakna tur atan hian Village Council tin atan hian Rs. 30,000.00 pek a ni a. Chumiah chuan a rangva te anmahni a an in lei chuan an indaih loh mai te hlauhna avangin sawrkarin helaiah hemi Committee hall a can te, tin, thildang danga rangva kan procure mek zingah hian lak tel nisela, a tha mai awm e tiin kan ngaihtuah a, 5 boundle theuh pek nisela. Tin, a furniture atan Rs. 5,000.00/- hman nisela. Tichuan Rs. 30,000.00 atang chuan a structure, a insakna a side preparation velah kal sela, a bang vel nen. A chung leh a furniture erawh chu helai atangin ngaihtuahsak nisela, tiin sawrkarin rem a ruat a ni.

*PU SAIKAPTHIANGA : Pu Speaker, khawngaihin sawrkarin a ngaihtuah sak tur kha a man kha fix thlap a lak a ni a. Chu chu entirnan, motor kal theih lohna, ni hnih te ke a kal ngai Village Council te kan nei a, chu chu kan sawrkar hian a hmunah a thlen sak dawn em ni ? tih kha a ni ka zawn zawk chu.

FU LIANSUAMI : Pu Speaker, ka han zawt bolh leh teh ang. Nichin khan kan Minister zahawm-tak khanin an hlawh, som dinhmun en chungin tihpun tumna a awm a, Department te en turin kan ti mek e a tih khan mi a ti dilchhut fawk chauh in ka hria a. Tuha Village Council President-in Rs. 80,00 thla kipa lawmmān atan a lak atang hian MLA ten Rs. 650/- atanga Rs. 3500/- kan lo lak theih tak ang hu vel ve tho hian tihpun theih a nitang em ? A vel tham tal min hrilh thei em ? A chiah chu a har anih pawhin.

*PU VANLAINGENA : Pu Speaker, Minister zahawmtakin min chhanna kha a la chiang lova. Thla 10 chhung Mizoram roreltu pawimawh ber mai Village Council hlawh kan pe thei lova. A chhan ni a a sawi kha Finance a tihsual vang a ti a. Tihsual tiem te a ni a, thla 10 Village Council pawimawh em em mai hlawh kan han hreng ringawt mai hi a dik lovin ka hria a. Engtihsual nge tih laia kha engatinge a zap ? A tisualtu ka zawt bawk a, min hrilh sela. Tihsual tiem anih chuan Finance helai hnai teah a awm a. Ni hiihkhhat leka in'kal pawh zung zung thei kan ni si. Engatinge heti em em a rei kan pek loh? kan ngaihsak loh vang a ni lo maw? Kan hlawh chu kan la thei vek si a keini ho hian.

*PU AICHHINGA : Pu Speaker, zawhna hmasaber kha ka han chhang ang e. Material te hi a hmunah pek theih a ni ang em ? tih kha Department te chuan theih ang tawka a pek theihna hnaia pek chu kan tum dawn a. Amaherawhchu Motor kal theih lohna hmun " tam tak a awm dawn avangin chung erawh chu ngaihtuah dan kan zawng zel ang kan ti a. Tin, Village Council hlawn tur zat a sawi thei em ? tih kha erawh chu ruahmanna kan han siam thuak thuak na a, chu chu sawi mai theihah ka ngai lova. Amaherawhchu Department-in ngun taka an ngaihtuahn a theih ang tawka tha a tih an tum a ni, tih kha ka chhan theihna ni mai rawh se.

SPEAKER : Aw le, tawk tawh rawh se. (Pu Speaker, ka zawhna a la chhang lo) A nih leh engnge ni ? A Question No. 3 Pu Saikapthianga.

*PU SAIKAPTHIANGA : Pu Speaker, ka zawhna Starred Question 3-na.

Will the Hon'ble Minister-in-charge Agriculture be pleased to state -

"Minister of State Pu Tlanghmingthanga Leilet Teirei kam a mi Mizoram Sawrkarin Bulldozer hmanga December 1987 thla atanga 27.1.1988 thlenga hna a thawhnaah hian sawrkarin pawisa engzatnge a lak luh tawh?"

PU L.NGURCHHINA : Pu Speaker, zawhna kha ka han chhiar ang e.

Minister of State Pu Tlanghmingthanga leilet Teirei kam a mi Mizoram sawrkarin Bulldozer hmanga December 1987 thla atanga 27.1.1988 thlenga hna a thawhnaah hian Sawrkarin pawisa engzat nge a lak luh tawh? tih a ni a.

Minister of State Pu Tlanghmingthanga hian khulaiah leilet permit a neih kan hre lova, Revenue lama kan zawh pawhin engmah kan hmu zo lova, a nei lo a ni ang.

Tin, he thil hi Jhume Control thil a ni a. Chuvangin kan nawr sak a te hi engmah phut let kan nei lo. Kan phut let ber chu an lo chu lo thianfaiin lo hal ve sela, tih hi a ni. A pawisain engmah phut kan nei lo.

Tin, Pu Tlanghmingthanga leilet chauh khawih a ni lova, midang leilet pawh khawih a ni a. Aw, ka tihsual a nia Pu Speaker, "Chhim mi chu a tawngsual theih loh" tih a nih kha. Pu Lalsawta leilet an rawn sawi a ni a. Amaherawhchu Pu Lalsawta pawhin leilet a nei bawk hek lo.

*PU SAIKAPTHIANGA : Pu Speaker, hei ka, zawnna hi kan lo tisual deuh hlek a. 25 November atang khan a thawh a la tlem hle a, a hmutute kan ni a. Ka zawn belh duh chu engvangin nge Teirei hnar lama awm Bulldozer khuan darkar khatah Rs. 80.00 hire man an la si a, khulaia Teirei mawnga Bulldozer awm khuan a thlawn a thawh bik ka hre duh a.

Tin, he Bulldozer hi N.E.C tanpuitu tura kal thla niin a hriat a. Leilawn engemaw zat a kan hnua N.E.C. in a hma an thawhna Darlak hmun chu a thlen ve theih tak loh tih ka han zawt e.

PU L.NGURCHHINA : Pu Speaker, Teirei hnar lama mi khu chu a leina scheme a dang a. Tin, tuna Bawngva a awm khu chu Jhum Control hnuaia tih a ni a. Chuvangin engmah phut lova a thlawn a tih sak a ni a. Khutiang bawk khu Chemphaiah kan dah a. Chutah pawh chuan engmah kan phut lo a ni.

*PU SAIKAPTHIANGA : Pu Speaker, Darlak a thlen ve theih lohna chhan kha a ni, N.E.C hmun ni zawk si.

PU L.NGURCHHINA : Pu Speaker, N.E.C thil atang lei a ni lo tlat mai a. Jhum Control programme hnua atanga lei a ni a, thleng thei lo a ni lova. Leilawn pawh a kal nan kan dawh vek tawh a. Amaherawhchu hmun khat atanga nawr zo lova a danga kan insawn san hian lo neitute an vui thin a. Chuvang chuan a hmatiama nawr hi tha zawkin kan hria a, kan la kal zel ang a. Tin, tunah pasarih kan chah leh mek a, chumi a lo thlen hunah chuan kan dah belh ang a, tihdan kan la ngaihtuah dawn nia.

*PU SAIKAPTHIANGA : Pu Speaker, zawhbelhma N.E.C ta a ni lo, kan Minister zahawm tak khan a ti a. Amaherawhchu khulaia hman danah khuanin N.E.C a thawktute khuan an thu hle mai a. Tin, a diesel pawh khu N.E.C Tractor hmanga lak thin a ni a. Tin, leilet pakhatah hian 25th November atanga tun thleng hian a awm a, a leilet a a thawh lai kha ka sawi ni lovin leilet pakhata thla 3 deuh thaw a awm zel chuan kum 3 chhungin hma kan sawn tlem awm tih ka ngaihtuah a. Chuvang chuan kha Bulldozer kan sawrkarin a dhidan khu a fankim tawk lo a ni lo maw tih ka zawt duh a. Tunge ni khulaiah khuan, wawiinah chumi leilet chu va let la, naktukah chumi chu, ti tura thuneitu ? Chu chu hriat ka duh a.

Tin, nichina kan Minister zahawmtakina a sawi midang leilet te pawh a let a, a tih kha tute ta nge ? min hrilh thei em ?

PU L.NGURCHHINA : Pu Speaker, Khulai scheme khu thil
MINISTER chi hnih a ni a, kan ngaih pawlh
thin a. Tractor-in midang leilet
a khawih thova, chung ho chu a hmung in phut kher chuanin
ka han sawi ang a. Tunah khawi chiah nge a thlen ka hre
lova, report hnuhnung ber kan la hmu lova. Tin, a control
tu officer chü Soil Survey a mi a ni a. Chutiang thil eng
eng emaw a awm avang chuan kan sawn ta reng a. Midang
pakhat helaia Assistant Plan Inspection Officer a awm kha
kan transfer thla a. Tuna mi chu kan fak tawh e. Khatiang
kha chu a awm tawh lo ang a. Tin, midang leilet tractor
in a khawih sak chu :

- 1) Khawhipa
- 2) Tlangliana leh
- 3) Thangnghilhlova te an ni.

***PU SAIKAPTHIANGA** : Pu Speaker Tractor kha ka zawt lova.
Bulldozer kha a ni a. Bulldozer
awma kha House hi ka han hrilh
nghal mai bawk ang a. Pu Lalsawta thlam bul
(Pu Tlanghmingthanga makpa) ah a la awm reng a ni.

SPEAKER : I lo hre zawk' anih chu, a lawmawm
e. Aw le, tunah Pu K.L.Lianchia
leh Pu H.Hrangdawla'n an zighthna
inkawp rawn zawt sela.

***PU K.L.LIANCHIA** : Pu Speaker, kan Programme-ah khan
Pu K.Lianchia a ti a, K.Lianchia hi
an awm lo a niang a.

SPEAKER : Pu H.Hrangdawla i lo sawm ang.

***PU H.HRANGDAWLA** : Pu Speaker, ka zighthna

Will the Hon'ble Minister-in-charge
Revenue Department be pleased to state -

Whether the Government of Mizoram
released the compensation for the destruction/damaged
to shops, buildings, business articles, House-hold goods
etc. as stipulated in clause 13(b) of the Memorandum of
Settlement ?

***PU TAWNLUIA** : Pu Speaker, heta an zighthna chhan
MINISTER tur hi Inbiakremna thuthlung.
memorandum of settlement 13(b) in
Mizoram buai chhunga in leh lo kang te compensation
Mizoram sawrkarin a pe tawh em tih zighthna a ni a. Ka han
chhanna chu Memorandum of settlement clause 13(A) in

Zoram buai chhunga in leh lo kang te, dawr bungrua kang te, inchhung bungrua tih riral leh tihchhiat te, chumi compensation pawisa chu a la pe lova. A chhan chu Government of India in chumi pawisa tur chu min la rawn pek loh vang a ni.

*PU H. HRANGDAWLA : Pu Speaker, zawhbelhna, Punjab ram an buai hle a, an fianthlir te, an bapui te leh an baibel te chu a chhe ve bawk ni ngei tur a ni a. Nimahsela, Government of India leh Punjab sawrkar inremnaah chuan chhe te pawh nisela an ramah khuan compensation hi Rs. 50,000/- thleng pek theih a ni ang tih a ni a. Mizoram chu kan buai nasa, kan tuar nasa, kan in, lo chu sawi loh kan khawhmun pawh luah thei lovin kum tam tak khuahkhirhna hnuaih kan awm a. Chung mite thil chan pe let leh tur hian Mizoram sawrkar chuan Government of India-ah Rs. 4,000/= in chawk rual ila tih rawtna a awm a. Hei hi a dik em ? Tin, engzatnge pek tura rawt a nih ?

*PU LALRINMAWLA : Pu Speaker, chumi hrul a mi tho chu a ni a, hei hi ka han zawt teh ang.

Hei, Governor Address-ah khanin hnam sipaite tana in sakna tur Rs. 40,000/- kha proposed in a awm a ni tih kan hria a. Amaherawhchu tunhnai mai hian thingtlang lamah chuan Central lam atangin an remti lo ni awm a thu hriat a ni a. Chu chu thu chiang a ni leh nih loh hriat theih a ni em ? tih ka zawt e.

PU LIANSUAMA : Pu Speaker, memorandum of settlement clause 13(B) in a huam bak Mizoram a tuar tam tak kan awm a. Chung te tan chuan sawrkarina ruahman Central a a thehluh tawh Governor thusawi pawh a lo lang kha engzat nge ? M.N.F lo kir leh te kha chu a ziak chiang a. Tin, a pahnihnaah chuan nikum budget session lai vek khan Rs. 30 lakhs M.N.F lo kir leh te tana draw tawh sa a awm bakah kar session lai la la khan P.W.D chanvo atangin Rs. 20 lakhs sawkthlain kan pass ta kha a ni a. Chung chu M.N.F lo kir leh te tan in ben bel nan eng anga pek nge an nih ?

*PU VANLALNGENA : Pu Speaker, zawhbelhna khawpuï chhung bika dawrkang te kha sanction pek ni tawhin a hriat a. Minister zahawm tak khan pawisa la pek loh ni khan a sawi a. Tin, compensation chungchangah hian Chief Minister zahawm takin "ka tifel tawh e, 15 lakhs ka kutah a awm, vaibelchhe 15 ka sem thei" a ti a. Tin, V/C thlan dawn pawhin, "thlan hmain kan sem ang," kan ti a, 'Christmas hmain kan sem ang,' kan ti leh a. A chang leh "India sawrkarin a phal loh chuan State pawisa in ka sem lui tho ang,' tiin V/C Conference-ah te leh Sialsuka tunhnai a

P.W.D. Division a va hawn tum khan a sawi bawk a. Hmu tawh si, a changa min pek phal loh chuan Mizoram pawisa ka sem thovang tih te hian mipui a ti chi ai em em mai a. Helaia kan dinhmun dik tak hi sawrkarah a chiang thei lo em ni ?

*PU K.L.LIANCHIA : Pu Speaker, hemi thu tho hi ka zawt ve a, Pu Speaker, ka zawnha hi hun dangah an la rawn chhang dawn a ni ang chu ka ti mai a. Zawhbelh ve ka duh a. Hei nikum July 21 leh 22 August ni 5-a Department hrang hrang 10 lai thukhawm te khan Rehabilitation Department-ah under Rehabilitation Department the following additional puncture grants and the Department is to prepare and proceeds that scheme for utilisation urgently and to obtained approval of Chief Minister of Cabinet tih kha a awm a. Khatah khan Housing Scheme ah 260 lakhs leh Ex-Gratia grant-ah 220 lakhs leh compensation on damage properly of Building kha 1,000 lakhs, a vaiin 14 crores sanction kha additional fund a Rehabilitation Department pawh pek niin hriat a ni si a.

Tin, chu pawisa pawh chu nikuma Planning Commission kha 30.6.1987 khan heng pawisa tur hi Mizoram Sawrkar a rawn pe tawh niin hriat a ni si a. Mahse vawiin ni thlengin engatinge pek a la nih loh ? Memorandum of Settlement-ah khan chiang taka ziak a ni bawk si a. Chu chu engvanga la pek loh nge ? Tin, chutianga pek loh a la nih fo a Central Sawrkarin a la phal lo anih chuan Central Sawrkar hian kan Memorandum of Settlement hi a zah lo, tih puitlin a tum lo tihna em ni ?

*PU TAWNLUIA : Pu Speaker, an zawnha hmasa bcr, MINISTER Rs. 4,000/- a chawhrual kha a dik em tih kha Rs. 4,000/- a chawhrual, a vaia chawhrual tumna kha a awm lo. Mahse kan chian zawk nan, a tlangpua kha zawnha chhang vek si khan kan ruahman dan kan sawi ang a. A zawtu kan member zahawm tak tak te khan nangmahni zawk lai theuh kha lo ngaithla chiang ang che u.

Memorandum of Settlement Clause 13-ah hian compensation lane thu te heng hi ziah luh a ni a. Remnai kar lo neih a kan lo hawn hmu khanin India sawrkar te nén pawh in dawr zui zel a ni a. Kum 1986 heta Coliation Government awm lai atang khan kan Chief Minister in Home Minister hnenah te sawiin hemi tih puitlin dan tur hi vawi duai lo an sawi dun a. A tawpah chuan Mizoram buai chhunga in leh lo kang tuar tu te chawmdawlina chungchang thu hi a hun te a. lo rei tawh a.

Mumal taka ti turin Home Ministry a Secretary te leh Mizoram Chief Secretary te in hmu sela, sawiho selangin a tha ang tiin thu tawpna an siam a. Chumi ang chuan bawhzui zel a ni a. Kan Chief Secretary Pu Lalkhama a nih lai khan Home Ministry a Secretary te nen Desember thla khan sawi hona an nei a. Chutah chuan hemi in leh lo kang rirral zat chiah te en fel tur khan hun tam tak a duh dawn avangin Election te a lo hnai tawh bawk a. Tin, Election zawh result puanchhuah zawh hnuah bawhzui nise tiin ruahman chhoh a ni a. Chutiangan inthlan kan zova, keini Mizoram pawhin sawrkar thar kan lo nei ta a. Chumi sawrkar thar a lo awm atang chuan hong in leh lo kang te hi a bul takah chhui chhuakin report lo awm tawh sa te atanga chhui bawkin bawhzui chhok a ni a. M.N.F. Rehabilitation tuna kan zawnah hian a tel lova. Zawttu te khan in ngaihpawlha nih ka ring a. Chu laiah chuan clause 13(B) in a sawi chiah chiah hi ka sawi dawn a ni. Chu chu min lo hriatsak nghal ula

India sawrkar nena kan in dawr theihna turin engzat chiah nge in leh lo kang hi lo awm a, engzat chiah nge khaw sawikhawmaha hian kal tiin verification buatsaih chhoh a ni ta a. Tin, sawrkarin Committee siamin mumal takin thil lo kal tawh record atang pawhin a chhui chhova. Chutiangan Committee chuanin ngun zawkin Mizoram pumpuiah hian verification i ti ang tiin sawrkara rawtna a siam chu sawrkar pawhin bawhzui turin a ti a. Sawrkar ruahmannan angin verification kha tiinchhoh a ni ta a. Kum 1987 chhung khan. Tin, kan record neih tawhsa atangin kan thlir a, khatah khan in 40,000 chuang kangin record a lo awm a. Chu em em chu a tam lutuk deuh ang tiin ngaihden kan nei a. Kan Officer's te, Senior Officer te, Aizawl District te leh District hran a mite hnenah khan rawn sawi turin kan ti leh a. Theih ang tawka fiah fai leh fel ni a kan buatsaih peih kha chu niktum November, thla kha a ni ta a. Chutah chuanin in leh lo kang kha hetiang hian then a ni ta a. Hmun thum angin siam a ni a, pakhatnaah chuan a in hal tak tak kha, tin, in kang lo, sawikhawm a kal bawk si kha a tuar tu te tho an ni a. Tin, a then then thumma chu Aizawl Town Damaged Compensation Committee in hemi Dawrpui phei ti ila, a bikin, khatiang khan chithumin then a lo ni ta a. Inkang zat chu tuna India sawrkara kan thehthlak tak chu hetiang hi a ni :

- | | | |
|-----|-------------------|----------------|
| (1) | In kang | - 18,458 |
| (2) | Uprooted families | - 10,659 a ni. |

Tin, hetah hian thil chhutchian har em em mai tawh anih avangin inkang ralah hian chuan Rs. 5,000/- angin kan ruahman a. Tin, khaw sawikhawm a kal te kha Rs. 4,000/- angin kan ruahman a. Tin, Aizawl Town Damaged Dawr kang phei kha chu Joint verification team in an lo recommend tawh ang khan a ngai ngaiin kan thehlut thla ve leh a ni. Chu chu kan ruahmannan kalphung a ni a.

Tin, hetah hian kum 20 kal ta a verification ti tur khan mi ~~bumgrua~~ leh thil kang ral kha hriathran a har em em tawh mai a. Chutah chuan rambuai laia kan tawrhna te kan hriatrengna leh kan theihngihlh hauh lohna a ni tih hrereng chungin kan hruahmannha hi India sawkarah kan submit a. Chu thu chu tunah hian Home Ministry-ah khuan a awm a ni.

Tin, nikum June thla khan Planning Commission te nena sawi honaah hemi compensation ex-gratia leh M.N. F. Housing atan khan 15 crores allotment min pe a. Chumi chu hmang thei tur chuan heng compensation-ah te, rambuai laia mithi te leh M.N.F in leh lo dinne tur scheme a kha Mizoram sawrkarin a siam kha Home Ministry-in an approved a, chumi hnu a Finance hian pawisa hi released tur a ruahman chhoh a ni a. Chu chu tunah hian kan nghak mek a ni.

Aw le, chu chu ka chhanna leh kan ruahmana tuna kan dinhmun a ni e.

*PU VANLALNGENA : Zawhna pakhat min phalsak thei em Pu Speaker. A pawimawh em mai. Minister khan engatinge House-ah thudik lo a thlen ? Rs. 2,60,00,000/- Aizawl South tan sanction a ni a, tam tak pek a ni tawh a. Tunah hian mak-taduai 195 Aizawl South mi 374 tan claim a ni a. High Court-ah min khing a, Nuai 30 pe turin sawrkar tunah hian High Court-ah min khing ta a. Engatinge pawisa sanction awm reng kha tam tak pek a ni tawh a, House-ah thudik lo Ministerin a sawi ? Tin, engatinge pawisa pek tawh 2,60,00,000 awm Aizawl khawpui chhung mangang te tan pek a nih loh reng ? Chu lai chu thudik lo in min chhang a, kha kha a pawimawh a ni.

SPEAKER : Pu Liansuama.

PU LIANSUAMA : Pu Speaker, ka zawhna Starred Question No. 5-na ka zawt a. Pakhatna kha chu kan Agriculture Minister-in a sawifiah tawh a. Mahse a chhangtu thu thu ni sela.

Will the Hon'ble Minister-in-charge Agriculture Department be pleased to state :

Rate of hiring charges of the following per day, per hour.

- 1) Bull Dozer
- 2) Truck
- 3) Concrete Mixer
- 4) Tractor with complete tools/ implements.

PU L.NGURCHHINA : Pu Speaker, a zawhna chu heng ho
MINISTER hi hire dawnin darkar khatah
emaw nikhat atan emaw a rate
engnge ni ? tih a ni a. Pakhatna chu Bull-Dozer a ni a.
Nichin khan ka sawi kim lodeuh a. Scheme a thu a ni a,
ka tih kha. Bull-Dozer tunhma a kan lo lei ho kha chu
a lian deuh a, tunhnu a Jhum Control hnuai a kan lei kha
chu a te a, rate hi kan la fix lova. Tun-hma a kan lo
neih kha chu darkar khatah Rs. 507.33 a ni a.

Tin, Truck hi chu Diesel leh PDL
kan ti mai tel lo hian kilometre khatah Rs. 4.00 a ni a.
Tin, chu lo chu concrete mixer kan nei bawk a, chu erawh
chu a hiring charge tifel turin P.W.D. lam nen kan indawr
a. Kan la tifel lo deuh a. Tin, Tractor chu tunhma a
kan lo lei ho kha a ni a. Tunah hian Jhum controll
hnuai a panga a lo thleng tawh a, 15 dang a lo la thleng
lova, chu erawh chu a implement a lei lehna te, a hailler
te nen, a kima an hawhchhuah khan dar-kar khatah
Rs. 37.00 a ni.

*PU VANLALNGENA : Pu Speaker, zahbelhna Truck kha
Rs. 4/km tih a ni a. Kan Chief
Minister zahawmtak hian sawrkar
truck in a in hmun leivung a pain thin tih hriat a ni a.
Chief Minister hian hemi rate ang hian pawisa a pe vc em?

PU L.NGURCHHINA : Pu Speaker, keini Department
MINISTER atang chuan a hawh kan hre lo.

PU LIANSUAMA : Pu Speaker, kan Chief Minister
insakna atan Agriculture
Department Concrete Mixer thla ruk
vel laia hman tawh saw Department-in
an hria em ?

PU L.NGURCHHINA : Pu Speaker, hria e. Mahse a rate
MINISTER kan la siam fel loh vangin engmah
tih fel theih a la ni lo a ni.

SPEAKER : Aw le, i duh tawk ang le.
Pu Liansuama i lo sawm leh ang.

PU LIANSUAMA : Pu Speaker, ka Starred Question
No. 6-na

Will the Hon'ble Minister-in-charge
Finance Department be pleased to state -

(a) Who is the 1st Prize winner of
Mizoram State Lottery New Year Super
Bumper draw on 2.2.1988.

(b) The correct present and permanent
Address of the 1st Prize winner may
please be given.

*PU ZORAM THANGA : Pu Speaker, a zawhna chu Mizoram
MINISTER State Lottery November New Year
Super Bumper 2.2.1988 a an pawh
kha tunge ni a man tu ? tih leh chumi 1st Prize mantu
permanent address chu mi chu a zaws a ni a. Hemi mantu
hi hriat a ni lova. A chhan chu hemi ticket pawh hi a
neitu in an rawn claim tlat lova. Chuangin hriat a ni
lova, a address pawh kan hre lo a ni.

FU LIANSUAMI : Pu Speaker, chu tak chu ka zawh
duhna chhan a ni a. Kan sawi
thui ~~MRXII~~ deuh hlek ang a,
chhan awlsam theih nan.

Hei, Times of India-ah hianin a
chhuak tuar tuar mai a. Hetah pawh hian a chhuak bawk
a. Mizoram Gazetted-ah a chhuak bawk a. First Prize
mantu te chu (1) MD 374039 (2) MD 183838 (3) MD 281151
(4) ME 304994 (5) MG 156896. Lawmman pakhatna panga
awm hian 5 lakhs theuh an dawng ang, tih a ni. Tin, a
vain lawmman zawng zawng 193 lakhs a ni ang tih a ni.
Tichuanin kan State Lottery agreement-ah khan 50% chin
chu lawmmanah a kal chhuak vek ang tih a ni bawk a. Tin,
Mizoram sawrkarin Royalty chu za zela pali a tel ang a,
chu chu'kum khatah Rs. 80 lakhs hu a ni tih kan sawi fo
tawh a. Tichuan kan Lottery neitu a bikin J.C. and
Company te hian nikum a pek an nih atanga kum khat
chhung hian vawr tluan chhuak ta sela, a vain lawmmanah
ringawt cheng vaibelchhe 24 leh cheng nuai 94 te hi an
pe dawn a ni. Member zahawm tak ten in hria in ka ring a.
Mizoram Gazetted kan hmuh apiangin Lottery result a lo
chhuah ziah thin hi. Tichuanin Rs. 26,00,00,000/- man
ticket print tura tih ni si khan tun thleng hi chuan
Rs. 49,00,00,000/- man vel an hrall tawh tihna a ni a.
Chuti anih chuanin Royalty engzatnge kan hmuh ? Tin,
heng jte hi result chhuak a chanchinbu-ah chhuah a, Gazette
a chhuah vek tawh si hian an la claim loh hi hei chauh hi
nge. Tin Bumper dangah te Weekly lottery dangah te khan
claim loh a awm em ? Chutiang taka news paper-ah te
Gazette ah te chhuah tawh si hi kan sawrkar hian a hriat
loh ?

Tin, organizing agent te hian
Royalty thla tina pek tur 7 lakhs vel a in pek tur
agreement kha bawhchhiat an nei em ?

*PU ZORAMTHANGA : Pu Speaker, zawhna hnuhnung kha
MINISTER chhang hmasa ila. Tuna kan
Lottery run tute pahnih hi J.C. &
Company hi chuan an pe tha khawp mai a. An tlak nghal
zat zat zel a. Mahse Amrit & Company hian an tlak tha
lova, harsatna an neih thu an rawn sawi a. Chuvangin
tunah hian kan innawr nasa em em mai a. J.C. & Company
chuan an tlak nghal thak thak zel a. Amrit & Company
pawh an tlak that theih loh avangin kan nawr nasa a.
Anni pawhin kan Lottery-ah hian State danga mi te nen kan
in elna, nasa deuh mai a inelna a awm avangin kan Scheme
hi a fuh theihna turin hemi ang system hian ti danglana
ila, tiin a practise te pawh a chi hrang hrangin mi tana
a duhawm a, a attractive theihna turin rawtna te pawh
an rawn nei a. Chutiang chuan a tlak that theihna tucin
a ni pawh hian a bei nasa a. Engemaw zat chu tunhnaiah
pawh a rawn tlak a. A la tlak kim lo deuh hlek a, chi
chu kan nawr mek a. Hetiang hi kan dinhmun a ni a.

Tin, lawmman chungchang thuah khan
miin hemi kan Gazette a chhuah te leh heng chanchinbu a
chhuak a ticket a man tu ten, ka ticket in lawmman
pakhatna emaw lawmman dang emaw a man a ni tih an hriat
phawt chuan claim lohvin an chhuah hauh lovang tih chu
hriatchian sa a ni a, pawisa tam tak hmuhna anih avangin.
Amaherawhchu ticket hralk hi ticket kha hralk tawh a
ngaiin ticket print kha an han pawt a ni a. Hralk loh
zing a mi pawh lo awm thei a ni a. A awm fo thin a,
chumi risk an lak avanga lottery hi hlawk ve pawh a ni
reng a. Tin, a thenah chuan hloh palh te pawh a awm ve
thei a, claim loh hi a awm ve zauh zauh reng a ni.
Chumi claim loh hlawkna chu lottery siam tu te hian an
hlawkna a ni ve reng a. Chuvangin hemi te hian engatinge
an rawn claim loh tih erawh chu a chhan chi hrang hrang
a awm thei a. Keini pawhin kan hre bik lova. Claim a
awm chuan pawng ngaihthah ngawt theih a ni lova. An ticket
nen an lo kal a, court a khing thei mai annih avangin
chutianga claim awm si ngaihthah emaw hmuh loh ang emaw
a tih ngawt hi sawrkar lam atang pawhin tih theih pawh a ni
lova. Claim a awmna na na chuan chu chu pek a ni engnge a
chhan kan hre lo a ni.

PU LIANSUAMA : Pu Speaker, Agreement No. para
5-na Price money tih chungchang
thuah khan organising agent ten
Director Lottery's hnenah Price Money hi an rawn pe
thin tur tih a ni a. Chuti anih chuan rawn claim lo an
awm khan Mizoram sawrkar hlawkna ni mai awm tak a ni a.
A ni lo zawk tihna em ni ?

*PU ZORAMTHANGA : Pu Speaker, rawn claim loh an awm a sawrkar hlawkna a nih leh nih loh emaw, a claim an awm a sawrkar hlepna a ni emaw chu thlei hran a ni a. Engtianginngé kan hlawk a, engtianginngé kan hlep tih chu keimahni leh a contract siamtute nen a kan in siam rem, kan agreement a zir zel khan kan kal a. A pawisa hi anmahni Lottery run tu ten a price money hi an rawn pek tur a ni a, claim a awm chuan. Mahse claim a awm loh miau chuan a tu te tan mah pek tur a awm lo chu a ni mai a, kan hlawk tlang chu a ni mai.

PU LIANSUAMA : Organising agent ten Mizoram sawrkar hnenah Price Money hi an rawn pe lut phawt tur a ni tih hi agreement kan sawrkarin a sign kha a ni tlat si a. Chuvang chuanin tuna min chhanna kha a fuh vak lo tlat mai ka ti.

SPEAKER : Aw le, a tawk tawh e. Nakinah hun a la awm dawn a lawm. Question No. 7-na Pu Vanlalnghaka.

*PU VANLALNGHAKA : Pu Speaker, ka zaghna Starred Question No. 7-na

Will the Hon'ble Minister-in-charge Agriculture be pleased to state -

Kum thum chhunga Mizoram ei leh bara in to delh theihna turin Mizoram sawrkarin Bull-Dozer engzatnge a lei tawh ?

PU L.NGURCHHINA : Pu Speaker, kan Member zahawmtak zaghna kha hei hi a ni a. Kum thum chhunga Mizoram ei leh bara intodelh theihna turin Mizoram Sawrkarin Bull-Dozer engzatnge a lei tawh ? tih a ni a. A chhanna chu panga(5) a lei tawh a, Pasarih (7) ordered a thawn mck a, chu chu a chhanna a ni.

*PU VANLALNGHAKA : Pu Speaker, zaghbelhna mawl te a han ngaihtuah chuanin kum thum chhunga ei leh bar a intodelhna atan Bull-Dozer panga lei tawh a ni a. Pasarih order mek a ni a. A vaiin sawm pahnih a ni kan lei dawn . Pakla hisap a ngaihtuah chuanin sawmthum vel chu lei ila, kumin chhungan kan intodelh mai dawn a ni a. Chu chu

arithmatically a chhut chuan a dik theih viauna lai a awm a ni. Ka hriat duh chu heng Bull-Dozer neih tawh sa hi khawi company atanga lei nge ? Pakhat man hi engzat man theuh nge ? chung an ordered te chu hemi an leina company vek atanga lei tur hi em ni ? Tin, heng Bull-Dozer an lei tawh te hi tunah khawi khawieh nge chhawr mek an nih ?

PU VANLALHRUALA : Heng Bull-Dozer te hian engtik atangin nge an thawh tan ? Ram eng anga zau nge tunah hian an tih zawl tawh ?

PU P.C.ZORAMSANGLIANA : Pu Speaker, heng Bull-Dozer panga an lei te hi khawi a pawisa in nge lei a nih ?

PU R.LALAWIA : Bull-Dozer sawm pahnih kan lei hian kum thum chhungin kan intodelh hman dawn em ni ? Tin, tuna Bawngva a thawk mek khu thla khat leh a chanve chiah a. thawh khan hectares hnih a lai zawl a. Bull Dozer chu dum phaizawlah chuan working season chu thla ruk lo liam a awm ka ring lova. Chutiang chu lo ni sela, Bull-Dozer sawmpahnih chuan kum khatah hectares 76 chauh a let thei dawn si a. Kei chuan ka lo rin dan chuan Bull-Dozer sangkhat-pawh nei ila, kum thum chhungin kan intodelh ka ring lo a, ka hisap chhuak vek tawh a. Chuvangin kan ring tak tak em ? A theih tak tak em tih hi min hrilh thei em aw ?

PU L.NGURCHHINA : Pu Speaker, rin dan chu rin dan a ni a. Sawi a har viau ang a.

Aw le, in zawhna kha a tam em a ka hre kim vek tawh lo mai thei a. Khang kan leina pawisa kha Department hrang hrangina Jhum Controll Oriented Scheme kan neih pawisa Lakkhawm atanga lei a Delhi sawrkar purna a awm lova. Chutah chuan Bull-Dozer panga kan leiah khan 52 lakhs kai hmang a. A figure chu pawisa nawi te ner a awm a, sawi a har a. In lo ngaih anga 8,50,000 han tih kha a ni mai lova. A company mechanic charge te leh Bangalore atanga rawn phurh man te Central Excise te leh insurance te nen han belkhawm vek khan. tin, Central Sale Tax a awm bawk a. Chung te nen chuan Rs. 52,00,000 a ni a. Tin, Tractor sawm kan leiah khan nuai 15 kan hi sap a. Kan 12 hmu kim lova. Tin, Agriculture hian kuta an lo tih ve atan nuai 24 kan dah sak bawk a. Bull-Dozer hman lohnaah a ni ang. Tin, a thawktute in sak nan 8,18,000 kan dah a. Project awmra ang zelin kan dah bawk a.

Chutiang chuan kan sem sawm nual a ni (Hun a tawp tawh)
Pu Speaker, hun a tawp chuan ka tawp mai ang e.
(Khawngaih takin kha kha chu min chhang zo se a tha
ang a).

Ei leh bara intodelh nana kum thum
chhunga kan han tum a ni a. Intodelh ngei kan tum a. Tin,
1987 - 1988 kum pawisa atanga tih vek an ni a. Tin, kan
ngaih hai hauh loh tur chu Aibawk a Jhum Controll saw a
ni bawk a. Sawtah saw chuan State pawisa pakhat mah kan
hmang lova. Central atanga min rawn pek a ni.

Tin, Darlak a mi chuan a lo nawr
tlem deuh a ni mai thei. (Member ten'an lo hnial buai a)
A Darlak ka ti ve tlat a ni, Lui ral leh lamah Darlak a
awm a, he lamah Bawngva a awm ve mai bawk a ni a. Pakhat
leka lo ngai mai ula. Khumi khuan a nawr tlem deuh a.
A chhan chu Diesel pek a har em em mai a ni. Khumi ang
a in hisap chuan a tlem deuh pawh a ni mai thei. An
hralh ru a nih chuan khawngaih takin ziakin min han pe
ula, kan lo en ang e. (An hralh fo a lawm) Litre
engzatnge an hralh tawh le ? Tu hnенah nge an hralh ?
Aw le, engpawhnisela a hectre zat chu khumi Saiphaiah
ku chuan pahnihin January thla chanve vel a kan zuk kal
chuan January ni 4 atanga nawr chuan hectares 12 a nawr a.
Khulai chu harsatna eng eng emaw an tawh vang a ni a.
Tin, a ram a in ang thei lova, chutianga hisap mai chi
a ni lova, inner surface atan chuan rei tak thawh a ngai
a, a zawl saah chuan han hrut thuak thuak te pawhin a
tih theih a. Engpawh nise kha leh chen ei leh bar a kan
intodelh loh avang hian kan sawrkarin ei leh bara intodelh
a tum a. Chumi atana kan Scheme pakhat chu a ni.

Tin, heng bakah hian Plain lamah
Agriculture Department hnuaiah tam tak kan la nei bawk a.
Chungte nena kan tanrual chuan kum thum chhung hian kan
ram zawl awm chu kan eikhawp tharna tura kan siam hman
kan in beisei tlat a ni.

SPEAKER : Tunah chuan kan list of Business
item No. 2-ah kan kal ang a. Kan
list of business No. 2-ah chuanin
Pannel of Chairman a ni a. Pannel of Chairman-ah chuan
pakhatnaah chuan engemaw Deputy Speaker lo theih loh that
takah khan Pu Andrew Lalherliana ruat a ni. Pahnihnaah
Pu K.L.Lianchia, Pathumnaah Pu Rokamlova.

Tin, kan list of business item
No. 3-na chu chu hmanni ni 15 khan B&C kan thukhawm a.
Kan dan ang chuan kan programme provisional hi ni 7
hmain pek thin tur a ni tih a ni a. Mahse kei Delhi-ah
ka kal a, member thenkhat an lo zin bo vek si a, kan lak
lawh a. A hnaivai thei berah kan thu a, ni 15 khan.
Chuta kan programme dan tlangpui chuan February ni 17

atanga ni 16 March-ah kan zo dawn a. Chu chu kan programme lo ruahman dan a ni a. Member pawh kan kal tha viau a, chu kan BAC report chu House-in a principle in a pawm thei em ? Kan Parliamentary Affairs Minister-in pawm tura House ngen turin i sawm ang u.

PU SAINGURA SHILO : Pu Speaker, ni 15-ah kan thukhawm MINISTER a, chumi a kan duan ang a kan List of Business hi remchang ang a ngaihtuah a tha tawk a kan duan a ni a. He House zahawmtak hian min pawmpui ngei turin ka rawn sawm che u a ni e.

***PU SAIKAPTHIANGA :** Pu Speaker, khawngaihtakin, pawm tur a ni mai a, a ni kha chu Committee in uluk taka ngaihtuah a ni a. Amaherawhchu he kan Business ruahmannna kawng hrim hrimah hian i ho a in tih a nih phei chuanin pawi ka ti lehzual a. Dan kan nei a, waviin ni a mi pawh hi han en ila, tunah announcement in ti a. Dan kan la hmang dik viau angin ngai ta ila. A palinaah hian Discussion on Motion of Thanks a lo lang ta a, a lehlamah hian paper present tur panganaah a rawn tan leh a. Tunah hian Governor Address kha kan discuss nghal dawn a nih si loh chuan a dik lo nghal phawt a ni.

(Speaker : A ni love, Paper lay kha chu a har lo). A har lo tih ringawt kha a ni lo a lawm. A har lo kan ti zel chuan a buaithlak dawn a lawm. He kan Question chungchangah pawh hian MLA theuh kan ni a. Question pawimawh kan tih tak kan theh lut theuh a ni a. Dan in bawhchhe nghal a ni. Kan dan 36-na 5-na(A) ah khan mimal pakhat Question hi panga aia tam a lut tur a ni lo tih a ni a, nikhat atan, (Kha kha an lo zeh hmaih palh a ni). Chu chu a lawm ka sawisel dawn, palh zel anih chuan engtinnge kan awm ang. Anih leh i thutnaah khan kan rawn thu palh ve mai tur asin. (Speaker : Khatianga kan sawi dawn chuanin in zawhna siam zawng zawng kha Starred nge unstarred tih kha a zawhna siam tu khan in thai vek tur a ni) Kan thai vek a lawm, ka thai chiang lutuk. (A original pawh a tam zawk kan la kawl a, ngaihhna-thiamna in kan ti a ni). A thai lo chu i duh duh in i tih sak thieng a lawm. (Chu chu kan ngaithiam tur a lawm Danin kal tur a ni) A danin kal la, keini pawh danin kan kal ang chu.

PU H. RAMMAWI : Pu Speaker, House in a tha kan MINISTER tih chuan i dispensary a ni bawk a, a pangana 'a' leh 'b' hi chu a pathumna zawah hianin Faper lay hi chu ti mai ila. House in tha a tih chuan a sual in ka ring lo. Hci hi chu thil tih har pawh a ni lova, a awm viau chuan ka hrie.

Tin, helaia kan dan ang lo deuh awm kha hna thawh tam hian chuan tihpalh hi a awl a. Chuvangin kan Assembly Secretariat pawh kan fimkhur a ngaiin ka ring a. Nichina Pu Lianchia zawhna pawh kha K.L. tih tur kha 'L' tih kha hmaih a ni a. Kha kha typing mistake niin a lang a. Kan fimkhur deuh a ngai a ni.

Aw le, kan Business list a pangana 'a' leh 'b' hi chu House in tha kan tih chuan pathumna zawahh hian ti mai ila, a har lo bawk a. A thain ka hria. Tin, Pu Speaker, kan BAC report kha chu khatiang khan pawm ila a tha tlang mai lawm ni ?

SPEAKER : House thu thu a ni. House in a pawm thei em ? (Memberte pawm e) Kan pawm anih chu. Aw le, hmannia kan BAC report chu a principle in kan pawm a. A list of Business chu a hrampain a lo kal leh mai ang a.

Kan tum dan chuan chawhnu luh veleh hian Paper lay ta ila kan ti a. Tunah lay zawk ila House in tha a tih chuan. In duh zawk em ? House-in. (Pu Saikapthianga : Chutianga a har loh chuan Inah min rawn sem ula a ni mai a lawm) Inah a theih lôh. House-ah kher a ngai a ni.

FU ZOSIAMA PACHUAU : Fu Speaker, kan programme a Obituary tih hnua Motion of Thanks tih leh tum ang a ni dawn a. Kan programme hi a fuh thei lova, a bul atanga engkim tih that zir tur a ni tih kha i tan teh ang u.

SPEAKER : A bul atanga tha tur pawhin in zawhna lo kal hi a dik lo khawp mai a, a Department te hi kan ngaithiam a, kan ti mai mai a ni. Ngaihdamma in kan la kal zawk anih hi. Anih House in a paper lay kan duh maw? Han lay rawh le, House a lay tur maw ?

*FU VANLALNGHAKA : Fu Speaker, Minister-in a lay tur a ni. A lay hmain tumahin an sawi thiang lo a ni.

SPEAKER : Hmanni khan an ru chhuak pawh a ni lova. Law Secretary ta kha a lo ni a, an lo pawh pen sak zawk a ni. Chief Minister ta kha chu Proof reading a ni a. Tin, kan dan anga kan in kher tak tak dawn anih chuan kan dan chhungah pawh hian News Paper chhiar awih a ni hauh lo a nia. Kuhva pawh ei awi loh kan ti a. Tam tak chuan in thial mek bawk a ni a.

*PU VANLALNGENA : Pu Speaker, Chief Minister kha Governor thusawia Proof reading nei tur a ni lo. Proof reading a nei pha lo reng reng, Proof reader a ni lo.

SPEAKER : Governor chhiar zawng zawng kha Mizoram sawrkar Chief Minister Bill vek a sin. A neitu zawk a ni. Minister-in paper rawn lay sela.

*PU ZORAMTHANGA MINISTER : Pu Speaker, annual Financial Statement for the State period during 1986 - 1987 tih te, Demand for grant for the state period during 1986 - 1987 tih te, Appropriation schedule for the state period during 1987 and 1987 tih te, Supplementary Demand for grant for the U.T. period during 1986 leh 1987 tih te, Appropriate of schedule for the U.T. period during 1986 and 1987 tih te kha House hmaah ka lay e.

SPEAKER : Parliamentary Affairs Minister Tu Saingura khan han lay ve nghal sela a tha ang.

*PU SAINGURA SALLO : Pu Speaker,

- 1) The Mizoram Autonomous District Councils (Constitution and Conduct of Business of the District Councils) (Pawi Autonomous District Amendment) Rules, 1984.
- 2) The Mizoram Autonomous District Councils (Constitution and Conduct of Business of the District Councils) (Amendment) Rules, 1987.
- 3) The Mizoram Autonomous District Councils (Constitution and Conduct of Business of the District Councils)(Amendment) Rules, 1987.
- 4) The Mizoram Autonomous District Councils (Constitution and Conduct of Business of the District Councils)(Sixth Amendment)Rules,1987.

- 5) The Mizoram Autonomous District Councils (Constitution and Conduct of Business of the District Councils) (First Amendment) Rules, 1988 te hi he House-ah hian ka rawn lay e.

SPEAKER : Hun hi kan ren ang reng si a, hmanni khan Governor khan House Address in thusawina a rawn nei a.

A thusawi atang a Motion of Thanks Pu K. Zahungliana Member zahawm tak khan a rawn theh lut a. Tunah hian motion neitu khan a sawi tur neih to sawiin hun han hmang tan se, i lo ko hmasa ang u.

*PU K. ZAHUNGLIANA : Pu Speaker, Governor zahawm takin he House zahawm takah thu min rawn hrilh a, thil lawmawm tam tak kan hmu a. Chutah chuan motion of Thanks ka han pulut a. Min lo pawm sak avang leh House in sawi tura a lo buatsaih avang hian i hnenah lawm thu ka hrilh duh che a ni. Governor address-ah hian thu tam tak kan hmu a, amaherawhchu chip chiar tak leh kip kawi tak thu a awm lova. A pawimawh leh tlangpui rawn in zamchhuak a ni a. Thil zawng zawng sawi dawn sela sawi sen a ni lova. Amaherawhchu lawmthu sawi tur tam kan nei a, a thu kan han chhiar hian, kum sawmhnih chhung buaina karah kan ram a lo zu lut roi ta a. Khawvel ram hrang hrang te leh India ngei pawh kan enin hmun hrang hrangah hetiang buaina hi a chhuak ve bawk a ni. Chutih karah chuan Central sawrkar nena remna siam a, thuthlung an neih hnu pawhin hmun tam takah chuan sawrkár kal hlei thei lo leh harsatna namen lovin tlák buakin an awm a. Mihring nunna tam takin a chan phah a ni. Nimahsela keini ramah chuan remna thuthlung kan lo neih hnu a ramthara kan lo chuan kai hian kumkhat chhung India ram mai pawh ni lovin khawvel min thlir reng laiin, kan ramin remna tluantling a dawn avangin a lawmawm leh zuala. Chung thute he Governor address a kan han hmuh hian a lawmawm em emin ka hria a.

Hengte hi a chhuanawm tak meuh meuh vin ka hria a ni. Tin, hei hmasawnna chi hrang hrang a kum khat chhunga kan ke pen dan te, kan hmu bawk a. Chung chu kei chuan chip chiarin ka sawichhuak ve lovang a. Chhiar tur a bu kan nei theuh a. Khangah khan ram dinhmun tliara dan leh dun leh thupek leh rorelna kalphung tur te buaipua kumkhat chhunga kan ke pen dan turte kan hmu bawk a. Chung chu chip chiarin kei chuan ka sawi chhuak ve lo ang a. Chhiar tur a bu kan nei theuh a, khangah khan hrailuten ram dinhmunah thil chi hrang hrang a hma an lo lakna hi ropui ka ti a. A bik takin kan ramah chuan rethel tak tak awmkhawm kan ni a.

Chung mite chuan mahni remhriatna leh mahni neiha bul tan turin dinhmun siam ngaihna kan hre tawh lo a ni. Chutiang chuan kan ram mipuite hi kan awm a ni a. Chitih lai karah chuan Aibawk block chuan permanent Jhumming Programme ropui tak mai a enchhinna atan leh a bul tanna atan an lo tan reng tawh mai a. Hengte ka ngaihtuah hian hetiang anga kan ram hmekhua vek tur hi a thain ropui ka ti a.

Chuvangin a bul tan that hi a zatve zo a ni thufingin a lo tih angin, hetiang tak kan sawrkarin a lo tha hi ram leh hnam tan a chhuanawmin a muanawmin ka hria a. Vawiin ni hian a bul kan tan theih ka ring a, a hlawhtlin hun tur te kan thlirin. Chumai ni lovain zawhna leh chhanna kan hmuh bulldozer chung chang te kha, a leh lam zawnga tlang chhipa awm te tan chuan, phaizawl kan nei ve si lova, kan chhawma a awm ve love, tiin tawite mahni tanghma chauli an thlir thin a ni. Chutiang thlirna atang chuan a hnemhnang lovin a lang; mai thei e. Amaherawhchu, chhungkua anga kan ngaihtuah chuan tlang ram a mitc pawhin phaizawla awm ten kan ei tur an thewk chhuak dawn a ni ti zawnga kan ngaihtuah chuan vawiin niah hian a sangnih sangthum emew in pek den den a nihnih khat thila ei bo bar leh mai tur zawnga ngaihtuah a he rama chhungkaw hrang hrangte dinhmun siam tumna ringawt hi a fail nasat em em avangin hetiang taka Sorkar in a thil tlo leh awmze nei a hma a lo lakna bulldozer kan lo neih te kan ngaihtuah hian kan ram nghahfak a lo thleng tih a nin theih a ni. Chuvang chuan an tum ang leh kan beisei angin kwanthum chhung chuan kan lo thleng phak lo deuh hek anih pawhin a kumli naah chuan kan thleng ngei ang tih ka ring a. Chuvangin hetiang anga Governor Address ah kawng hrang hrang a hmalak nate sawrkarin a lo neih te kan han hmu hi lawm awm pawh ka ti a. Chuvangin vawiin niah hian he House zahawm taka member zawng zawngte hnenah he kan motipn of thanks Governor thusawia kan lawm thu hi vawiin ni ah hian kan pawm tlan turin ka rawn move a ni e.

SPEAKER :

Awle, a motion neitu in tunah a rawn pu lut a, sawihona kan nei ang a. Member 39 sawi turah in ngai ta ila, nitin kan working hours hi dardar

3½ a ni a, ni 2 chhung chuan darkar 7 emaw a lo ni ang a. Tichuan minutes 10 ti ila, a chuang deuh si a. Minutes 15 han ti ula, a khum leh a. Amaherawhchu a budget ah ni nga lai sawi hona kan nei leh dawn theve, in control a har ayangin minute sawm pawh chu han ti ila, minutes sawmpanga tho sawi a nih leh hlawm mai thei a, tichuan munute sawm han bi den den phawt ila. Anih leh minute sawm panga chu ti ila, hun pelh loh nise. A budget ah ninga lai sawihona kan nei dawn a. Apiah lamah item-wise ah pawh sawina hun a la awm lhe dawn a. Hun thawl hek hawk kan nei dawn bawk a, minute sawmpanga chu han ruat chhin ila. Tunah dar sawmpahnih a ri chiah a,

sawmpahnih leh minute sawmpangaah a tawp ang a. Minutes sawmpanga minute hnih a a la rik loah warning bell a lo kal ang a. Tah chuan midang kan ko ang a. Zawh tur a ni tawh ang a, kawhmawh bawl lohah i ti ang u. A duh apiangin han sawi teh ule. Fu Rokamlova a ni a hmasa deuh a.

*FU ROKAMLOVA : Pu Speaker, hei keini Opposition Group lam hotupa a awm leh avangin tiin kei min authorise a.

Chuvang chuan nidanga kan tih thin angin kan hliam hmasa ang a, a tawpah tlem a zawng chu min pe leh thei ang chu maw. Hei Administrator emaw Governor emaw leh L.G. te budget Session emew a House an address thin hian nichina i hnen atanga kan ngaihthlak tak ang khan sawrkar atanga engkim report dawnga chumi chu anin lo la leh chhawng a ni a. Engkim khaikhawmtu a ni a, Rubber Stamp mai ni lovin a tak takah chuan thunei zawka in ngai pwh kha a takna leh a takna siamtu a ni a. A tih duh loh ni ni emaw a tih tawp ni ni emaw chu a tawp ni a ni thei a ni. Chuvang chuan leh lam pangah chuan rubber stamp ang maiin sawi theih niin lang mahsela heng a sawitu hi kan sawrkar ti thei tu awmchhun chu a nih avangin a thusawi te chu a pawimawh hle a. Hetah hian hlawm lian tak tak hmun hnihah a then theih a. Chu chu he State sawrkar hmasa-ber mai kumkhat a lo hman rai taka a thil tih te a ni a. A pakhat leh chu kum engemaw zat kan hman tura thurawn ang a kan ram chhunga remna leh muanna a thlen chung chang leh chumi chhunzawmna a lawmthu a sawi te chu a ni .

Bung hnih hlawm a han lakin chutiang chuan a thliar theihin ka hria a. Tin, hmasawnna lam pang leh sawrkar thil tih a han sawi lannaah khan ngun takin kan han en chuan hengah hian mipui beisei ang a awm em aw tih ngaihtuah tham tak a ni a. A chhan chu sawrkar thar kan neih dawn leh zoramthar zofate lungrualna beisei taka kan thlir lai khan U.T. chembil tak paikh a State chem hriam hmang tura, a tir thla ruk emaw kha chu a la harsa a nih pawhin October thla atang chuan hmang tura intiam sawrkar anih avangin. Tunhma zawng zawng ai khan a chak fur fur hi kan lo ring thin a. A sawrkare pawh a ngheh zia harsatna a neih loh zia helaiyah pawh hian a sawi chamchi mai nilovin vawiinah pshai chuan kalkawng dung tinah he sawrkar ngheh zia hi mipui te hrilh nawn ngai khawpin a lo chak ta a. Chutiang ang a lo nih takah chuan engemaw thil tih a tak tak ang a lang hi mipui pawhin an beisei tak meuh a ni. Chutiang atang chuan he thu hi kan sawiho dawn a ni. Tin, tunhma emaw lam tehkhin cm em lo khan beiscina leh ti tura intiamna leh State chem hriam hmang chunga thil tih leh tunhma U.T. a hruaitu ang mai mai ni tawh lovin thu neihna kan nei sang ta a ni tih thawk a phit a kan lam rik taah hi chuan a taka mipui tana thawh chhuah pawh kan beisei a ni. Chumi atang chuan kan sawiho dawn a ni.

A thu hma lampang lawmthu a han sawinaah khan sawrkarah ngen tlat kan nei a. Tin, remna leh muanna a lo awm hnuah pawh state sawrkar kan lo neih hnuah ram chhungah buaina a awm loh thu a sawi hi a lawmawm tak meuh a ni. Amaherawhchu remna leh muanna kan tihah hian chhawng hnih a awm a. Fewn lama in vau leh in tin tui tui te in tih thaihna ang chi leh khatiang a hlauhthawn awm leh nunna kan channa ang chi te kha e lang sar takin awm tawh lo mahsela a chhungril lam pangah kan muang tak zet em tih zawhna erawh chu chhar tul tlatin ka hria a.

Tin, eng vanga he kum khat chhung hian law and order thuah muanna kan neih tak ti te ila, a lawmawm ber chu kan buaina chhan ber hi a tlangrui thua vawiina tihreh anih tak avangte chumi buaina a bul tuntu ber te chu tunah sawrkar neitu an nih avang tein a ni e tih theih awm e. Amaherawhchu tlang kama tawng ri fo hi kan ngaihtuah ngai em ? Anni hi awm lo ta ang se, keini hi awm lo ta ang ila chu kan buai leh ang tih ang chi te hi a nih si chuan buaina tek tek ang chi hi a la reh lo a ni. Chu chu sawi telin kumthar hun kan hman leh turah hi chuan chu a chi a pawh chu nuai reh thak a nih dan tur a pawh hi kan state hotupa ber hi chuan han sawi thei ngat se chu a lawmawm ngawtin ka ring. Tute emaw an thath loh avanga zorama buaina awm leh zel ang tur te hi democracy spirit kalhmang a ni lo reng reng a ni. Kan sawi thin i, hnamah kan chiang tlang a. Mizo kan ni a, Kristian te a tam zawk kan lo nihna hmunah phei hi chuan thil awm tawh lo tura ngaih hi thupui takin a rukin kan la kalpui fo nia e lannaah te.

Nikum kum kal ta kan ngaihtuah chuan Police tena an han man rup rup thil awm lo mah selangin an man tak loh tam tak khanin Mizo mipuite a ti muang lo tlat, mahni thenawm bul lawkah te, mahni thenawm bul lawkah te tui in niawm taka kun renga nunna nei tawh lo awm taka lo awm a tuk zinga chhar tak mai te; kawmthlanga chhar tak mai te, kalkawng sira chhar tak mai te, tuten nge ti man chhuah reng reng awm ta lovah hian law and order ah man rup rup leh puh tur awm thei ta tlat lo angte hi leh lampangah duan a lang lo na a. Helaia a ziak ang chauh a kan kal hian a ziak loh na a Mizoram chhunga rum rumna awm te hi eng angin nge a reh ang ?

Han sawi lang ve vek thci te selang chuan a lawmawm a. A sawilan hrim hrimah a lawmawm na a awm ka ti a ni lova. Chung ang a reh theihna tur atana ka sawrkar a tih hian eng ang programme nge a tak dawn ziak tel thei selang chuan a lawmawm ngawt tur a ni.

Dik tak chuan muanna leh remna tak tak a thlen chinah hian ti tak tak lo, an lal loh dawn chuan buai ta rupin awm dawn ta se pawiti lo tam tak awm mahsela, mahni chawthleng beng bua a mahni hlawkna tur ang te pawh kal sanna he remna atan hian tawngtai tak

tak leh inpe tak tak hi tam tak he ram chhungah hian an awm a. Chumi anih dawn loh ai duan an chuti leh dawn an heti leh dawn inti phawt mai teh ang tia beidawng em em a. tar lukhum var tak tak la awm te ang te hian Zoram hi muanna tak tak a thlen theihna tur atan an la tawngta i zel a. Zing tianh kalin Pathian hneneh an la thlen reng a ni.

Chu ni chu kan nghakhlel a, kan hmu chak a. Governor thuthleng atang te heng zawng zawng buatsaihtu thutthleng atang hian mipui rumna hi a lang pha lova, ziak loh a lo nih hlauh chuan tun hi kan hrilh ve na hun remchang niin ka hria a. Mipui tam tak hi kan la lungawi tawk lova, kan la muang tawk lova. Kan nun hi a la hlim tawk lovin kan hria a ni. Police lamah hlauh kan nei lo. Langlo, hriat loh, khawilai emaw chhingkual ral hlauh kan nei a ni.

Chumi lak ata chhanchhuh kan nih theihna atan hian roreltute lo kal khawm te leh Zoram a mawhphurhna neia in hria te zawng zawng hi Pu Speaker engtiamaw thawhho leh tannual dan i kaihhruina hnuaih dap chhuak thei ila a lawmcwm ngawtin ka ring.

Tin, hmasawnna lam programme chungchang thuah hian han lut leh ta ilangin. A chipchiar a sawi rih loh chu ka duh a. Amaherawhchu sawilan duh tlem tlem ka nei ve a. Chu chuan hma kan sawn tak tak em tih a tih lanna tur atan. Pakhatnaah chuan finfiah awl thei ber atan hote han la ta ang ilangin 1986 - 1987 chhoah khan thingtlang lam mi harsa in sakna tur pek angah te khan Rs. 240, 245 hei tun thleng pawhin zahnih tih ang rengah bawk a la thu ta ngar ngar a. Lawm loh thu ni lovin chu chu state chempui hriama hlai hlaih a ang lo deuh a hriatin, lawmthu kan sawi lai hian hmasawnna tak tak a thlen leh thlen leh hriatna atan phek rukna para sawm parukah khan a ziah kha khang te kha en ilangin, kut benga han lawm hluah hluahna tur a ni meuh em tih te in zawk nawn ka duh a.

Tin, chu lo chu zoramah hian remna leh muanna politic a kan buaina te hi a reh hunah chuan mimal, chhungkua tak tak nghawng thin, zanah pa, mu thangharha a bul bangawng kara thli lo lutina a fate a chhem hauh hauh lai khan a thian thate zawng zawng Maruti nena an kal tawh laiin, eichawp dapa kumina kham khawp thlo lo tur rilru pu thin te hahna hi, chhungkaw singli deuh thawin an la neih tih rehna hi Zoram hmangaihtuten mipuite tanaah rawngbawlna tur ngeia ngaiin sawrkar hmasa te pawh khan kan ram acre nuai sawmnga leh pahnih awm tiang tuang te hi hman tangkai dan a awm lawm ni tiin Land Use Policy a lo siam a. Chung chuan State sawrkarah hi chuan thutiam fel tak neiin in tin hneneh cheng sangthum zel pein, kuminah pe in, nakumah pe lchin a vaiin hmaih bik nei lovin kum ngaah a zawk loh chuan kum sawm thlengin pawisa pawh hmuh ngei ngei in ringin, Planning Commission te pawhin an theh leh tawh te mimal ang chuan tha an lo ti tawh Aizawl hmun ngeiah pawh an rawn zir sak tawh hnuin. Chung thil te chu tunah hian paik thlak a nih tawh hnu hian, a hming Jhum Control vuahin kum thum chhunga intodelhna in zirtir in, ti mai tur awm hmel a lan avang hian.

Nichina kan ngaihthlak tak ang khan Bulldozer sawm leh pahnih neiin thla khat leh a chanve chhunga hectre hnih lai zo zelin. Tunah a mu ta vang vang maia pakhat kan hriat phei chu, chutiang ang anih chuan Bulldozer sang pawha intodelh beisei awm loh nak a laia, zirtirna sak tak maia kan kaltir te hian tih tak tak tumna a kawk lo palh ang tih a hlauhawm em em iu ka hria a. Jhum Control-ah State pawisa hmang lova Central-ah pawisa hmangin kan ti e tih chu block sawmhnih awmah kum khata hna turah block pakhat kan hmang a nii chuan kum nga ro rel tur pawh ni ta ilangin block nga bak Jhum Control kan til chhuah chuan si loh chuan. Engtik laiah khan nge kum thum chhung hian intodelh kan tum. A dang pawh pawisa la awm si hian, nakinah kan la sawi ang. Pawisa awm tam taka hi chu kan ngaihthlak tak ang khan department hrang hrang atanga lakkhawm bulldozer leh tractor leina atana hman thute pawh kan ngaithla tawh thin a.

Chuvang chuan hetiang ang in zirtirna te pawh hi darkar sawmhnih leh pali chhunga tan tang tang a khawvol lo luang lut tur ang a khawvol dang lo chim tur ang a sawi, amaherawhchu darkar sawmhnih pali lo rala thuchah dang siam leh thin kha, a tak ram lo thlen dawn veleh tih kha a ang palh ang a, kumthunah hian a thleng si lo ang a, a dang kan sawi leh ang a. Tichuan Kanaah hnute leh khawizu luanna ram kan in sawihmu, ni sawmpakhat lek kal tur hi inchhuihhluum phungin kum sawmli velah kan thleng chauh ang tih a hlauhawm hle a ni. Chuvangin he Jhum Control kan til kum thum chhunga, kan intodelhna tura kan han in zirtir te hi mithiam deuh leh nga iantuah thin te chuan an han thlir pawh hian Fu Speaker thutiam tha tak amaherawhchu a tak hmu har tur nia hriatna te a awm a. Chung ang pahnih kan sawi atang mai pawh chuan helaia ziak awm khawm te hi thil ropui tak, mipui beisei thin a hnokin, heng an rawn ziah chhuah te pawh hi a tak tak kan hmu ngut na maw tih anih avang hian thil tih tur a ni a rawn ziah ve mai, a tha ang tih kan ring a, kan ti a ni tih thil thu mai a ni ta in ka hria a. Chu chu ka han sawi ve duh a nia. Ka lawm e.

*FU VANLALNGENA : Pu Speaker, hun min pek avangin ka lawm e. Kan Governor thusawi remna hnuaih kan ram chu kum khat a lo awm ta a. Chumi chhunga sawrkarin a hnathawh leh a thawh leh zel tur a sawi chhuah a, Member zahawm tak khan lawmthu a rawn sawi a. Ngum taka ka en hian Governor thusawiah hian lawm tur ka hmu lo. Ka sual bik nge ni, ka duh tui bik nge ni. Ngun deuhin chhiar mah teh u, remna hnuaih kum khat sawrkar hnathawk pawisa tam zawk nei si a kan thawh hi a lungawi loh thlak khawpin ka hria.

Tin, entir nan hei Governor thusawi ah hian kumthar atan vaibelchhe sawm riat panga plan-ah min pe a. Pawisa hi a pawimawh tak tak a, ram rethei kan ni a. Kan mipuite dinhmun chawikang tur hian pawisa kan mamawh a ni. Hei pawh hi a tawk lo khawp, Nagaland-ah chuan cheng vaibelchhe za sawmhnih panga an hmu a ni. Arunachal-ah chuan vaibelchhe za sawmhnih panga an hmu bawk. Arunachal nen khuan state khata awmho kan ni, kan kai rual chiah. Kcini erawhchu vaibelchhe sawmli in kan tlahniam a. Hei hi a pawi ka ti tak tak a. Vaibelchhe khat hi nuai za a ni a. Chuyangin va ibelchhe sawmli hi chu han hmu belh ve ila chu kan dinhmun hi a changkang tur. Kan pawisa hmuah pawh hian kan dinhmun nena han khaikhin hian lawmna tur ka hre lo.

Pu Speaker min ngaidam la, hman niah sawrkar official pawimawh tak mai Governor thusawi a hun lovah a put ru a. Kha kha thil pawi tak niin ka hria. Ngaihdam mai mai theih a ni lo, official a miten an ken copy engemaw zat i laksak a, a lawmawm. Mahse pathum chauh i laksak a, tam deuhin an keng a, kan Chief Minister ngeiin he pawikhawihnaah hian a inhnam-hnawih hi pawi ka ti a. Kan dan bung ngaah khan Governor thusawi chu a sawi zawh veleh Speaker-in member te hnchnah a lay ang tih a ni a. He dan bawhchhia a kan Chief Minister, he House Leader a awm hi Pu Speaker hrem tlak a ni. He House hi a zah lo a ni, he House hi a palzut a ni. He House tluka zahawm rorelna hi Mizoramah khawiah nge a awm ? Mizo mipui nuasinga chuang aiawhtu kan ni. Chief Minister siamtu kan ni, Minister siamtu kan ni, Government policy zawng zawng siamtu kan ni.

He House miin a zah tawh loh a a pawisak tawh lohvin, eng dang nge a pawisak tawh ang le ? Dan bawhchhia a House Leader awm hi hrem tlak a ni. Governor thusawi kan discuss lai hian i hnawtchhuak tur a ni. Pawi lian pui a khawih a ni.

Budget te pawh hi a leak out ang tih ka hlaup leh ta. Sawrkarin Minister te nen in siam a ni, official te nen thawk tlangin, mahse Finance Minister-in a pharb a, Speaker-in a lay hma loh chuan confidential a ni a sin. Tunah hian kan Chief Minister hian pawi a khawih a, he House zahawmna zawng zawng decorum leh dignity a ti bo a. House-ah hian ngaihdam a dil loh chuan House hian a ngaidam theiin ka ring lo, House zahawmna e vaw chhia a ni. House hi engahmah an ngai lo anih chuan Mizo mipui nuai nga hi engahmah an ngai lo tihna a ni. Chuvangin a phu tawkin kan hrem tur a ni. Dan a bawhchhia a ni, member te min zah lo a ni.

Tin, Governor thusawi atang hian ka sawi tawh ang khan lawmna tur ka hmu mang lo. A tlangputa lakin remna hnuaria pawisa tam zawk a hnathawk siah chuan kan hnungtawlh tlat mai. Nikuma Governor thusawi nen khan ka han compare a, Forest-ah te phei chuan 1986 - 1987-ah

hectres 13917 a zauah thing kan phun a ni. Amaherawhchu kuminah chuan hectares 9000 chauhah thing kan phun mai. Engatinge remna boruak tha zawk leh pawisa tam zawkah Plantation-ah pawh hian kan va chau em em ve, engatinge ni ta le ? .

Tin, Supply Department-ah pawh hian Governor khan essential commodity kha duh ang tawkin kan hmu e, availability of essential commodity has been satisfactory a ti a ni. Mahse Mizoram mipui te hian Buh leh Bal kan khawp kham lo. Kum hmasa aiin kan hnungtawlh tlat. Aizawl khawpui chhungah pawh Quota chanve in kan la, thla kalta pawh khan MLA tam takin buhfai kan va la dawn e, vawi hnih/thum kan ve kal a ni. Legislator te pawhin kan hmu tha hlei thei lo a ni. August leh October ah phei chuan rape seed oil thla hnih a awm lo a ni. Thingtlang hmun tam takah tunah hian buhfai a awm lo a ni. Engatinge sawrkar hnathawk kan Governor hian ei leh berah duh tawk, hnianghnar a awm a tih theih mai. Helai hi chu cut hial a thain ka hria. Zoram mipui hian min dem ang, kan tam nasa si a ni. Supply Department-ah pawh hian nikum aiin kan hnungtawlh a ni.

Tin, Electric-ah pawh hian pawisa tam zawk si, remna hnuaih hian kan hnungtawlh tlat. Nikumah khaw 50 tih en a ni a, kuminah 46 chauh, thingtlang cng pck an ni. A pawi ngawt mai. Thingtlang rethei tak tak te nghahfak IRDP 2783 Financial Year chhung hian pek a ni. Nikumah khan 7000 pek a ni, thingtlang mite chawikan-naah pawh hian $\frac{1}{2}$ vel ang nikum a kan hnathawk a ni deh mai. Thingtlang rethei tlem te kan chawikang tihna a ni. Nikumah 7000 kan pe a, kuminah 2783 chauh kan pe a ni.

Tin, Sericulture te hi han en teh u, a lungawithlak loh khawp a sin. Hei hi thingtlang mirethei huam tak tak a ni. Cocoon hi nikumah chuan 186900 Kgs. tihchhuah a ni a, kuminah erawh chuan 4300Kgs chauh tihchhuah a ni leh ta mai. Engatinge state thar pawisa tam zawkah hian a hnungtawlh zawnga kan kal tlat mai chu le. Kan in enhian a ngai a ni. Minister te u, in Portfolio ah theuh khan in bih chiang teh u, kum 20 rambuai a awm kan mite hi an retheih teh lul nen, I in en zel teh ang u. Bio-gas-ah te hian kan hnungtawlh 98 nikuma an tih en laiin 84 chauh.

Tin, Soil-ah te hian nikuma L.G. thusawi khan hetiang hian Year mark a siam a. 75 lakhs hman a ni ang a, chhungkaw 2010 ten eizawnna ngelnguet an neih theih nan. Tin, minor irrigation leh terrace-ah chhungkaw 2010 siam an ni a. 75 lakhs kha chhungkaw 2010 ten eizawnna ngelnguet an neih theihna atana dah a ni a. Mahse kumina lo lang chu chhungkaw 937 chauh mai a ni, a year mark a va hlat em. A chanveah pawh a tla pha tlat lo. Mirethei lai khawih tak takah hian kan hnungtawlh thui lutuk. Kan budget hman dan hi a mak ka ti. A rothei te chan tur lai apiangah hian kan hnungtawlh hnem mai.

Tin, Agriculture Department-ah

e hian Bulldozer panga kan lei. Intodelh kan tum, e lawmawm e. Amaherawhchu a tak tak i en teh ang, nikumah khan chhungkaw 4528 tanpuina lo ng het siam turin sawrkarin a pe a ni. Kuminah chuan initial state-ah 2000 (approx) tanpui tum a ni tih a lo lang leh ta tlat mai. Kan chhuan ber laiah pawh hian kan hnungrawl tlat a ni. Mipui rethei, mamawh tak tak a pawimawh laiah kan hnungrawl zar zar mai. Indo lai kha chuan hnathawh a har kan ti thin, remna hnuai, pawisa tam zawk, thuneihna seng zawk, state puitlingah hnung zawngin kan kal tlat. Hei hi a pawi tak tak a ni, kan sawrkar hi in ngaihtuah ngun a ngai ang. Minister te hi in inngaihtuah ngun a ngai ang, Opposition ka nih avanga ang mai mai ka ni lo. A tak takin hna i thawk ang u. Kan ram hi i siam teh ang u, keini bak hi thawk tu tur an awm lo. Kan budget kum khat kan hmang a, hei hi a ni tlat a ni.

Tin, Health Department-ah kum 2000

ah chuan Health for all programmes tihpuitlin tum a ni, tih a lo lang leh a. Civil Hospital te saw en teh u, damdawi mumal a awm lo reng reng. Ka bial Phuaibuangah chuan PHC Centre kumkhat hawn a ni tawh a, Doctor a la awm lo a ni. Suangpuilawmuh Doctor an la chhuak a, thla 5 a awm tawh lo bawk. Daidoah Sub-Centre kum khat min hawn sak a, damdawi mum khat pawh a la thleng lo. Nurse pakhat pawh an la thleng lo a ni. In tlawmngaiin kan sa a, bawng leh vawk riahna a ni ringawt. He Department-ah pawh hian kan hnungrawl nasa lutuk. Chuvangin ngun taka kan in en a ngai a. Hetianga point hrang hranga ka han lakchhuah hian lungawina tur ke lmu lo a ni.

Tin, Pu Speaker, hun tawi te min pek belh la, 29 Paragraph-ah khan MNF lo kir leh te Rehabilitation chungchang a lo lang leh a. Hei hi kan sawi zing tawh khawp mai. Pu Laldenga thia ruk a sawrkar a, Rehabilitation Housing scheme Interim period chhungin siam fel kan beisei anih kha, a siam fel hman lo a, a pawi kan ti. Nikum budget pharh a ni a, chutah pawh chuan Housing scheme awm loh vanga kan an kha in la hre reng ang. P.W.D ta lain 20 lakhs dah sak a ni, thla 19 kan Chief Minister a sawrkar hnuin MNF lo kir leh te Rehabilitation peih a la ni lo hi a pawi tak tak a ni. Nikumah kan ang nek tawh, kum khat a kal leh tawh. Engnge lo lang kha, Central-ah submit a ni a, rang taka sanction beisei a ni tih tunah hian a la ni chauh mai. A mak a ni Housing scheme siam hi a va har awm ve. Eng hi nge maw a harsatna ber le. Heng hi chu tlan chak pui ve deuh teh u. Nuam taka in awm laiin in nau te kut durh in an awm, Ration lakna pawh an nei lo tak tak a nia. Hei hi fuihpawrhna thil a ni lo. An dinhmun hi in hriatpui pha lovin ka hria, thla 19 hnuah pawh kan nau lo kir leh te Housing scheme pawh kan siam fel theih loh. Hna thawh tur in pe hi chu a lawmawm khawp mai, 300 (approx) lai rehabilitate an ni a, a lawmawm ka ti. Amaherawhchu an harsatna dang hi chu in mang nghilh deuh a ni.

Tin, Agriculture chungchangah khan kan pawimawh ber anih avangin ka vei em em a. Border Trade chungchang a lang lo kha a pawi ka ti a. A chhan chu Agriculture product hralh theihna turin Border Trade nei ila tha kan ti tlang a ni. Kan thlai te, pawh man sang deuhin kan hralh thei ang. Mahse tun thleng hian border trade agreement a MNF leh India sawrkar inremna a ziah that pawh chu tih theih a la ni lova. Hei hi Pu Speaker, pawi ka ti tak tak a ni, MNF lo haw khan an sawi thiam tehlul nen. Anni ho hian thu thlum tak tak hi an sawi thiam a. Kanaan ramah min kalpui tumin Sinai thlalerah min tawp san leh thin a. Hei hi a pawi em em a ni.

Tin, Bairabi tuikhua chungchangah khan (Speaker : A tawk tawh, hun a ral tawh, thu rawh) Ngawi rawh, Pu Speaker (Speaker : Minute 15 a ral tawh). Governor thusawiah khan a lo lang a, hei hi a pawimawh em em a ni. Tunah hian Bairabi tuikhua chungchangah Governor thuchah lo lang chu kum khat chhungin proposal discuss a ni e, highest level-ah tih a la ni chauh. Pu Denga hian clearance a hawn hnem tawh tehlul nen 'clearance hawn hnem a' an ti ringawt tawh a nia. Mahse tuna lo lang leh hi a lungawi thlak loh, kan mamawh hnem si a. 'Clearance hawn hnema', 'Tuikhua thanga' tih tlak a ni tak tak reng a nia. Hetiang hian kan ram hruaitu lian ten thu an sawi tur a ni lo, thudik an scwi tur a ni.

Ka lawm e Pu Speaker.

SPEAKER : Tunge member dang sawi tur. Aw le, Pu P.C.Zoramsangliana.

Pu P.C.ZORAMSANGLIANA : Pu Speaker, thu ka sawi hmain thil pakhat zawh che ka duh a. Budget Session emaw, Session kan neih a, Governor-in address a neih dawn hian 'Hnam hla' Band a nih loh pawhin rimawi ngaithla in kan lo ding thin a ni a. A chhuah dawnin chu bawk chu a ni thinin ka hria a. Zirtawpni khan chutiang chu a awm ve ta lova, kan hmasawnna nge ni a, a awm lohna chhan, kha Committee i din leh dawn phawt: (Speaker : Kan zawt a, a ma'n a duh lo a ni). Chuti anih chuan a tha anih chu, hmasawnna chikhatah i ngai ang.

Kan Governor thusawi hi ngun deuh a han bih chian chuan ka hma a an sawi ang khan lawmna tur hlir a lo ni e tih chi chu a ni mawlh lo mai a. Mahse 41 para hi chu a lawmawm hlein ka hria a, a tawp lamah ka sawi ang a.

Ka rilruin a vei em em chu
sawrkarin ram pum inpumkhatna tur atan dinhmun pawimawh
tak hna a thawk a hi tih lai hi ka enghelh hle a. He
sawrkar hi tute Party siam nge kan tih chuan MNF Party
a ni. Vawiinni a Aizawl khawpuia Foster in tar te hian
inpumkhatna engang in nge hna a thawk? Kan chhut ngun
a pawimawh a ni. Congress Party hi mipui bumtu nise
vawiin ni a kan Chief Minister hi London-ah putar
chawmna inah a la thu rong ang, a chiang a ni. Mipui
rilru chawk tho zawnga lehkhā tar awm te hian India
ram pum khatna hi a thlenin ka ring lova, hei hi ka
enghelh hle a ni.

Tin, 5 paraah khan Central sawrkar
leh thenawm state te nen inlaichinna tha tak a nei a, tih
hi chu inlaichinna tha a tih vang chu em ni tunah hian
kan ram hi a zim tak? Khang Map te kha in lo hmu ve em
Pu Speaker? Kan ram zim tawlh tawlh lai hian kan
sawrkarin engtinnge hma a lak? Assam Home Minister
Vana Fa Hall a khuallian anih vang khan em ni kan ram
Map te a lo zim tak? A map pawh hei a hlui leh thar
chu ka rawn keng a, han en teh. I ngaih pawimawh thin
em kha. Helai hi i thutna thin anih kha, hemi chungchang
hi i aupui thin a ni lawm ni? Aw a hlui pawh ka keng.
(Ka lo en ve ang chu Speaker) keiman ka rawn pe ang
che. Hemis chungchangah hian engangin nge kan sawrkarin
hma a lak dawn le? Ram kha zat kha kan chan a, kha
Map chhuah Company kha kan khing ngam dawn em? India
sawrkar kan khing ngam dawn em? Hei hi em ni inremna
thuthlung hian a rawn thlen chu? Mizoram zau zawk duh vang
hian a ni lawmni Mizo Zirlai te pawh Delhi tlang atangin
infuihpawrh thin kha? Nangma ho ngei Aizawl Jail te,
Tuorial Jail-ah te, District Jail-ah te kan tan nachhan
thin kha kan ram zau zawk kan duh vang hian a ni ti raw?
Chutih lain Central leh thenawm state te nen inlaichinna
tha tak kan nei a ni tih Governor thusawi a lo lang chuan
kha kha a ni a rawn rah chhuah. A lungchhiat thlak hle
a ni, chuvangin kan sawrkar hi a ngawi mai mai dawn em
ni? Congress thalaite chuan ngawih bo pui mai mai dhiah
ngai lovin lungawilohna vawrtawp entirnan Map kha an hal
a ni. Kan sawrkar ram zauh tum a India sawrkar ropui
tak pawh kum 20 zet do ngam hian engangin nge hma a lak
dawn? Khalai dinhmunah khan kan sawrkarin hma a la a,
a rahchhuah ni a ka hriat chu Assam tlangval Vana Pa Hall
a khuallian a in hman rahchhuah niin ka hria. Min ngam
tawh em mai. Tunhma chuan kan Minister te zin hian Bagha
Bajar-ah an zu thlah thleng chu a, kan ram Police ten.
Assam Minister pawh lo zin se chumi thleng chuan an rawn
thlah a. Keini Police ten chuta tangin an la a, vawiin
niah khawi nge Assam Minister te kha an rawn thlah thlen
tak. Vairengte gate-ah a ni lawm ni an hawng lam te kha
an rawn lam tak? Ramhnuiaa sipai huaisen tam tak te
rammutna chhan kha vawiin nia Map lo lang hi a ni lo a ni.

Aw le, i sawi angin Budget Session
ah sawina hum zau deuh deuh te a awm dawn a, ngaihmawh
zual chauh han sawi ila.

Sport lam hi han sawi ila, kar Minister i/c Sport a awm lova, Village Council inthlan dawn lai khan ka bialah a lo kal a, ka bialah chuan khaw tih tlak chu khaw 9 a ni. Khaw 4-ah Mini Sport Complex min tiam a, vantlang hma ngeiah. Chung en tur te chuan khaw 2 laiah chuan Department hotute pawh an kal tawh a. Sport-ah hmasawn kan duh hle a ni tih a lang a. A bik takin Himalayan Car Rally chungchang kha kan sawi ang a. Hemi atan hian Advertisement ang reng chu Aizawlah khan chhuah ve a ni a. An duh duh an ko ringawt a. Entiinan Vaivakawn a mi Lawmtea leh Dinthar venga mi R.Lalbiaktluanga pawhin an dil ve a. Mahse interview turin an ko leh miah lo. Sawrkar sum sengin mi state dang te leh khawvel International thil a ni tiin han puang dum dum thin nah ula, tu state mah hian sawrkar sum sengin Himalayan Car Rally-ah an in tir lo reng reng. Keini state chauhin kan tir, chutah chuan pawisa engemawzat (Bell a ri) a va ri hma ther ther ve hman ral a ni a. Chu mai a ni lova, khuta sawrkar pawisa an zuk sen so mai duh tawk lovin Sun Magazine-ah advertisement an chhuah leh a. Hei hi sawrkar dan kalhin information leh Publicity kaltlang miah lova Advertisement hi pek a ni leh ta nghal a. Hemi zawn hian em ni sport chu promote kan tum dawn, Mizo tlangval chu tlangval huaisen kan ni. Himalayan Rally-ah pawh hian chhuak duh tam tak an awm.

Tichuan, khawvel hriat tur khawpin kan tar tawh a, Mizo tlangval ten hei hi i en huai huai ang u. Nakumah an intlansiak leh dawn, Aizawl tlangval 40 rual hian tlan ve duh dawn ta se sawrkar hian an Finance zel dawn tihna em ni? kan finance zel tur a ni eng. A bul tan nan kan ti tlat tawh, nichina ka sawi mi pahnih te phei kha chu anmahni sum senga tel tum anni nghe nghe a ni. Chung te chu koh pawh koh lovin an awm a ni. Tin, anmahni an lo kal a, advertisement min pe teh u tih pawh ni lo, Delhi tlanga zuk pek a ni leh nghal a ni. A zahthlak hle a ni, Sport lamah chuan hma kan sawn ve khawp mai. Football-ah te, Hockey-ah te pawh kan lang pha ta. Hmanni lawkah pawh : Laymmualah F.C.I buatsaihin Zoram Football thiam te nen an inkhel kan hmu. Kan nep bik love, Sport lamah hian thangtharten hmasawn kan chak. Mizo nula leh tlangval ten khawvel hriata kan intar chhuah theihna a ni tih kan hria. Inkarkhip reng hi an ning tawh, an darh zau theihna tur chu khawiahnge kan tih chuan Sport atang hian a intar chho a ni.

Hetah ngei pawh hian lo lang nghal chu kumin khan U.S.S .R ah Mizo nula leh tlangval 20 tirh anni. Remchan lohna te a awm that anih loh chuan kei pawh hian thalai 30 rual chu Bonn khuaah hruai ka tum a. Sport chungchangah hmasawn kan duh a, Fu Speaker, i bial i fanin Volleyball pakhat, football pakhat hockey stick phei chu pakhatmah i la sem lovang ti raw. Khaw khat te te i pe thei hram hram, Volleyball leh football pakhat te tein. Chutih lai chuan heti zat pawisa hi kan Directorate hian Sport tihchangkan nana hmanral tir a, thangthar ten chona an pe ta a, nakumah an rawn dil leh dawn. Hemiah hian kan sawrkar a inngaihtuah lawk a tul a ni, kan

Finance Minister pawhin hei hi a hre lawk tur a ni. Hmasawnna kan han tih mal rual hian kan hmasawnna kawng hi a mak thin em a, lawm a har thin a ni. Kan Minister hian ka bial khaw 4-ah Mini Sport Complex min tiam a. Chumi chungchang te chu lo lan awm tak a ni. Block tinah Sport Complex an siam dawn a ni tih Village Council. in thlan laia kan sawi uar em em thin te ang te kha kan Governor thusawiah te hian lo lan awm tak a ni. Eng chu nge kan hmasawnna chu ? Aizawl tlanga kum hmasa atanga lo tih daih tawk Ramhlun venga mi phei chu Bulldozer te min chhuhsak leh nghal a. Kan House Leader bial ngei a ni. Ramhlun field thalai ten a kan nghahhlelh em em lai tu Bulldozer te chu min lakchhuahsak leh ta nghal a. Hetiang kawng hian maw kan Sport hi hma kan sawn tir ang lc, a va beidawnthlak em.

Tin, Governor thusawi, 41 para na tawp berah chuan mitin te hnena min ngenna, Mizoram hun rei tak buaina lo ni tawh harsatna tinreng kaltlanga muanna lo awm ta hi i hre reng fo ang u tih a rawn sawi hi lawmawm hlein ka hria a. Remna harsatzia hi hei hian a tilangin ka hria. Mihring leh Pathian inkara inzawmna chat tawh chu inhlanna, krista inhlanna avanga inrem kan ni. MNF leh India inzawmna chat tawh zawmtu chu Congress Party a ni tih a rawn sawichhuahna a ni. 'Pu Lal Thanhawla Ich a hote inhlanna avang chauhin Remna hi kan nei thei a ni,' a rawn ti a ni. Inhlanna awm lo chuan remna a awm thei lova. Lal Isua Krista inhlanna avangin chhandam a kan awm angin vawiin niah pawh hian Zoramah hian remna chungchang kan sawichhuah chuan a thunawnah a awm zel lo thei lo. Congress Party leh a sawrkar inhlanngamna avangin Zoramah hian remna a awm a, chu chu kan Governor hian hre reng a, chu remna chu chawm nung zel tura House a mite ngei pawh min sawm hi a lawmawm a ni. Hemiah hian lawmthu sawi loh theih loh niin ka hria a. Governor-in remna hlut zia House Member te leh zoram mipui te min hrilh hi lawmawm hlein ka hria. Ka lawm e.

*PU SAIKAPTHIANGA

Pu Speaker, hei kan Governor thusawi hi nichina Chair atanga i rawn sawi ang a Rubber Stamp mai thil tih anih chuan vawiin niah hian sawiho tlak pawh awmin ka hre lova. Mahse, a ngaihdan mai i rawn sawi niin ka hria a. Member dangte leh mipui te ngaihdan a nih loh avangin ka han sawi ve ang a.

A tlangpui a han en hian uluk lem lova rawn buatsaih niin a hriat a, tunhma a mite nena han khaikhin chuan. Thaichhiat te pawh hi a tam lutuk deuh reng reng a. Chuvang chuan hmasawn deuh hlek a han sawi ve mai chi em ni chu ka ti a, mahse chutiang chu kan tih dan tur niin ka ring lova.

Kum kalta, hun rei tak thlenga kan hlir kir chuan kan ram dinhmun kan hre vek a. Hmasawana chungchangah kum 20 kan thuan thu a, amaherawhchu hemi bu kan chhiar rual rual hian remna leh muanna hna kan tan chin a a kan hmasawn lem loh zia a lang a, kan Chief Minister zahawm tak hian sawrkar kalta te hna lo thewh tlem zia a sawi fo mai a. Thil hriathmaih a nei niin ka hria a. 1972 atangin sawrkar hran hranin a inthlak chhova. Khatih lai hun leh vawiin ni a sawrkara a rawn that tak hi a ngaihtuah thin a ngai a ni. Kan P.C sawrkarte, a hma a mi-te pawh kan zuk chhut chuan hlauh nei chungin MLA te pawhin mahni bial fang ngam lovin kan awm a. Kan officer tu te pawh hi zin chhuak ngam lovin kum 20 kan ramah hian boruak a leng a. Chu chu tute vang nge kan tih chuan awiinniah sawifiah a ngai lo, hnamdang hlauh va hnathawk thei lo kan ni lova, kan hlauh a te ngei maiin thla 19 deuh thaw sawrkarna an rawn ken tawh hnu a kan ram than dan hi kan chhut let chuan a chiang hle niin ka hria a. Chu lam chu thui tak sawi a ngai lova, Budget-ah kan la sawi zel dawn a. Kan Governor a bul leh tawpin a rawn sawi hi tlem tlemin han sawi ila.

Panga-naah hian state dang te nen a kan relation that thu te leh hnam hnuajhnung zawk te dikna te zahawmna te humhalhsak a tum zia chungchang a rawn sawi lang bawk a. State dang nen hian innghirmghona tehchiam kan nei lo a ang viau a. Ka hma a rawn sawitu member zahawm tak khan thil chu a rawn sawi fel tawh a. Amaherawhchu kan thenawm state te lakah hian engmah tih theih kan nei ve lova. Kan rama an duh duh a sundawnga an lo kal a, kan Thing leh Mau te an tawlh luh hum hum lai hian Mizoram atang hian Mizo mipui te hian kan ti ve peih lo erawh hi chu inlaichinna mak tak a niin ka hria a ni. Chung chu a fiahna em em chu ka bial chhungah ngei Tuipuibari atangin Tripura kan pawh a, Kanhmun atangin Tripura Ich Cachar kan pawh bawk a. Chu chu nangmah ngei hi a hretu i ni a, Cachar kan han lut thla a, Supply Check Gate nen, PoliceCheck Gate nen min lo hual nghal tlat a. Tripura lamah pawh chuti bawk. I bial Kanhmun a Police awm te khuan engnge an thawh ve le ? chuvang chuan state dangte nena kan inlaichinna that dan hi mak tak niin ka hria.

Tin, a tlar tawp lama hi thu tha deuh mai It also committed to protect the rights and privileges of the minority a rawn ti a. A lawmawm, a thu hi a mawi khawp mai. Mahse, a tak tak a vawiin ni a kan awmdan hi i chhut teh ang u. Kan hria tir'u, vawiin niah kan in puh tawn. Arte - Tuidam khaw kih sak chungchangah pawh kan in puh tawn ? Hmanniah MNF thalaite chanchinbu ah chuan Congress thalai kih sak an rawn ti ve leh ta. Aizawl atang hian in puh fo mah ila, kan Synod hotute leh a hmuna awm te khuan tute nge an nih an hria a ni. Hei hi kan Kristianna nen pawh a in kah tlat a ni.

Chutiang bawkin Dampa Wildlife

Sanctuary chungchang hi mumal taka 1972 a Wildlife Protection dan ang a siam a ni a. A chhunga awm te chanvo tur pawh a awm vek a ni, mahse chung chu tunah hian kan sawrkar hian hnam hnufual zawk te cheng an nih avangin tunah hian ni leh ar ang chauhin kan sawisa ta a ni. Chutah pawh chuan a sanctuary chhunga cheng zawng zawng chu kan sawisa leh ngam si lo. Sanctuary chhunga awm theuh theuh, ka biala mi thcuh theuh, Serhmun khua a Mizo chu engtinmah kan ti ngam si lo. 'I ti ang u' ka tihna a ni lo, Sanctuary chhung a mi hi kan hnawtchhuak dawn anih chuan Kristian kan nihna ang pawhin i hnawtchhuak vek ngam ang u. Sawrkarin a humhalhna ang hi pe bawk ila, engahnge Pu Darchiauva hmanni lawk pawha Tuikuk vote zawng, Mizo ang in ni thove zu ti a, vote zuk zawng te khan Tuikuk thlam te an zuk hal sak a, kan sawrkar hian Forest Department te hi an nei ta lo em ni ? Nge an Ranger te hi an ring ta lo em ni ? An D.F.O te pawh hi an ring tawh lo em ni ? mi lo tang ve sela, helaia mi Civil mi pakhat zuk kal ringawt khan kut pawh lo tuar sela tunga mawphur dawn ? Dan a awm a, compensation kan pe tur a ni a, sawrkarin. Chu mai ni lovin hun kal tawh atangin he sanctuary hi U.T kan nih tirk a kan member hmasaah nang pawh i tel a. Chung tena an lo ruahman thil tha tak a ni a. A ruahman dan fel tak siam a awm a ni, a chhunga mipuite duh duh a zuk umchhuak mai lovin mihring ve bawk an ni a, helaiah hian dahkhawm that ni sela, kan ti. Congress hun laien Presbyterian kohhran nen te L.A.D te nen, P.H.E te nen, Forest Department te nen ngaihtuahna fel tak siamin Dampa Rengpui khua pawh din a ni. Chutah chuanin IAD pawhin theih tawpin hma an la a. Kut an thawh a, PHE in ah thawh a, Health Department in an thawh a, School chungchangah sawrkarin a building sak te tumin zirtirtu lamah Synod lam ten; chutiang chuan he kan Kristianna te hi tih zauh zel tum nak a laiin tuna kan awm ang ringawt hi chu helaia bung 5-na a kan ziak hi a vaw chiang hle a. Kan inngaihtuah that leh a ngai a ni, chuvang chuan helaia rawn in ziak ang a tak tak a kan hmang lo hi a pawi a ni. Chumi ka sawi na chhan chu Mizo te zuah si a, Tuikuk emaw, Takam emaw lai ringawta kan nunrawn zia kan tih lan hian kan Evangelist kan tih te zawng zawng hnathawh hi kan cancel a ni. Chuvang chuan kan Kristianna daltu pakhat kan ni tih hi ka han sawi lang tel duh a ni.

Rehabilitation chungchangah sawi

a tam hle a. Tunah engemaw zat kan hotuten sawrkar hna an thawh tir ta a, a lawmawm e.* Amaherawhchu hengte pawh hi a lungchhe zawng leh a khawngaihthlak zawnga chhut chuan khawngaihthlak tak an ni. Kan Major thin te helaia nuam taka an that lai hian khawngé kan Lieutenant thin te, kan surgeon Major thin te hna kan-peh te pawh hi ngaihtuah pui an ngai a ni. Excise a Constable emaw, Forest a Constable tih ang te, office a naupang te te ina Bell an han hmeh a duh duh a tirk tura an han awm ta mai hi a lawmawm rual rual hian mihring nihna a zuk ngaihtuah chuan a lungchhiat thlak a ni. Chutiang chu ka lo ngaihtuah ve

dan a ni lova. MLA ka nih tirk atangin ka lo zir ve a, he inbiakna thuthlung hi, tuna kan Chief Minister pawh hi hotute hnungzuiin Delhi-ah a in chungzawl hnuaih khan ka zuk hmu ve a. Chunga an sawi ka hriat ve nen chuan a dang em em a ni. Kan lo luta inremna a awm chuan Captain chu Captain rank-ah, Assam pawhin Assam Regiment, Assam Rifles an siam thei a. Mizo Regiment emaw, Mizo Rifles emaw, Mizoram Arm Police-ah emaw, chutah chuan refresher course kan han nei ang a. Captain a thawk zui thei ta lo chu Captain angin an pension ang a. Major anga thawk zui tlak lo a ngaih chu Major angin an pension ang a. Chutiang chu ka benga ri thin kha a ni a, amaherawhchu a theih tak ngang loh chuan vawiin ni a mi ang hi a lawmawmah ngai tho ila.

Chumi rual chuan vawiin ni a Remna Run chhuak hote pawh Mizo kan nih tlanna, ngaihdan in ang hmiah, zirtirna pakhat chiah dawng, Mizoram hi India ram atangin kan in la hrang dawn a, kan independent thei a ni tih zirtirna dawng, thawk tlang vel, lo haw ni pawh rual leh vek ho hi kan inthlau ta lutuk a ni. Building sakna tur chungchangah te, hna chungchangah te pawh hian kar sawrkar hian enfiah tur chu kan neiin ka hria. A tu te mah ka thik leh ka sawiselna zawng ni lovin vawiin ni a MNF sawrkar lo din hnu a contract hmu lian, zar zo, hlawkna dawng chu P.C hunlai atanga sawrkar zarzo thei, mi pamham, Congress lo sawrkar pawh a mi pamham, mi tlawn thim bawk kha MNF sawrkarah pawh hian ngai an rawn awh chho zel a ni. Kan thian tam tak te chaw ngheia an awm laia helaja Maruti Car a leng thei te kha tunah hian vohna dawngtu te chu an ni a ni. Chuvang chuan kan sakhuana nena in mil zawnga ngaihtuah chu a tul a ni.

Tin, Pu Speaker, sakhuana ka han sawi kai takah chuan heta inziak ni hlek lo, hmanni a lekhhabu i lei a i sem vak mai kha thil fello tak niin ka hria a. Tukina hun kan tan dawn pawh a zah taka i chhiar kan Bible sawi bona ang kha House atang hian chhuak tawh lo se ka duh a, ka ngen zui bawk che a ni.

Tin, Remna Run chhuak Housing chungchangah hian kan sawrkar hian inti duh tak tak anih chuan harsatna Rs. 40,000/- chungchangah hian ka hmu lo. P.C. Ministry lai atangin, Congress Ministry lai atangin he kan Housing Loan system hrim hrim a hi a tlem tawh lutuk a. 1972 - 1973 a lo ruahman a ni a. Middle Income Group-ah hian Rs. 40,000/- ni tawh rawh se kan ti a ni. Central atang hian kan dil a tih reng ni lovin he kan pawisa hian i pe mai ang u. Tuna Mannual a an in lah Patta fol tep tawh a Rs. 40,000/- theuh hi pe ila, chumi rulhna tur chu in tinin contract hna pe diat diat ila, an rul ang a a ni mai a lawm. Central a dil nghah tir reng ai chuan. Tuna kan pharh tur Budget-ah pawh Housing Scheme a mi hi pe ila, a rulh dan tur chu leh lam atangin ngaihtuahpui leh zawk ila. Vawiin niah kei ni nuamsa taka kan awm lai hian an harsatna zawng zawng hi kan chhut pui a ngai a ni. MNF ka ni thin e, ka hrehawm ve thin e ka tihna ni lovin Mizo nihna a kan zuk ngaihtuah hian a hun tlat tawh a ni. Chutiang zawng tal chuan anni hi kan ngaihtuah an ngai a ni.

Tin, thenkhat harsa em em a kan awm laiin thenkhatin India ram zawng zawng hmuh turin T.V-ah rehabilitation kan hmuh that tawk zia leh enkawlna kan hmuh that tawk zia te chu kan puang lawi si. Hman zana T.V a lo lang te leh vawiin ni a Remna Run-ah pawh awm hleithei lova thingtlanga mahni nu leh pa bel leh ta te dinhmun te hi a kar a hla leh ta lutuk a ni. Chuvang chuan kan Budget sawikhawmna tur atan pawh he thil hi kan ngaihtuah chian a ngai a ni.

Aw le, a mal te te a zuk en chuan hmasawnna a awm hran lova. Mahse, kan duh em em thin, Political Party tin maiin a kan sawi remna leh muanna nghet tak kan nei a, ka hma a mi rawn sawi tawh ang khan remna leh muanna hi Congress inhlanna kan han tih rual-rual hian MNF unaute inhlanna telin, chung pungkhawmin a siam a ni a. Keimahni avanga remna hi awm ni a kan chhuak leh ang tih emaw keini kan sawrkar loh chuan a buai leh ang tih hi chu vawiin ni atang hian tawp se, ka duh a ni. Chhuak leh mai thei hi chu Mizoramah tlangval tam tak kan awm a ni. A chhan zawk a ni mipuiin kan buaipui, vawiin niah kan sawrkar leh ta lova, khawngé Mahmuam velah i va kal leh lauh lauh teh ang ti ringawt sela, mipuiin chuti teh chiamin kan ngai ropui lovang. Tuipuibari leh Lawngkawr inkar chu a tawi em ! chuvang chuan heng invauna ang indirect deuh a in khawr velna ang chi hi reh tawh sela. Tichuan tunhma a mahni Mizopui hlau a MLA te pawh ven ngai thin kha, MLA te pawhin nunna kan hloh thinna te, kan V.C khawtlangin duh taka kan thlan tlin ve khawtlang hruai tura kan lo ruahman thin te dah thatna ang boruak zawng zawng te kha tunah chuan theihngihlh tawhin Mizo hnama chian kan inzirtira, Mizo hnamat hian keimahni chiang bawk ila. He Mizo hi hnam dangin Mizo kan ni tih hrechiang bawk sela. Kan Mizo nihna hi Vairengte leh Parva inkara then vel tawh lovin India ram, khawvelah he Mizo hi Pathianina hnam ang a min siamna par chhuahna tur zawng ngaihtuah hian kan za vai hian tan la tlang ila ka duh a.

Hei, vawiin niah lehkha tar tam tak a awm avangin hengah te pawh hian kan inngaihtuah chian a ngai. Congress Thalai pawhin an tar e, 'Congress kan sawrkar leh dawn' an ti. Tu Party nge sawrkar leh tum ? Sawrkar kan tim theuh, kan tum dik tak kha kan tar mai a ni. Amaherawhchu 1980 ~ 1990 thlenga zu permit petu Congress anih leh rawn tar ve leh se tu ten emaw. Nikum a zu zawrh permit extend tu MNF rawn ti ve leh se in extend bawk si a. Khatiang mai mai a in chirhtheh tawh lovin hnamah chiang ila, mi hnam hi kan hnamah chiang bawk sela tih hi ka han sawi duh a ni e. Ka lawm e.

SPEAKER : Aw le, kan ti ti a nuam a, thusawi pawh a ngaihthlak a nuam a. Sawi pawh in thiam a, kan chhun chawl ang a. Thu thiam zawkin chawhnu dar 2-ah kan inawm khawm leh dawn nia.

Recess till 2:00 P.M.

2:00 P.M.

SPEAKER : Kan discussion kan chhunzawm hmain kan member te ka remind duh chu -

Library bulah hian Member-te attendence register a awm a. Chu chu in sign loh chuan T.A leh D.A velah khan absent ang in ni a. In sign lo nual thin a ni awm e, chu chu ka han sawi duh a ni.

Aw le, mi pali in minute 15 zel in sawi tawh a. Budget hunah pawh sawina hun kan la nei ang a. Chuvang chuan minute 15 chu pelh loh ~~tum~~ hram hram ila, sawi duh dang kan la awm em ?

PU R.LALAWIA : Pu Speaker, Governor thusawi a ka ngaihmawh zawng hi sawi ve ka duh a.

Kan sawrkar progress dan chungchang thuah chuan kum khat lek a la ni na a, a lawmawm viauin ka hria a. Aizawl Town-ah te pawh Bawngkawn atanga han kal phei chuanin kawngpui te pawh nasa takin a zau a. Thiltih theih loh tur ni a ka lo ngaih thin a, kan sawrkarin a tihsaah hian lawmawm ka ti em em a ni. Chuvangin thil tha kan tihsaah kawngah chuan opposition ho pawhin kan sawrkar hi an fak ve pawh tulin ka hria a.

Kan Governor thusawi 5 para-ah hian ka rilru a buai tlat mai a. Central nen relation tha tak kan neiin a rawn sawi a, kan thenawm state te chu sawi lo ta ila, kan nei tak tak em aw tih hi ka rilruah a lut tlat mai a. Chung ~~ang~~ ka ngaihtuah na chhan chu relation tha tak hi nei ila chuan Border Trade, Mizoram in a kan nghahhlelh em em te hi kan nei puitling tawh turah ka ngai a ni. Chuvang chuan helai tak mai hian ka rilru a khawih tlat mai a. Chutiang bawkin sum leh pai kan indaih lohna zawng zawng hi kan remma thuthlungah khan central sawrkarin min pe vek tura tih a ni a. Mahse Central sawrkar hian kan indaihlohnah hian min pui tak tak em tih hi ka ngaihtuah thin a ni. Kan hotupa chu a zuk zin a, engkim an lo sawi hmuh a ni. Mipui zingah te, kan party thalai inkawmpuiah te leh sawrkar Press Release ah te leh All India Radio-ah te thil tam tak tih sak an tum thu te chu an lo hrilh a. Sum leh pai chu kan hriat angin in vuak chhiat nan pawh kan hmang a ni ta ber zawk a. 100 crore dawn lai te pawh a rawn hawn a ni. Mahse vawiin niah hian a takin Central a Congress hotute hian min pe tak tak lo niin ka hria. An lo pe tak tak anih chuan nakinah kan Finance Minister-in min la hrilh ang a. 100 crore min pe a, chumi hnuah 60 crore dawn lai te min pe niin kan in sawi leh a. Chu pawh chu tunah hian a tak kan hmuh em aw tih ka chhut leh a.

Tin, compensation leh Rehabilitation atan 15 crore lai pek kan ni kan in ti. Question hunah khan kan Minister-in a rawn sawi tawh a. Khatah pawh khan 15 crore kha sanction awmin a sawi a, sanction tak tak anih chuan a order nen hre tawh ila a thain ka hria. Chuvangin heng kawng hrang hrang te ka ngaihtuah hian Central sawrkar hian kan State sawrkar hi min tih der kual mai mai niin ka hre tlat mai a ni. Kan Leader ber hian dawt a sawi ka ring lo a ni. An lo sawi hmuh hauh lo chu an sawi ka ring lo a ni. Mahse a thusawi reng reng hi hlawhtling avang ta em em mai a ni.

Tin, IRDP chungchang thu te pawh hi han sawi ila, MNF sawrkar hma kum chuan 171 lakhs dawn lai kha sem a ni a. Mahse kan han sawrkar hnu a hmanni lawka office vela ka hmuh dan chuan 51 lakhs emaw lek $\frac{1}{3}$ pawh tling lo hi kan hmu niin ka hria a ni. Chuvangin central nen kan relation hi a tha vak lo a ni lo maw. Kan Governor thusawi chang 5-na ka zuk thlir hianin ka thinlung a kap em em a ni.

Chutiang bawkin RLEGP-ah te pawh hian kan hnathawh kum danga kan thawh ang zat pawh hi kan thawk dawn lo em ni chu tih ka ngaihtuah a. Ka biala RLEGP a kawng laih Tlangpui kawng te chu a laklawh em em mai a. Kumin hian Rs. 40,000/- emaw chauhin kan chhunzawm a. A laklawh a, a min ping leh mai mai dawn niin ka hria a ni.

Tin, Rehabilitation chungchang thuah te pawh, MNF Housing Assistant chungchangah te pawh hian ka ngaih a tha tawh lo a ni. Tun hnaiah hian kan han hriat dan chuanin Central sawrkar hian hna pek tawh zawng zawng MNF lo kir te Housing Assistant te pawh hi pek phal ve lo te pawhin kan hria a. Chu chu kan sawrkarin tak tak a ni em tih kan chhut chhuah a tulin ka hria. Feon-ah emaw, Forest guard-ah emaw, Police-ah emaw an awm avanga an in leh lo hi tihsak lo mai mai tur kan ni em ni ?

Bairabi tuikhuaah pawh kum 5 chhungin NEPOO ruaiin kan zovang tih thlengin kan sawi a. Kan khuah tur thu te pawh Press release mai ni lovin All India Radio-ah te pawh kan puang a ni. Mahse tun thlengin clearance te pawh hi kan la hmu lo niin ka hria a. Hengah te hian Central sawrkar hian min tihder mai mai a ni lo maw.

Tin, tunhnai maiah kan hotupa chuan vayudoot hi Foker Freindship a thlak tur a ni, ni 7 velah a lo tum dawn tih niin ka hria a. Chungte pawh chu a tak lo bawk a ni a, kan hotupa pawh kan rinhlelh phah lck lek a ni a. Central ho nena kan relation that loh vang zawk hi a ni lo maw ? tiin ka rawn zawtin kan Minister ten min hrilh chian a ngai hlein ka hria a ni.

Tin, kum kal ta lamah chuanin Governor thusawi kan han hmuuin kum kalta a hnathawh danah chuanin Sawhthing kuthna thawktuten an lei subsidy atan khan 32 lakhs lai kan hmu a. Kan sawrkarin 25,000quts, lai te a lei a. Tun kum kalta chuan kut hnathawktute chu 1Kg pawh kan leisak lo reng reng. Kei chu in hriat

angin he House-ah hian Sawhthing ruih in ka rui fo tawh. Kan kuthnathawktuten an ching si a, kum kalta khan ka bial Khawhaiah 1500 qtls. vel chu chawh lohin ka dah a ni. Chutiang chuan thingtlang mipui tan heliaih hian an sum leh pai lak luh tam dan ngaihtuahpui tura lo dinga MLA nih ve chaka in candidate ka ni a. Chuvang chuan hengte hi a tha nat thlak hlein ka hria a ni.

Tin, nichina kan han sawi tawh mimal ngaihdan leh Party ngaihdan leh pawl ngaihdan chu thu hran lo nise. Buh leh bal te hi thar tam a chakawm a. Nikum a Governor thusawiah khanin 50,000 Matric ton lai kha thar tawh turin kan in sawi a. Mahse 48,000 Matric ton kan thar chauh a, kan target kha a pha Ich thin lova. Kan Governor pawh dawt kan sawi tir a ang lek lek thin a. Tan kan lak leh zual a ngaiin ka hre bawk a ni.

Tin, rambuai avanga Ex-gratia pek ngai te, thi ta te ang te hi, kan hotupa chuan hmun dang, Punjab State a an tih dan te min hrilh thin a. Rs.1,00,000 lai luman atana an pek dan te pawh a sawi thin a ni. Nimahsela, tunah hian Congress ho hianin, 'In hotupa chuanin Ex-gratia ah chuanin Rs. 3,000/- atanga Rs. 5,000/- chauh a lawm an thih dan a thuin Central-ah a rawt ni', te min ti leh ta a ni. Hetiang hian min ti he hu mai a, awih tur ber hi tunah hre lo mah ila, a tawpah a tak a awm loh chuanin kan thian te thusawi pawh hi awih awl ve deuh mai a nia. Chuvangin hengte pawh hi min hrilhfish ve ngaiin ka hria a ni. Kan sawrkar hi kan inbihchian a, kan dinhmun dik tak hi Mizoram mipujah hian kan lantir ngam a thain ka hria a ni. Central nena kan relation a that loh tak tak chuan a that dan pawh engtinne kan ngaihtuah ang tih kan zawn a ngaiin ka hria. A chhan chu kan ramah Revenue kan nei lova, Mizoram chu India ram tho a ni a, state pakhat a ni mai a. India sawrkar chuan a chei tur a ni ringawt mai a ni. India constitution in a pek angin en hranna min nei tur a ni lo. MNF kan nih avangin kan sawrkarna an en hrang tur a ni lo, Nagaland-ah te pawh Congress an sawrkar hma pawhin sum leh pai tam takin an vur a ni. Chuvang chuan heliaih hian kan inbihchian a tan kan lak a ngai tlatin ka hria a ni. Kan dinhmun kan in hriatchian loh chuan thil sawi sual a hlauhawm em em a ni.

Agriculture lamah nichina Question hunah khan kan han sawi nual a. Kan Governor hian kumina kan thar leh zat tur pawh a ziak lang lova, kum dungah chuan a lang ziah si a. Hei hi ka rilruah a lang tlat a, engtizia ngé ni aw ? tiin ka ngaihtuah a ni.

Nichin khan Bawngva lam kha kan han sawi nual a. An hnathawh dan te kan ngaihtuahin thahnemngaih luat avangin an progress a chak love kan ti a. 1. hmuna hmu ta chuan han sawi ve ka duh a, an hnathawk tu te ngun takin kan awm a. Bulldozer pakhat Ich Tractor pakhat leh Power Tiller pathum khu set khat kan ti a. Heng zawng hian hna a thawk ta a. '1½ months ah 2 hectares chiah kan thawk thei a ni' an ti a. Nichina an sawi tak

ang khanin Pu Sawta ram kha kawng bul hmun rualrem tha tak a ni a, chu chu an lo let a. Mahse a vung paihna kha rinaiin a lo harsa a, 1½ months ah khan 2 hectares chiah an lo let ta a ni. Chu chu a lawmawm lo hle in ka hre tlat a ni. Chumi kawngah chuan kan Agriculture Minister pawhin min lo hrethiam sela. Tun aia tam lak dan a awm takin tih avanga sawi ka ni, tin, chu mai pawh ni lovin, a tui lak tur lam kha pakhat mah tih fel kan la noi lo. 'C.W.C. lamin an la rawn bei ang a,' an ti ta dajh mai a. Kan nawr zawl apiang chu ruahui a lo tlat a, tui a kan chiah reng loh chuan a hmim ping leh mai ang tih a hlauhawm a. Chutiang chuanin tan lak duhna avangin ka sawi a ni.

Helaia kan Governor thusawi hi a lawmawm hlein ka hria a. Mahse duhthawhna avangin chak zawk a kalpui a chak awm a. Chuvangin kumthar turah pawh hian a rawn sawi ang a chak zawk leh tha zawka hna kan thawh hi ka beisei tlat a ni.

Tin, PHE lam hi (Bell a ri)

Pu Speaker, min lo hrethiam lawk la. A hmingin Deputy Leader ka ni ve bawk a, saw lam hnung lama thu te pawh khan an sawi rei ve bawk thinin ka hria a, member zahawm tak tak te khan. Kan kalphung hi inbihchiangin kan hmalakna tur hi hrechian a kan tih ka duh a. Aw le, ka sawi zawm lo mai ang. Ka lawm e.

PU P.LALBIAKA : Pu Speaker, Governor Address hi tlem te han sawi ka duh ve a.
Ka hma a Khawhai bialtu MLA
zahawm takin a sawi tak ang khan para 5-ah Central sawrkar leh thenawm state te nen a in laichinna chungchang a sawi hi han sawi ve ka duh a.

Pawisa chungchang thuah te leh thil dang dangah Mizoram Map hialte pawh a kawk niin a lang a. Khangah te khan kan sawrkar hi a inngaihtuah a ngai hlein ka hria. Compensation chungchangah te, Border trade chungchangah te, rawisa hrim hrim thuah pawh kan annual plan bakah cheng vaibelchhe eng emaw zat te pawh rawn hawn belh te pawhin kan hria a. Tin, Session hnuhnung berah khan kan Finance Minister zahawmtak khanin vaibelchhe 70 vel a thuin beisei a ni tih te kha House-ah min hrilh a. Mahse waviin ni thlenga a tak hmu tur awm lo ni a lang leh ta si hi kan sawrkar kalh mang hi kan hotuten inbihchian a ngai leh ta hle anih hi Compensation tc hi mitinin kan beisedi vek a. Election lai kha chuan sem thei deuh mai turin an in sawi a, tin, Village Council kan han inthlang leh dawn a, sem thei mai tur khan kan in sawi leh a. Chrismass a lo hnai a, Village Council kan han inthlang zo leh a, Chrismas chak lamna tura sem theih turin mipuiin kan han hre leh a. Amaherawhchu tun thleng hian mipui te chuan naia khat mah kan hmu lova, kha compensation chungchang thu a zawhna siamah pawh kan Minister zahawmtakin a chhannaah khan central sawrkara ngen mek leh thlen mek

ni khan a sawi a. Hman atanga thlen mok leh ngenmek ~~ka~~ ni reng hi a buaithlak hlein ka hria a ni. Dik tak chuan Mizoram mipuiin kan lo beisei leh he House ngei pawnina beiseina sang tak kan neih thin ni a ka hriat chu Border Trade chungchang thuah pa wh Sawhthing te to zawka hr alh theihna te leh man tam zawka hr alh theihna tur te pawh ngaihtuah theih mai turah House Leader-in he House ngei ah hian a sawi tawh a. Mahse vawiin niah hian Bangladesh sawrkar leh India sawrkar inbiak lehna tur thawm reng reng a awm leh ta lova, a reh ta vang vang mai ho, he House hi dawt min hrilh ta em ni aw tih a awl hlein ka hria a ni.

Tin, vaibelchhe 15 lai mai compensation rehabilitation chungchangah awm ni awm a sawi lan thin te pawh hi vawiin ni a hmuh tur awm lo l-h sem theih leh si ~~lo~~ te hi mipui hi kan House Leader hian a bum zawngin min hruai thin nge ni he House ki dawt min hrilh thin nge ni sawifiah tham tak awmin ka hria a ni. Central sawrkarin engkim min tih sak dawn e ti a mipuit min hrilh thin tu central sawrkar hian dawt min hrilh ka ring tlat lova. Mizoram mipui te leh he House a awm member te hnenah hian kan House Leader hian dawt min hrilh kual thin em ni aw tih hi a awl thin. Chuvang chuan hemi kawngah pawh hian he sawrkar kaldan hi a chak loh em em bakah a zahthlak hlein ka hria a ni. Thil hmuh tur beisei awm, hmuh hleih theih si loh, Bairabi Clearance ringawt pawh vawi tam hawn tawh a in sawi si amaherawhchu tun thlenga clearance awm si loh hi central mawh niin ka hrc thei lo. Kan hawn ang, kan nei ang, kan pe ang ti thin tu mawh niin ka hre tlat a. Chuvang chuan central sawrkar hi chu a tha. Mahse heliai kan sawrkar onkawltuten mipui an enkawl te hnenah hian thu dik lo min hrilh thin em ni aw tih a awl hlein ka hria a ni.

Tin, 9 para a Tuirivang Mini. Hydel Project chungchang thu te, Khawiva Hydel Project chungchang thu te hi sawi hlek ka duh a. Lunglei bialah sawn hna tan a ni a, P.C. hunah an thawk a, Congress in an chhunzawm chho zel a, tichuan MNF sawrkarin an la chho leh a, khatiang khan hna kan thawk theuh a, Congress hunlai khan tam tak thawk a ni a. Hna pawh chak taka thawk a ni tih kan hria a. A kiang a awm kan ni a, kan hmuchiang em em a. Mahse tun kan sawrkarah hian hna a muang ta deuh tlat a. Harsatna hna thawktu ten an tawk thin a ni. Chumi an harsatna chu Cement chungchang thuah te harsatna an tawk a. Chu chu saw laia official te kan zawh pawn min chhanna a ni a. Mahse hmanni lawk khan kan Supply Minister kha a lo kal a, harsatna Cement chungchang thu a awm tawk lo turin a hrilh a, Chanchinbuah te pawh an chhuah nghe nghe a. Amaherawhchu tun thleng hian Cement duh ang tawk pek a la ni lo fo te hi mak ka ti hle a ni.

Tin, Tuirivang hi Khawiva aia tan hmasak a ni a. Aizawlah chuan diesel engine chak tawk te a lo awm a, 132 K.V. Line pawh tha takin a kal a. Harsatna awm lovin Electric supply thin an ni a, Lunglciah chuan kan harsa leh zual a, Khawiva Hydel Project hi Tuirivang ai hian Commission tur hian a tlai dawn tlat mai a. Kuminah hian Cement pck that a nih loh phei chuan an commission thei dawn lo reng reng tih a chiang tlat a ni. Chuvangin, kan sawrkar pawh hian Lunglei leh Aizawl hi imbuuk tawk deuh hlek a hma an lak ka duh a ni. Khawiva Hydel hna pawh hi a chak lo hle a, Congress hi tunah hian la sawrkar ta ni sela, an hmalak dan khu a chak angin Khawiva Hydel Project hi Commission duih tawh anih ka ring a ni. Hnathawktu te harsatna hi sawrkarin in ngaihtuah a tul hle in ka hria.

Tin, para 11-naah hian 'kawngpui siam lam ngaihtuah a ni' a ti a. Darzokaiah Mar-boat ton 20 a rit phur zo thei dah a ni a, a lawmawm hle a. Mahse saw Marboat saw function thei a ni tlat lo a ni. Chuvangin kan Governor-in dinhmun tha ni a a rawn sawi chhuah hi a tha lo tih he House hi ka hriattir duh a ni. Thil lawmawm tak a ni chungin Darzokai a Marboat saw siam that thuai nise a thain ka ring.

Tin, para 14-naah, 'Nitin mamawh ei tur lakna chu a lungawithlak hle' a ti a. Hei hi a beidawnthlak hlein ka hria, vawiin ni a kan ei ldn bar tur hmuh hi lungawithlak kan tih chuan fur lo tla sela, ka bialah phei chuan thi kan tam hlein ka ring. Dik tak chuan Congress Ministry laiin ei leh barah a lungawithlak a ni. Governor pawn a lungawithlak tiin lo sawi mah sela sawisel tur awmin ka hre lo. Amaherawhchu tuna kan sawrkar han sawrkar ve hnuah erawh chuan ei ldn bara kan hnianghnar lai reng reng ka hre lo a ni. Bial kilkhawr neitu te phei chu kan mangang tak meuh meuh a, nikum fur kalta phei kha chuan ka bialah chuan Kg-ah Rs. 18/- a lei tur awm lohna hmun te a awm a ni. Chutiangin tunah pawh hian ka bialah tehkhinna siam ta ila. He Session hmang tura ka rawn kal dawn hian Godown ka en vel a, Buarpuiyah 10 Qtls. bak a awm lo a ni. Tin, Sachau Godown chu a ruak a ni, chu chu Bunghmun, khulai chhehvel zawng zawngin kan tlan a ni. Tin, Kawnpui Godown-ah chuan 2½ Qtls. a tling ang em tih tur chauh a awm, Darngawnah chuti bawk. Tin, Sertlangpui Godown a ruak vek a, Lungsen Godown pa wh a ruak vek bawk a ni. Chuvangin ei leh bar a lungawithlak leh hmalakna lungawithlak ni a kan Governor-in a sawi hi chu dawt a ni. A zahthlak hle bakah a lungchhiat thlak hlein ka hria. Bial dang pawh in nih vc tho ka ring, vawiin ni a buhfai chhek hun tawh pawh a Godown a engmah la awm lo anih chuan fur tla sela ka bialah chuan kan thi lovang tih sawi a har hle. Chuvangin ei leh bar kawng kan mamawh lakluhna a lungawi thlak a tih hi chu ka pawm thei lova. Tin, he House-ah pawh hian kan Minister zahawm tak tak leh he House enkawltu hian pawm lo sela a thain ka hre tlat a ni. Sut leh scla

thain ka hria. He lekhhabu a mi pawh hi thaichhiait ni sela, hmalakna' thar erawh chu theih tawpa hma la turin tan kan la mek a ni tiin ziak ni sela a in awm tawk hle in ka ring a ni. Lunglei khaw'ui chhungah ngei pawh sawn hmanni kan rawn kai dawn niin Godown-ah Quintals 1000 lch tlem chauh kan nei, Quota full chuan Lungleiah 2000(approx) quintals vel ei a ni. Chu chu kan dinhmun a ni a, chuvangin ei leh bar thu a hetianga dawt muhlum hlauh mai kan Governor-in an sawi chhuak hi kan sawrkar a ti mualpho hlein ka hria. Metianga kan inenkawl dawn anih chuan development kawng hrang hrangah hian hemi dinhmun ang lungawithlak kan ti anih chuan kan sawrkar kaldan tur lch mipuiin kan tuar dan tur hi hun huphurhawm tak kan thleng chho ang tih a hlauhawm hlein ka hria a ni.

Tin, Para 25-na, Soil Conservation Division thar Hnahthialah hawn a ni a ti a. A lawmawn hlein ka hria, Lunglei leh Aizawl hi District-ah in len hlein hla mahscla, Mizoram a khawpui lian ber dawttu Lunglei kan ni ve a. Tin, District-ah pawh a lian ber dawttu kan ni. Dik tak chuan Aizawlah hlir mai thil thar hawn a ni thin te Aizawl lam hlir mai chei thin nia kan ngaihna a bo thahna tura sawrkarin Soil Conservation Division thar Hnahthiala in rawn hung hi lawmawn ka ti a. Tin, hmenniah kan Minister in-charge zahawm tak pawh a hawnnaah hian a rawn kal a. Hemi chungchangah hian lawmthu ka rawn sawi a ni.

Tih, 31- para-ah hian Jhun Controll chungchangah kan sawrkarin Bulldozer 5 a lei tawh ni awm tak a ni a. A dang 7 vel a la chah mek niin a lang a, hemi 5 lei zingah pawh hian Lunglei District-ah kan Project te lch hmun dang tha tak tak kan nei a, Bulldozer pakhat pawh kan sawrkarin a rawn thlen lo hi mak ka ti a, ka vui em om a ni. Aizawlah pali hmang sela, pakhat tal chu chhim mipui te tanah sawrkarin hma a lakna chhim mipui ten a taka an limuh theihna tur atan a an rawn dah hi ka phut a ni. Tin, sawrkarin chhim lamah a nei tih ka hria a, hemi thilah hian Aizawl District ringawt maia Bulldozer an hmang vek mai hi a mak hlein ka hria.

Tin, FWD-ah pawh J.C.B te engemaw zat a awm, Aizawl khawpui chhung zauh nan in hmang, a lawmawn. Khawlai pawh engemaw chen a zau, Lunglei khawlai pawh zauh tur kan ngah a, J.C.B pakhat hmci pawh hmu lova tun thlenga kan awm hi Chhim District mipuite min hmuhsitna niin ka hria a. Chuvang chuan sawrkarin Mechanism tha zawk a neih ang chi reng reng hi Lunglei District atan hian rawn ngaihtuah ve tawh sela, tih hi kan Minister-te ka han chah duh a ni.

Tih, para 35-na Lunglciah Princing and Stationery hawn thar a ni bawk a ti a. (Bell a ri) Pu Speaker, tlem te chauh a ni tawh e. Hei hi Congress sawrkar lai khan kan hawng daih tawh a ni, kan Opposition Leader Pu Lal Thanhawla hovin Chief Minister anih lai khan hawn a ni tawh a. Chutah chuan kei pawh ka tel a, engtiziange sawrkar hmasain a hawn tawh Governor address ah tunah hian a rawn tel leh ? Chuvang chuan hengah te

pawh hian kan sawrkar a fimkhur a tha ngawt ang. A tu a pawh kan sawrkar hunlai theuh khan lo hawng hman lo ila, kan sawrkar hun laia thil tih kha tun MNF sawrkarah hian lo hawn theih sela chuan chu chu an hawng tur a ni. A lawmawm a ni, sawrkar thiltihah pawh lo ziak tel ila a tha. Mahse thil tih fel vek tawh, inauguration engkim buatsaih fel vek tawh, chuta tel ve ngei si ten tuna kan han chhiar leh mai hi a zahthlak hlein ka hria. Chuvang chuan kan thil tih tur lch kan tih leh zel turah te mipuite hnena kan thusawi dan kawng hrang hrangah tc pawh thil dik zawk he House-ah hian in member te min hrilh tur a ni. Mipui tc pawh thudik zawk kan hriattir ngam tur a ni. Thu dik lo Governor address a a awm tlat hi pawi ka ti hle, chu zawng chu ni mai teh se. Ka lawm e.

SPEAKER : Hun hi chu pelh lo hram ila,
hun dang kan la ngah dawn kha.

*FU P.SIAMLIANA : Pu Speaker, hun min pek avangin
ka lawm a, tukin zinga kan
Member pakhatin Motion of Thanks
a rawn tih kha tha ka ti a, ka thlawp bawk a. Tin, hei
kan Governor address-ah thu tam tak kan ngaithla tawh a.
Tin, kan sawrkarin kum khat lek chhunga hma a lak dan
thuah te kan Governor pawhin point 42 lai a thur chhuak
a. Tin, ka hma a member zahawm tak takin an rawn sawi
tawh ang khan thil tam takah chuan duhthusam angin kum
khat lekah chuan thil a tih theih loh tih chu a hrechiang
tu an niin ka ring a. Tin, mita kan hmuh thin Aizawl
khawlai chep em em thin te pawh mi hmaisa tawngin kan
hotuten kawng te pawh an zauh a. Tin, tukin zinga
Bulldozer chungchang kan sawi te kha tunhma ai chuan
hma kan sawn deuh hlek niin ka hria a. Tunhma chuan
khatiang zawnga inhnialna te khu a awm ngai lova.
Chuvangin zawhna tam tak kan dawn te khan tunhma aia
hma kan sawn zia te pawh a tar langin ka hria.

Kan Governor khan rehabilitation
leh compensation chungchang thu te a sawi a. Hemi thuah
hian kan hravuitute demna a nasa hlein ka hria a. Duh
anga pek thcih si loh chuan min dem anih pawh in awm tihna
lai ka nei thova. Mahse a bul tak kan chhui dawn chuan
hemi thu hi hrechiang ve tawkin ka in hria a. Delhian
remna sign hmain All Joint Party aiawhin kan hotute
hzungzuiin ka Zuk kal a. Thla li leh ni riat lai kan Zuk
cham a ni. khatah khan compensation leh rehanilitation
thuah Central-ah Mizoram aiawh te leh central sawrkar an
inbiakna hun tawp dawn khan, 'engtinngé kan tih ang? kan
naute lo haw tur hi tualcharah mai indah dawn em ni? In
dah kan ring lo' tih zawhnaah khan engtinngé kan tih ang
tih an ngaihtuah khan Mizoram sawrkar an han rawn a ni.
Chumjiah chuan Mizoram sawrkar chuan hotiangin lehkha e
rawn thawn thla a ni. Kan hnam palaite khan, 'Quarter

tha pawh kan phut lo,' an ti a ni. Amaherawhchu IV Grade Quarter ang chauh kha chu tih ve ni se,' an ti a. Chumi sak theih dan tur estimate leh scheme chu Mizoramah an han zawl a, hmun li velah an rawn duang thla niin ka hria, Rs. 35,000 - 45,000 (approx) te in. Amaherawhchu khang an rawn tih thlak bak zawng zawnga pawimawh ta ber kha chu a last sentence kha a ni ta a ni. 'Hetianga kan pe anih chuan midangin an thik ang a, chuvangin Rs. 5,000/- ni sela, chu pawh chu loan system a tih ni rawh se,' tih a ni. Chu chu vawiin ni thlenga kan buaina chhan pakhat pawh a nih ka ring, chu chu compensation leh Rehabilitation chungchanga ka sawi theih tawk ni se. Tin, ruling kan ni emaw ni lo emaw duhthawh luatah thil kan lo sawi sual palh anih chuan min ngaidam ula.

Kan Governor speech hi ngun taka en chuan tunhnuah chuan hetianga ziak in kal thelh lutuk hi chu Pu Speaker, awm tawh lo sela ka duh ngawt mai.

First para-ah khan han en ila, last sentence-ah khan, 'The Budget Demand for the year 1988 - 1989 relecting the new Government policy and priority will also be presented during this session' a ti a. A next page kha han en phei leh ila, point No. 7-ah khan nikumah 70 crores anih laiin kuminah 85 crores chauh a ni ta mai hi chu a vanduaithlak hle chuan ka hria. Nikum thil price leh commodity thuah leh kan nitin nunah pawh hei hianin kumin kan budget hetianga central-in a rawn ti dawn anih chuan min duhsak lo hle niin kawng lehlamah chuan ka ngai tlat a ni. Hlawh zawng zawng labour hlawh thlengin kan ti pung vek a. Hmanni a Rs. 12/- vel hlawh khan tunah chuan Rs. 24, Rs. 28 ah a chho tawh a. Tin, sawrkar hnathawk hlawh tihsan a ni tawh laiin 15 crores a pung mah nisela, engemaw zawng taka ngaihtuah chuan nikum Budget pawh kha a tluk lo chho niin a lang tlat a ni.

Tin, kan sawrkar chuan hma a la mek a, kum khatah chuan a ti zo hman lo a ni ang a. Amaherawhchu hei hi speech meuh atan chuan a ningnel deuh a ka hriatna chu page no. 3-ah ringawt pawh khan first para-ah khan heti hian a ti a ni. Parliamentary state in this direction would be taken up during the coming year a ti a. Will be added within tih leh will be expected tih ringawt maiin a khat thia ringawt mai a ni. No. 9-na line 3-naah khan Diesel generation will be added within March a ti a. A thlang lehah chuan First unit are expected to be commission a ti a, a thlang lehah second and third unit will be corimissioned a ti a, will be taken up a ti a, hctah proposal to be electrify a ti a. Para khatah ringawt pawh khan repetition a tam lutuk a ni.

Tin, ka sawisel leh duh pakhat chu Chakma District Council inthlanna ringawt pawh kha he lehkhabu tereuhteah hian vawi thum a repeat tlat mai a. Kha khanin speed leh hmun pawh a duh sei thin a, cut tawi thiam deuh kha a tha hle chuan ka hria.

Tin, kan sawkar hian thil tum
nasa fe pe a nei anih ka ring a. Top most priority hi pali
a nei a. Sangbera ngé Sangzuala hi sang zawk ang ? tih
ang hrim nge ni a, a thil tumah hian a chiang tawk kek
kawk em aw ka ti deuh a. No. 11-naah khan Road construction
chungchang thuah priority an ti a. Han keu phei leh ila,
page no. 12-na, point no. 32-ah khan giving the highest
importance a ti leh a, Jhume controll chungchang thuah.
Tin, no. 33-ah khan special efforts for improving a
ti chho leh ta a. Chutiang chuan thil tum ber zawng a
ngah a nih dawn hi ka ti a. Amaherawhchu khami diauh
pawh kha classified turah ka ngai a ni. Nakinah chuan
kan tum pakhatna, pahnihna, chutiang zel chuan chhc sc
thain ka hria.

Tin, Pu Speaker, ka sawi duh leh
pakhat chu Return to life tih film chungchangah khan.
Hman zanah 20.2.1988 khan T.V.-ah a lo chhuak a. Khami
ka zuk en khan a siamtu kan hotute ka sawisel a ni lo.
A siamtu te ho hi kan fimkhur lo deuh em ni chu aw ka ti
deuh a ni. Mizoram chang ni lo, khawvel ram pumpui hriatah
kha kha kan tarlang tawh a. Khatianga kan in show anih
ngat chuan MNF lo kir te hnenah hian sawrkarin bat a nei
tawh lo. Engtiziange khatianga kan chan theih tak mai
chu aw ka ti deuh a ni, ka bangbo a ni, khami zana ka en
vang vang khan Central thengkam em ni chu aw ka ti deuh a
ni. Khatianga ang a dawt ringawt maia India ram pum puia
kan ti dawn anih chuan Mizoram a kan underground lo chhuak
zawng zawng te, kut tuar zawng zawng te, thi leh dam kara
lo leng tawh te kha Paradise angah kan awm tawh tihna a ni
tlat a ni, khata a lan danah kha chuan. Chuti anih chuan
hetah hian au au thin mah ila, lehlamah hian beih leh fe
tur kan ngah lawng maw tih hi kan ngaihdan a ni tlat a ni.
Chuvangin film kan channa tur chungchangah pawh heti hian
a rawn ti a. A fak ang reng viauin ka hria a. Ka ngaihdan
takah phei chuan khatianga dawt a film siam kha Mizoramah
vawikhatmah awm tawh lo se ka duh a ni. Mahni hnam
kalphung pawh a dik lova. Mi in bumna mai mai a ang tlat
tho a ni. Chuvangin khatianga thil te kha chu tun hnuah
chuan tih tawh loh hi a mawi awm mange aw ka ti deuh a ni.

Tin, helaiah hian Mizofed chung-
chang thu te a rawn sawi a. Hmanniah P.A.C a kan Chairman
hovin kan va en a, sawtianga tawp saw a awm kher lovang.
In stock book te, lock book nen kan en, kan chairman
hovin. Record that pawh a awm mang bawk si lo. Hetianga
an rawn tarlang ta mai hi chu kan tarlang lutuk ta deuh
em ni aw, a dang tarlan tur a tam tehlui nen ka ti deuh
a ni. Chuvangin kan thiltih, kan Governor speech in a
sawi tam takah hi chuan kan hotute thil tih, hma an la
mek a ni a. Kan opposition Leader te leh Zoram mipui te
pawhin min hriathiam turah chuan Government sawrkar dang
ai chuan tih tur kan la ngah deuh a ni. A chhan chu
ramhnuai mi 500 - 600 dawn lai lo chhuak kha sawrkar hmasa
leh hmaber in a an ngaihtuah loh kha ngaihtuah a tul a ni.

Mahni Party chhungkua mai bakah khan. Tin, chu bakah kum 20 lo tuar tawh ten kum hnih/khat lek chhungin kh. kan tawrhna rah kha seng kan lo tum ve bawk thin a. Chutih lai karah chuan Zoram mipui te leh kan opposition member te pawhin kan hotute an hriatthiam ka duh a ni.

A tawp ber atan, thil kan tih reng rong hi a takin a awm tur a ni. A tak ni lova a lema inkaihhruai hi a tha lo a ni. Supply chungchangah te nichina an rawn sawi kha a dik khawp. Tin, Bulldozer chungchangah pawh Division of Labour angin kan kal ngai ngei tur a ni. Hmar lama tih vak a Chhim lama tih len loh kha Chhim mi tak chuan a nuam lem lo a ni. Tin, P.L.Reason te pawh a niang. Helamah mi kan tam dcuh chuan engemaw zat chu tih tur a niang. Amaherawhchu saw lamah pawh mi kan awm ve tho. Tin, Aizawl khawpui mawi taka chei kan tum angin Lunglei, kan second capital-ah pawh chei ngai a awm a ni. Saw mi saw kan chei ve loh chuan tunah chiah hian chei loh theih loh hunah chei turin miin kan nawr thlu leh mai ang tih a hlauhawm a ni. Chuvangin a tih theih lai sawn kan hotute pawhin tan an rawn la leh tur niin ka ngai a.

Tin, nichina Khawiva chungchang an rawn sawi te, hmanni a Soil Department an rawn hawn thar thuah te leh Lunglei lampanga hma lakna turah chuan saw lam mi kan nih avangin lawmthu sawi tur tam tak kan nci a. Tin, nakuma Governor-in address a neih lehah chuan saw lampang mi sawn tun ang ngawt lo hian tanna hi nci ila chuan Mizoram mipuih lawmna a tla rualin ka ring a. Chu chu ka rawn sawi chhuak ve a ni e. Ka lawm e.

*PU H.HRANGDAWLA : Pu Speaker, kumina kan sawrkarin hna a thawh dan Governor-in House ah a rawn sawi chhuak a.

Department hrang hrangte chanpual ngun taka han on a han zir ve chuan an thawk tha hlein ka hria a. Mizoram mipui te hian sawrkari thar kan neih hian beiseina rang tak nen hlawhtlinna rang tak hmu mai tur angin kan han thlir a, chu chu kan sawrkari hnathawkte hi theih tawpin teng mahsela, hmu mai a har a ni tih hriatthiampui chuan kan Governor thusawi hi dik hlein ka hria a. Field hrang hranga tan an lak dan a sawi a, ropui ka ti khawp mai. Mahse ka rilru a he a thusawi hi dik tluan lova ka hriat chu hei hi a ni.

Nikuma Governor-in a sawiak kian The accord fully answer the ask desire and aspiration of all section of the people of Mizoram tiin kan acord kha a ti si a. He inremna hi Mizo mipuin kan nghahhlelh na chhan chu inrem hnuah hian lo lang tur mipuite tana chenfakawm awma kan rin vang a ni a. Inrem hnuah kun khat dawn sawrkarna kan din a. He thusawiah hian kan desire leh aspiration nikuma fulfill a sawi kha a lo lang er?

tih hi kan zawng a. Executive function a kan Department hnathawhnaah lo lang rial mahsela, politically a kan aspiration tihhlawhtlinna a lo lang loh avang hian sawi that Ich chi em ni chu aw tiin ka ngaihtuah a ni. Kan inremna, memorandum of settlement-ah khan thil pahnih, bung hnih a then tawpin a lang a ni.

Pakhatnaah chuan Constitution of India Amendment a ni a. Chu Constitution of India Amendment chu Government of India chuan a tipuitling ta a. Chu chu bung khatna a ni, amaherawhchu chu a thil tih puitlin, Government of India in a Constitution of India, Mizoram tana a amend-na hnuajah chuan he sawrkar dinglai hian thawh ve tur a nie a ni. Chu chu thawhin awm thuai sela chuan kan desire leh kan aspiration tam tak te chhan a niin ka ring a. Chung a thawh tur te chu hengte hi an ni a ni.

Pakhatnach chuan Notwithstanding anything containing the constitution or Act of Parliament in respect of (1) Religious, Social practise of Mizo. (2) Mizo customery law and procedure (3) Administration of Civil and criminal justice involving decission according to Mizo customery law (4) Ownership and transfer of love tih a ni. Hei hi he sawrkar Ich he House hian constitution of India a awm hi a adopt ve a. Legislation a siam ve a ngai a ni. Chuti a nih loh chuan hengte hi a hman theih loh. Engwanginnge inrem hnu a sawrkar lo piang chu a thil nasa tak lo lang tur, Mizo mipuiten an nghakhlelh ber chu vawiin kum khat a thlen dawn thlenga he House-ah hian kan la adopt loh tih chu kan sawrkar hotute ka zawt duhin ti turin ka ngon duh a. Nakuma speech a lo awm leh chuan hengte hi Legislation-ah tihpuitlin turin he sawrkar hi he House zahawmtak member ka nihna angin ka ngen a ni. Vawiin niah hian Congress Member/P.C Member/M.N.F Member emaw atanga MLA nihna in thu ka sawi lo. He House member atana mipuiten min dah vena atang chauhin ka sawi a ni. Heng constitution a kan aspiration sang lutuk thin min pek hi bawhzui turin he sawrkar hi a chak lo in ka hria a. Chuvangin tun hnuah chuan hetianga chak lo hne hne hi chuan awm tawh lo turin ka ngen a ni.

Tin, a pahnihnaah chuan kan inremna memorandum of settlement a pahnihnaah chuan tih tur a awm a ni. Chungte chu hengte hi an ni - Pakhatnaah chuan House Member zahawmtak ten an sawi tawh ang khan Border Trade thu a ni. Hei hi chu executive function a ni, Legislation a siam a ngai lo. Border Trade-ah hian kan agriculture product te leh keimahni ram chhung ngeia kan thil siam te, kan thenawm Sovereign sawrkar example-ah Bangladesh-ah te leh hmun dangah kan thawn chhuak ve ang tih a ni a, chu chu Mizo mipuiten kan nghakhlel hle a ni. Mahse thawm kan la hre lo, a pawi ka ti hle a ni.

Tin, a pathumnaah chuan kan chhia
teh ang. The Question of the unification of Mizo inhabited
areas of other state reform and administrative unit was
read by the MNF delication tih a ni. In biak laia an sawi
anih thu a sawi a, MNF delication ten Government of India
hnenah an sawi a ni. Sawi tha ka tiin ropui ka ti a ni,
amaherawhchu article three of the constitution of India
in uppress tide ang a ngaihtuah theih a ni a ti a ni.
Chu chu constitution of India hian sawi mahsela holaia
kan nghahhlelh inrem hnu a sawrkarna thar kan neih hian
a ngaihtuah loh chuan engtikah nge ngaihtuah a nih ang ?
Vawiin ni thleng hian ngaihtuahin a awm lo niin ka hria,
hotiang hi ti tawh lo turin kan sawrkar te leh he House
hi ka ngen a ni.

Tin, a pathumnaah chuan University
Mizoram State in a hranin a nei ang tih ziah a ni. Hoi
hi inbiak lai khan kan hotu, MNF delication ten Government
of India hnenah ngen a ni. Tichuan hlawhchham awm deuh a
a lan pawhin kan hnam tan tha a kan rin avangin helaith
zirlai tam takin kawng te an zawk a, an ri mup mup a, chaw
te an nghei a, helai field zawlah ngei pawh hian vawisn
ni a he House Member zahawm tak Pu Siamliana te pawh hi
leh kan Speaker te hi hemi ngen hian an thukhawm a ni.
Tichuanin remnaah chuan engtinge ni ta ? chu chu a duh
chuan a nei thei ang. A nghahhlelh awm a ni inrem dawn
kha chuan. Mahse vawiin niah hian khawiah nge kar.
University chu ? kum khat chhung hian step kan la tawh on?
kan la lo anih pawhin kan hotuten he House a kan thus wi
hi lo chhinchhiah chiang ula. Rang takin Session chhung
pawhin tan la nghal rawh u, ka ngen che u a ni.

Tin, a palinaah chuan High Court
Mizoram State hian a duh chuan a nei thei ang. Chu chu
Constitution of India phal a ni, khatianga kan delication
Leader ten Mizo customary law tihpuitlinna tura Court
sang zawk an ngen hi fakawm ka ti. Mahse a puitlinna turah
hian kan chak ta lo hi erawh chu pawi ka ti a ni. Kan
customary law, kan Social practise te, nichina bung
khatna a ka sawi, tipuitling turin he High Court hi a
mamawh a ni. Chumi tipuitlingtura tan kan lak hma chu
kan thil lo tih tawh, Governor in a sawi tawh, Mizo
aspiration a answer a ni a tih kha dawtah a chantir tihna
a ni. He House a thu a sawi hian cngatinge chiang taka
hmalakna sawi lan a nih ve loh ? hnam thil a nih avang
a ni.

Tin, a panganaah chuan mipui tam
tawk ten buai chhunga kan nghah engnge ni? Example-ah chapo
thu ni miah lovin ka han sawi ang e. Kei pawh Motor kal
theih lohna Lungchhuan khuaah khian Rs. 25,000/- Aizawl
Furniture Works te siam vekin Assam type In ka sa a ni.
Buai hmain. Chu chu chhut chiat a ni, engnge ka ngh'h ve
tak buai chhung khan ? Inremna a lo thlen hnuah chuan
chumi man chu ka hmu dawn tho, ka hloh kha ka hloh hlo
lovang ka ti a ni. He inremnaah hian chutiang a
property leh in leh lo kan lo chan te pawh kha pek lot
tura a sawi, tuna pek theih loh a chhuanlam dang a awm fo
hi ka hrithiam thei lova. Mizote aspiration ansor a nihna
chu khawiah ngo ?

Tin, a tawp berah chuan kan buai avanga silawng kumkhua ta te, ramtuileilote, kan tam em em. Khang kan tuarna kha eng niah tak inhjemna nci ang i maw kan ti. Inremna kan nghakhlel, heng inhjemna tur hi lo thleng dawna kan rin avangin. Mahse, engnge ni ta, MNF Leader te chuan an sawi. An fakawm a ni, Government of India pawhin a pawmpui a ni. Amaherawh chu vawiin ni thlengin pek a la ni lo, Lammual thusawi ka ngaihthlak ni phei chuan ka lawm khawp mai. Punjab ramah chuan a tam a ni, Mizoramah a tlom hle mai. Kar ramah pawh a tam ve dawn anih hi kan inrem ta si a, Government of India pawhin a remti. Mahse nichina Minister zahawmtak Question a ka pek khan a amount a tlom lutuk. Tuna ka hriatdan chuan thi ta te ex-gratia atan hian Rs. 3,000/- leh Rs. 5,000/- tih a ni. Engatinge Rs. 1,00,000/- tal kan tih loh ? kan hmuh dawn leh dawn loh chu ka sawi thei lova. Bciseina sang zawk nena inhampuar thin hi ken tlahniam ta lutuk a, kum thar atang chuan i ti danglam ang u. Ka lawm e.

*PU HARI KRISTO CHAKMA : Pu Speaker, Governor-in Buhfai chungchang a sawi kha sawi ve ka duh a.

Pu Speaker, buhfai a awm loh chuan mipui an awm thei lo, hna pawh an thawk thei lo, len pawh an leng thei lo, mut pawh an mu thei lo, Pu Speaker, thingtlangah te, town-ah te pawh, khawi hmunah pawh buhfai hi kan mamawh ber a ni. Buhfai a awm loh chuan tumahjin lawmthu pawh an sawi thei lo a ni. Buhfai hi kan mamawh ber a ni, ka bialah chuan Puankhai-ah te pawh buhfai a awm lo a ni. Tlabungah chuan dawrah tlom an zuar a ni. 1st February khan Chawngte atangin kan lo kal a, V.C.P hotc non pawh kan inhmu khawm a, thingtlang lamah kan tam nasa em em a ni, Pu Speaker. Session chhung pawh hian rang tako thawn phei an ngai a ni, tuna buhfai kan neih loh chuan leilet te leh lo te kan siam thei lo ang a, kan harsa tulh tulh mai dawn a ni. Buhfai hi mipui mamawh ber a ni, buhfai a awm loh chuan lawm tum pawhin a lawm theih loh a ni. Development dang dang atan pawh buhfai a awm loh chuan hna a thawh theih loh.

Tin, Lunglei atanga Tlabung kalna hi a harsa em em mai a, bungraw lakna ber a ni si a. Chuvangin Bus pahnih tal chu min pe ula chuan mipui kan lawm em em dawn a ni. Hmanniah pawh V.C Conference-na a lo kal tur tam tak te pawh khan an lo kal loh phah a ni. Bus pakhat chauh a kal a, a in daih lo lutuk a ni, khawngaih-takin helaiah hian Bus pahnih tal kal sela, mipui tan a tha a ni.

Tin, tiemin Governor address-ah. hian lawmthu sawi ka duh bawk a. Para 36-na Electronic Telephone exchange at Lunglei has been completed and put in to the operation during the current financial year. Hemiah hian lawmthu ka sawi a ni, Pu Speaker, Lunglei atangin Calcutta te, Delhi te kan be ve thei dawn ta a. Hemi chungchangah hian lawmthu ka sawi a hi.

Tin, construction of the door darshen relay centre at Lunglei is in progress. Aizawl Television Station Complex at Durtlang. Hei pawh hi rang taka tih theih a tha a ni. Thingtlang lamah chuan TV en pawh a harsa a ni, Bangladesh te a ni kan en thin ni. TV Station hi kan neih that theih chuan Chawngtlang te, Saiha-ah te, Lawngtlai-ah te pawh TV a neih theih tawh ang a. Chhim mipui zawng zawng integration angin kan awm ang a. Tunah chuan Bangladesh TV te kan en a, India-ah kan awm si a, lawmthu pawh ka sawi thei hrih lo a ni.

Tin, para 5-naah khan tlem han sawi leh ka duh a. Committed to protect the rights and privileges of the minorities and give due attention to their welfare. Governor sawi dana minority tih vel hi ka sawi chuanin welfare lam ka en chuanin lawmthu ka sawi anih hi.

Tin, Para 39-ah khan, My Government also realises the need for having a better air service to Aizawl. We are, therefore, taking up with the concerned authorities to have a Fokker Friendship service to Tuirial airport and we are also planning for constructing a bigger and more airfields in the state, tih a ni a. Fokker te kan neih down chuan a tha a ni. Radio sawi danin Meghalaya-ah te chuan pahnih a service a, kan ramah pawh thingtlang tana awlsamna turin siam ila, Mizoram sawrkarin Central sawrkar pawh lo dawr ngun sela. Aizawl atang Vayodoot service ringawt hi thingtlang tan engnge hlawkna awm le? kan sawrkar hian mipui zawng zawng tih lawm a ngai a ni. Tunah Town area a mi tan chauh an ti a, thingtlang mite tan a harsa a ni, kan lawm vak thei lo a ni. Thingtlang tan kawng tha te, ei tha te, kawng tinrengah kan siam that a ngai a ni.

Pu Speaker, thu tam tak ki sawi loveng a, Budget discussion-ah sawina hun a la awm ang a. Kan mamawh ber ei tur min pe ula, Fur chhunga ei tur thingtlang hmun hrang hrangah kan mamawh a ni. Ruah a sur hunah chuan buhfai a thleng thei awm si lova, mihring kan thi tam lutuk mai ang. Chaw hi kan mamawh ber a ni, Pu Speaker, Ka lawm e.

*PU VANLAHRUAIK : Pu Speaker, vawiina kan thukhawm chu a nuam nak nak hlein ka hria a. Damlohma avanga Session ka rawn tlai avangin lehkha pawh hi vawiin niah ka hmu ve chauh a, ka theih tawk chuan ka han study a.

He lehkhabu ka chhiar atang hian kan sawrkar hi fakawm ka ti hle a. Kum 50 ka lo tling ve ta a, kum 5 chhunga kan ding dawn a, chu chu 5-in zuk then dawn ila, kum 10 mi ang chauh a la ni dawn a, naujang stage-ah a la ding a. Thil tih tur tam tak hmachhawp turin tunah hian a inbuatsaih a ni a. Chutih chhunga kawng tam taka hma a lo la hi fakawm ka ti a. Tin, an la ziak kim lo zawk niin ka hria a, a tlangpui hlawk hlawk chauhin an phawk a, an la phawk kim lo hle zawk niin ka hria.

Tin, Bulldozer chungchang thu te kha uluk taka ngaihtuahna neih loh chuanin sawisel mai awl tak a ni a. He thil hi ka biala nghah anih vanga fak ka ni lova, amaherawchu Bulldozer te hi a mala tlat tir chi an ni hauh lova, a rual kan nei a nih chuan a rual a an thawk hi a sawt em em bik a. Tin, chu lovah chuan Oil in pek vel chungchangah leh a enkawl hnaah khanin hmunkhat atanga hna an thawh chhuah a, a chhe siam chungchangah te pawh mechanic in a vil reng anih avangin hmun hran hran a pakhat te te a dah chuan a veivahna ringawtah pawh sum tam tak sen a lo ngai ta a ni. Tin, khulai bial khu kan vannei hlein ka hria a, Mizoramah hian, tuna leilch tur awm zawng zawng khu let zo ta ila, Aizawl District hi chu kan chawn zo dawnin ka hria a ni. Chutiang anih si chuan khulai bial khu hnathawh tanna chi tak a ni a. Tin, tui a tha em em bawk a, chubakah chuanin tlak lam leh chhuah lam hmun zawl zau tak kan nci a, lci lct pawh puitling sa tam tak a awm a. Tin, la puitling lo tam tak khu Bulldozer pali khuan kum thum chhungin kan let zo hman ang em ? Ka ring mang lo zawk a ni. Chuvangin khulaiah khuan dahbelh a tul zawkin ka hria. Chutianga inchhawpchhova, hma la a kan kal Joh a kan chuk zeng zung chuanin hmasawn tak tak hi a harsa em em a ni. Chuvangin khawilai hmun bikah emaw kan in concentrate a, zawl kha tuna kan tih ang khuan puitling taka kan leh a tul a ni. 5th January khan flag off neih a ni a, January thla chhung rau rau khan Bigha 90 deuh thaw laih zawh a ni hman a ni.

Tin, laih danah rawh khuan duhsak bik neia laih a ni lova, a hmatiamka kal a ni. Mahse a then laiah chuan kal ka hlen loh theih a ni lova, Aizawl lama kan mi hausa ten ram an zuk nei ve a, khulaiah agent an dah a. An agent te hnenah pawisa an pe si lova, vah fai a ngai si a, an vat fai si lova. Vah fai a, hal fai loh kha chu leh theih a ni si lova. Chuvangin kan inchhawp chhohnah reng reng khuanin khatiang VAT fai ta na na na kha chu pawl pawl pawh sawi lovin man lova leh sak an ni a ni. P.C a mite ngei pawhin hmanniah pawh Bawng an talh hial a ni, chutiang chuanin lawmthu sawi nan ran te an khawng thlu a ni. Chuvangin tuna kan neih belh leh tur te hi Plan mumal taka kan tih lohva pakhat Saiha a kan dah a, a hran hran a kan sem darh vek chuanin, chu ai chuan hmun khat pahnihin emaw an laih chuanin an in tanpui a, an ti zung zung a, awlsam te in an zo zung zung mai a ni. Chu chu anih avangin Bulldozer chungchangah te pawh huanin lawmthu sawi ngain ka hria a. Tin, neih belh zcl pawh tum a la ni a, 7 hnuah pawh chuanin kum a la ther dawn a, tuna kan thawh ang a kan thawh khuan kan hmasawnne hi a lang dawn niin ka hria a. Agriculture lamin phur takin an bei bawk a, tunah khami an laih tawhah khanin with manure an theh nghal zel a. Chutiang chuanin tunah khuanin Bigha 100 deuh thaw an let zo tawh a ni. Zing dar 6 atangin tlai dar 4 thlengin Driver pahnihin pakhat an enkawl zel a, chutiang a thawk chu an ni. Tin, khu khu kan zawh chuanin changkanna kan ram tan, mipui intodelhna turah pawh hian a awm ang.

Tin, tih tur erawh chu a lo tam hle a, tih tur zawng zawng chu sawi sen a ni lova. Nichina sawi tawh ang khan naupang kum 10 mi hnenah beiseina sang lutuk kan neih chuanin a fel ber fo loveng. A kum khatna chauh a ni a, kan la inchhin a. Rmasawnna atana kawng kan dapnaah hian awm sa atanga thil ti kan ni lova, awm lo atanga dap kan nih avangin dap chhuah thiam te pawh a ngai a, dap chhuah thiam pawh kha ken kawh lehna tur atan khan thui taka pen a ngai a, insiam, intihpun a ngai em em a ni. Chuvangin tunah pawh hian kan Ministry lch kan sawrkar hianin puan von a sawi chhing tan chauh a ni tih hi kan hre tur a ni. Chumi ni lova, a phut zawng leh sawisel zawng ringawt mai a kan kal chuanin kan insawiselna hianin thil tha aiin tha lo a thlen zawk thin a. Thil hi a sawisel zawng ringawta kan ka chuan a tha ngai lo a ni.

Zu thuah pawh khan MNF hun atanga renew a ni c tih kha Budget hmasa a kan sawi tum pawh khan, 'Ngawi teh u, zep chu kan tum tang tang a, nangmalni in in hailang zel a, hei hi a dik love. In hun lai ngcia tih anih kha' kan in tih tawh kha. Khang kha inbukna tha lo tak a ni a. Kan tih hi chu 'kan tih', kan ti ngan tur a ni.

Tuna a tlangpui han thlir hianin a kum khatnaah chuan tha thawkhat hlein ka hmu a. Amaherawhchu thil fello nual chu a awm ve bawk ang. Tunah pawh Telephone chungchangah nikum August thla atang khan ka book tawh a, MLA-ah chuan a book hmasa ber ka ni a. Mahse tun thlengin min la pe hauh lo mai a, tun Session lai hianin thiante han rawn duh pawh hianin ke a kal zel a nih loh pawhin Motor a vah vah mai a ngai zel a, hetiang hi chu a hma lama tih theih chu ni selangin, tunlai tak phci hi chuan hmang thei ila chuanin hmasawn nan pawh kan hmang ngeiin ka ring.

Tin, tunah hian kan sawrkar pawh in sing sak fel tum chhoh mek a ni a. Committee hrang hrang te leh Board hrang hrang te pawh la din chhoh zel tur a ni a. Engpawh nise, tun kum khat kalta chhungah kha chuanin tumah indem tur kan awmin ka hre lo. A chhan chu a bul kan tan a ni a. Kuminah hian kan tih that loh pawhin kan ngaithiam a, nakuma kan la ti tha lo leh zel anih chuanin an pui kum pawh thleng tawh sela, a pawin ka ring lem lo. Mahse kuminah chuanin an vakna turin kan thawhray a la lang tlat lo. Thawhray a lan hunah a dik lo anih chuan kan la ang dawn nia.

Tin, para 5-na hian sawi a hlawh hle a. Helaiah hian sawiselna a awm anih chuanin kar dem tur chu nichina ka bula thu Aizawl West MLA zahawmtakin a rawn sawi ang kha ka ngaihdan thui tak a ni. Helaiah hian central hoin min en dan khu min tih phur a, min bum te tc a, dawt a min chhuah tir leh a, khatianga mualpho tir hi min tum em ni chu aw zuk tihna ka nci thin a. A chhan chu kei ngei pawh Delhi-ah tum hnih lai

thla deuh thaw chamin ka zuk kal a. Khulaia an ti ti thawm te ka hriatin leh helaia thil tih a harsat leh dan han hmuh hian entizia nge ni chu aw ? Central ho hianin kan sawirkarna hi mipuite laka tihhmelhema tih an tum em ni? Tunlaiz an policy ang hian tih hi ngaihtuah tham tak niin ka ring a. Chuvangin he thilah hianin kan fimkhur viau pawh thain ka ring.

Aw le, thu sei tak ka sawi lovanga, kum khat chhunga heti zo zai ziah chhuah tur kan han nei hman hi a lawmawm hlein kei chuan ka hria a ni. Ka lawm e.

PU ZOSIAMA DA CHUAU : Pu Speaker, ka lawm e. Governor thusawi sawi honzah hian sawi duh chi hrang hrang kan nei a, kei ka sawi duh hi a hrang ve leh deuhin a lang a. Tuna kan sawrkar lo din hnu hian Governor-in vewi hnih thu a sawi tawh a. A sawi hi a tlangpui thuin a inang deuh a, a phek pawh hi a in zat chiah a. Finance Minister-in a thusawi pawh kha phek 15 leh tlar khat a ni a. Phek 15 nen hian kan in awm tawk ren rawn hle niin a lang a. Nikum lama a thusawi te kha kan bengah la cham rengin ka ring a. A copy te pawh a then chuan in la neiin ka ring a, nikuma a thusawi kha ropui hlein ka hria a. Kunina a sawi leh hi erawh chu hikuma a sawi tawh hnu kha tih a nih leh nih loh han en hian tih loh a tam em avangin hci pawh hi engmah a ni leh awm lo mang e tihna ka nei a. Tehkkin nan, para 6-na My Government has initiated measures to provide a clean and efficient administration, a tih hi a in ziakah hian kan duh tawk mai awm mange, kan khawsa dan leh kan rorel dan han en hian tih ngaihtuahna ka nei a.

Tin, 8 para a sentence hnihnaah khan, Five Public Health Centres and twelve Sub-Centres have been completed tih kha Public Health Centres te leh Sub-Centres complete ni ringawt mai hi engtia tih zel tur nge ni complete ringawt chi em ni ?

Tin, 10-para a a thlar tawpna a, The Greater Aizawl water supply scheme Phase - I is in an advanced stage of completion tih kha kan Finance Minister in thu a sawina phek ruknaah June, 1987 a Commission tura a sawi tawh kha a ni a.

Tin, para 19-na a Sericulture sawinaah khan 1987 a kan Governor thusawi, State marketing board in a tum thu a sawi kha an din ta tih sawi a awm lova, an din a ni tih pawh hriat a awm lova.

Tin, para 22-na a Rural Development chungchangah khan AMSF hnuaia Government achievement a lang miah lova. Tin, Industry-ah hian kan hmasawna ber ni a lang chu Industrial adviser tha tak pakhat kan neih belh ta hi a ni a, a hnathawh erawh chu hmuh tur a la awm chuang lova.

Tin, kan Governor leh Finance Minister thusawia lang, 1987 a Mizofed hnena working capital I crore pe tura in sawi kha chengkhat mah an la hmuh loh thu hmanni a ka hriat leh phei chuan, 'Engtizia nge ni, hetiang mai mai hi kan pute hian kan Larsap hi an sawi tir thin aw?' ka ti a.

Tin, prestigious publication 1st Anniversary of Mizoram state Hood a kan published tak Kha Pu Speaker, hmanniah khan sem a ni a. Hetia a phek ka han keu hian Prestigious publication a tihah chuan Agriculture ho link road an laih pakuanaah chuan BRTF kawng atanga Agriculture Rest House a ti ringawt mai a, hengte hi zawn chhuah a huphurh awm mang e aw ka ti a. Phek lehlam ka han keu leh a, 'kum kalta chhung khan a hnuaia tuilak te hi zawh fel a ni,' a ti a, chutah chuan 8 a sawi a, 8 zinga pakhat Tuithil minor irrigation project Ngopa tih hi tunah hian an tan chauh a ni si a. Chutiang zelin kan lehkhabu hi han enin kan prestigious publication, heta Governor thusawi a rawn lang te pawh hi hetiang hi anih chuan kan thusawi pawh hi a prestigious vak dawn lo niin a lang a.

Ka hma a member zahawm tak talk te rawn sawi tawh, 'Return to life' tih Delhi Door Darshan in an rawn tihchhuah te kha in enin in ngaithla ve vekin ka ring a, vawiin niah hian Rehabilitation leh compensation Central sawrkarah kar tur awmin kan lang tlat tawh lo. I am quite satisfied because I am fully rehabilitated tih te kha a rawn tar chhuah a ni tlat mai a. Chuvangin kan chang thlan hi Kohhran Upa pakhat sawi ang deuhin a hmuna zirin changthlan hran neih zel hi a tha e, helamah chuan Sam sawi ila, saw lamah chuan Thufing, hetah chuan Timothea lekhathawn tih ang deuh khon a thu hi a hran deuh niin a lang a.

Tin, Governor-in 1987 a a thusawi a khan Electric chungchangah Hmuifang leh Sangau vela Wing Electric Generation dah thuai tura a sawi te chu tunah hian dah an la ni chuang lova. Kan chhuan tak ber ni a lang chu Wayside Restaurant, cheng nuai tel mana sak, Vairengte, Thingdawl, Chhiahtlang, Hnahthial tih vel a mi luxurious item lam kha a ni ta zawk a. Chuvangin heng hi mipuiten Sap tawng ni lovin, Mizotawngin chhiar ve ngai sela, a duhawm hlein ka hria a. Ka han sawi te hi an tan chuan ei phak pawh a ni tehchiam tawh lova.

Kan Governor thusawiah hian lo lang hnem tura ka beisei em em chu thingtiang mite racthein zia sawrkarin a hria a, 'kum kalta chhung khan inhlawhfakna kan pe thei lova. Tun kum lo awm turah hi chuan a irhlawh peih lo thlengin kan pe dawn che u a ni,' tih thu an rawn zeh ka boisei a, chu chuan an rilru a rehabilitate in concentration tha zawk a pek ka ring a. Amaherawhchu chutiang aw zawng a rawn lang lova.

Tin, hemi Water Tank, Rain Water Harvesting Scheme hetilaia a rawn sawichhuah hi a thluk a mawi hle a, ka bialah khian hmun taw takah tih a ni a. Amaherawhchu, phui tha pakhatmah a awm lova, Sephung pawh sur sela, tling tur a awm lo feng reng a tlang tho thovang. Chutiangang khawp chu a ni a, kan thil han sawilan te hi a taka hmutute tan chuan manganthlak em em a ni a. Ka hmu a member zahawmtakin a sawi ang khan, Bilkhawthlir atanga member zahawmtakin a sawi ang khan kan sawrkar pawh hi a la naupang nang a, kum 50 mihring dam turah a ngaihtuah a. Chuti a nih chuan kum 10 mi vel lek a la ni a, kan beisei sang lutuk pawh a ni ang e. Tin, a tul chuan kum 75 vel dam turah mihring hi lo ngaihtuah ta ila, tunah hian kan kumkhatna kan zo chauh a ni a, chuti anih chuan teenager kan MNF Ministry hi teenager a ni a. A ambitious tak mai thil tum ropui tak tak nei Mizoram kum 20 lai retheihna lo tuar tawh rilru lamah leh taksa lamah pawh mite tana a thlamuanna leh sum leh pai a, a rawn pek tura te chu pek a duh niin a lang a. Tin, chubakah hmasawnna kawngah pawh hian tan namen lohva lak an tum niin a lang a. A chhan chu kan sawrkar kan han neih phat khan keini kan pu ho. leh kan thiante nena kan lo ruihpui Bairabi Hydel Project tih te kawngpui siam tih te, ei leh bara intodelh tih te a lo ri a. Amaherawhchu hei kumkhat hnuah pawh kan han hriat ve chin hi chu kan larsap thusawi hi a ni mai a, highest priority hi a ni ringawt mai a. A discussion lah hi highest level a la ni ringawt mai a, hei hi highest level te non a progress hi kan en ho a ni. tih ni sela chuan, a lawmawm em em tur hi a ni a. Discussion-ah kum khat kan hmang zo tawh a, hei pawh hi engnge kan discussion result tih hi a la chianglo leh nghal a, kumthum chhunga intodelh tih pawh hi a kan ring love, kan han tih pawh hi kan sawrkar hianin hriathiam kan duhna chu, kan kaldanah hian kan beisei lo a ni. A sawitute hi an intodelh hman mai awm mango aw ka ti a. Tih tak emah chuan, Pu Speaker, kan kaldanah hian intodelh awmin kan kal tlat lova, kan hotuton kan member zahawm tak tak ten khawthlang a Bulldozer hnathawh danah han sawi te kan han hriat chuan a hmu ve lo te phei chuan tunachin kum 20-ah pawh kan bial lamah chuan intodelhna chu a la hlat dawn a ni tih ngaihtuahna min pe a.

Bilkhawthlir lama mite lah chuan kan rawn thehchhuak mai ang e, tih lovin lakbelh zel an la tum anih si chuan hei kan intodelh hman tak ngial dawnin kan hre lova. A titu ho te hi in lo intodelh hman anih chuan, chu chu lawmpuina chang che u kan hriat loh pawhin min ngaidam ang a. Hei kan sawrkar hian Aibawk Blöck-ah hian vohbik chan han chantir a, constituency 39 te chu a entawntuah siam katum a ni tih a hriat thei a. Kan Larsap thusawi atang hian department sarih Agriculture te, Soil Conservation te, Forest, Veterinary, Sericulture, Fishery leh Industry Department te chu namen lohvin hna an thawk niin a lang a. Anni sawn kum entinge sawmi bial intodelh nan sawn hun an duh ang tih hi sawilang law law se a thain ka hria a. Thlaruk chhungah te an intodelh thei dawn anih chuan a thlaruk dang leh chu a piah bialah te pawh in sawn phei sela. Tichuan kumngah chhungan ral

tur angah lo inngai ta ila. Inthlan lehah tlin leh chuan lal leh zel a ni a, inthlan leh hma chu kumnga a ni kumli chauh kan nci tawh a. Bial kua kan la ti thei dawn a. Chuti a nih chuan MLA Constituency 40-ah hian 31 hi chuanin kum thum chhung a intodelh hi chu lo inbeisei lo law law ila, kan beisei loh avang ringawt chuan riltamin min dah bik lo sela, tih kha ngaihtuah leh tur niin ka hria a.

Tin, kan Governor thusawi hian Zorama kan department zawng zawng hi a huam bakah kan thuneihna pawn pawh hi a sawi ni awma lanna a awm a. Hei telephone chungchange hmasawn dan Lunglcia mite, a sawi a. Engvanginnge Aizawl hian kan telephone Exchange te pawh hi tih that mai tur anga sawi kha a ni a. Hmanah kan Minister of State for Communication Central a mi a lo kal khan engemaw thil ri a awm a. A hei chu kan ti lawk loveng, min tihdan reng mai a ti e, an ti a, kei chuan a vaipa chu ang mai mai rawh se, Mizopa ngaihdanin a kal zawk tur a ni ka ti a. Engpawh nisclangin, a zo a valin kan ram hmasawnna turah hi chuan kan hotute hian tan kan lak hmasak a ngai a, kan state mi pawnlama mi pawimewh kan sawidawn a nih rau rau chuan, a postal department thil tih te pawh han sawilang tel ve ula, heta kan postal department a hna thawktute lawm zawng kha a lo ni ve zel a. Amaherawhchu kan hmaili hi lian tak awmin ka hria a. Hei Account and Treasury te hnathawh hi hawrawp pakhat pawh hi ziak lan a awm lo hi a pawi ka ti a, a lo thawk chhe ber pawh nisclangin, ziahlan awm a ni a. A chhe ber niin an lang lova, kei a mimal ngaihdan phei chuan Mizoramah hian department-ah hian hnathawk tha ber an niin ka hoia a. An hnathawh hi ziahlan a awm lo reng reng a, keini pawh hi vanduai thilah ka lo boral cmaw a nih chuan ka nupuiin pension an hnen atangin a buaipui nghal a ngai a ni. Keini hi vanduai lo tawpah inngaiin term tawpah hian sawrkarna chelh dawn tawh lo mah ila, anni min buaipui kan ngai dawn a. Chutiangang buaipui ngai chu, buaipui lli chu tam tak an nci a. Engatinge kan hnathawh hi tlarkhat tal kan sawrkar hian a tarlan loh tih hi ngaihtuahna min pe a. Kan mamawh vek lo a, inhriatna kan nei nge ni a, kan sawrkarah hian a tlangtla mi deuh leh a phek lamah leh lo lang hmasa hi chu a zing leng peih deuh head of department nei leh pu te khabe hnuia kun peih deuh tih hi ngaihtuahna min siam a. Hetia a chilput zawnga thil sawithiam te bulah hian awm a nuam em em a.

Tin, ka ngaih pawimawh em em mai sawi nawn awm ta lo chu Railway chungchang kha. An thawk reng si a, hengte hi kan sawrkar hming thatna a ni ve thova. Engatinge sawibuai ngai miah lo Railway an rawn tih mek te khu Rail progress a awm a ni, tih te kan ziah lan loh chu aw ka ti a. Kan chhuan tur a hi kan ziak lang lova, kan lo tih chhuanawm lo tak mai kan ziak lang a. Tin, hemi Mizoram Secretariat chungchangah hian a theory pathum a awm ta a. P.C. Ministry theory kha Luangmual a ni a, Congress Ministry theory kha D.C Office

khi a ni a. Tunah MNF Ministry theory kha Khatla khi a ni leh a. Khawiah ngo ni Secretariat hi kan neih dawn tak hmunthumah kan nei dawn em ni. Hengte pawh hi ngaihtuahna min siam nasa em em a, a chhan chu, a lal hmasa vawiin ni a member pahnih chauh nei te, hmun lo ruatah khan building tam tak sak a ni tawh a. A dawttu central-ah pawh pu nei te kha an Secretariat-ah khian District Magistrate in ro a la rel lawi a. Rel zel pawh a rinawm viau va, tuna kan lal laia te hian Khatla an rawn ti leh a. Theory pathum kan nei a ni a, kan hausak ang huin a institution-ah hian kan chak loh chuan Secretariat tha tak pawh hi kan nei lawk lovang tih a hlauhawm hle a.

Tin, kan member zahawm tak tona an sawilan thil pathumah hian tel ve theihna nei pawhin ka hre lova. Hei Jhum Control leh land use policy hi, palang leh saidawium tih ang deuh a ni a. Chhimlamah palang an ti a, helamah saidawium an ti ang deuhin Congress hunlai khan Land Use Policy hi tih a ni a, keini chuan a hei zawng thangnang a ni c, kan ti a. Chutiang bawkin Jhum Control hi in rawn ti chho leh a, sawrkar hian a hming te hi, a kci chu a nasa ka ti lutuk a, control han tih em em hi a Jhum han control kha chu. A mipuia te hi kan in control thei ang em, tih ka ngaihtuah a, hei hi thil hlawtling lo reng reng tura ka rin a ni a. A chhan chu thil approach chi niin ka hre lova, a kan aia a zawk kan ngaih hi kan mikhual a zawk ka hrilh leh ta zawk c, tih ang deuh a ni a, keini ai hian an fing zawk a. An ngaihtuahna leh awmdan ngaihtuahin alfternative hi a awm chuang lo a ni a. Chuvangin heng hi chu hla thar mawi tak tak tur kan neih.

Amaherawhchu rinna tel lova a thluk duh avanga sak hi a ang em em a. Helaiah hi chuan sawi tur kan nei ve lova. Mi insawi selna te pawh hi in dik ve ve pawh niselang in dik lo ve ve thovang tih hi ka ring a. In in puh tawn thei viau tho a ni Pu Speaker, helaiah hian keini chu kan tel lova, a permit pe chhuaktu a leh a renew tuah tih velah hian kan buai reng reng lo. In duh duhin in ti rawh u, kan duh leh kan in ve ang a, kan duh leh kan nghei ang a. Zoram tan hi chuan a tha hlawl lo Kristian ramah phei hi chuan hei hi a pawi lutuk a. Engpawh nise, siam that nan hi chuan i ti tawp tawh teh ang u. Inthlan te a hnaih loh avang a, hemi han thlah zal leh hi kan Congress unaute pawhin an pianthar san tawh che u a. In rawn pianthar velch chuan kan vaiin Zoram mipui pawl hrang hrang a mi pawh hi P.C.-ah kan lawmlut vek ang che u.

Tin, rehabilitation chungchangah hian han sawi leh lawk ka duh a Pu Speaker, hei kci leh ka pu dam lohna avanga vawiin ni a House chhuahsan hian rehabilitation hi a dik takin kan ram mutc hian an hmuh kan duh em em a, an dawn kan duh a. Chu mai ni lovin Zoram mipui heng a tuartuten an dawn kan duh a. Helaiah

pawh hian sawi tur kan nei ve vak lova ni, a chhan chu inthlen dawnah kan sawrkarin nasa takin thutiam kan siam a, a awihawm em em mai a. Chutih lai chu theih patawpin kan sawrkarin a zuk dil niin kan hria a, inthlahdahna pawh neiin kan hre lo. Amaherawhchu, hei kan Congress kan u te hi ti thei ve tak ni a lanna an nei a. Khu lamah khuan a engemaw khu chu an lo brack ve tlat niin a lang a. Helaiah pawh hian thiam zawk an awmin ka hrc lova, a ti thei lovin lo tiam ringawt hi a dikan ka hre lova. A ti thei te pawhin a min lo brack ringawt pawh hi a dikan ka hre lova, keini chuan hmu vek ila kan duh a. Kan pawl chu min char pawh ni ula kan la lawm tho thil pathum, hemi neitu pathum Jhum Control, Land Use Policy tih emaw ni, hei leh Zu leh Rehabilitation chungchangah hian mipui ngaihtuahin Zoram ngaihtuahin pawl chakna leh pawl ropuina ringawt ngaihtuah lovin rawng bawl ilang chuan, heng thil pathum te avang hi chuanin, Zoram hi a changkang ngeiin kan ring a. Thildang hmasawnna lamah, a development lamah hma pawh kan lak theih loh phah niin kan ring a. Kan in hnialna rong reng hi a khawi lam lam pawh dik zawk awm bik lovin, a inhniat theih niin a lang a. Keini chuan inhniat inhniat tawh lovin he thil pathum hi chu bansom tur zu a awm a, Jhum Control a awm leh a, Rehabilitation hi chhunzawm zol tur a la ni a, pakhat chhunzawm tihhlawhtlin ngai a awm niin kan hria a. Ka lawm e, Pu Speaker.

S P E A K E R : Ngawi rawh u aw, Pu Ngahaka'n sawi scia, Budget Session emaw kan ti a, Governor Address hi kan ti chauh a ni a, hundang in la ngah dawn a, sawi kim vek in tum a, tuntum chu hei hi chu sawi tawi deuh i tum ang u. Hun kan la nei leh dawn tho. Pu Ngahaka i sawm ang u.

* PU VANLALNGHAKA: Pu Speaker, 15 Minutes a tling lo sa a, engtin nge ni ang ? (SPEAKER : Kha kha chu a tling lo sa a, House in kan pass tho ang che, lungnga-i suh). Ka lawm e, Pu Speaker. Kan ngaihthlak tak ang khanin ka hma lama member zahawm tak tak te sawi kha, a then chu kei mimal takin ka thlawp a, thenkhat erawh kha chu thlawp !^h ka nei nual a. Tuna kan Governor thusawi hi han en chian chuan a buatsaih dan hrim hrin ah phei chuan duhthu a sam lova, keini ang Saptawng thianlo deuh pawhin han en ila, a hei chu B.A zirlai mithiam deuhin saptawng a buatsaih a ni maw tih tur chu a ni ve hawk a ni. A reputation in a khat a, tin, a sawi ngai a hi a sawi a sawi deuh ringawt mai a, a sawi tum a sawi chhuak lovin, sawi tur dang zawng zawng sawi lovin i ti teh ang, a ngai kha a sawi ringawt mai a. Hei hi buatsaih leh hunah chuan official lam pawhin ngun zawka an en chu a tha awm hlein ka hria. Tin, kan sawrkar hi kum khat chhung a upa a ni a. Amaherawhchu, kum khat chauhva upa ni mahsela,

inthlanpui kan neih dawn a, mipuite hnena kan party-in sawrkarna kan lak chuan, heti hian Mizoram kan hruai ang a, mipui kan enkawl ang tih mipui hnena kan tlangzahr ang chauh khan sawrkarna kan lak theih chuan thlawp tura MNF sawrkar pawh hi kan ngaih avangin, beiseina kan nei a ni mai a. Chutah chuan in dem lutuk turah pawh ka ngai lova. Entirnan han sawi lawk ila, border trade chungchangah nikum a kan session in kan House leader zahawm takin Home Ministry nen indawr mek a ni a. Home Ministry phei chuan Bangladesh nena kan indawr leh hun phei chuan Mizo officer pakhat tel tawh se, an ti nghe nghe a, a ti a. He House-ah hian chu a thusawi chu record in a awm a ni. Mahse chu a thusawi chu Home Ministry leh Bangladesh a in dawr tur te ngai pawh lo ni se, foreign Ministry dawr tur mah ni sela, Mizo officer an tel thu reng reng ziak lan a ni lova. A pumpuhlumin border trade kha, he lehkhabuah hian hmah a ni ta tawp mai a ni. Kan thusawi te, mipui hnena kan thu tlangzahr te hi mipuin an rilru an khawlkhawm a, chuta tang chuan kan hna thawh an teh thin a ni a.

Chuvangin heng ei leh bar a, harsatna kan neih chungchangah te pawh hian mipui bawk kha kan thusawi chhinchhiah tur te pawh kha an ni a, chungte chuanin kan hnathawn an en thin a ni. Nimin piah lawkah Hnahthial leh Serchhip Godown ka tlawh a, a vanduaithlak hle a ni. Serchhip phei chu khawchhak lam zawng zawngin kan tlan deuhthaw khi a ni a. Mahse, buhfai thiar tur tihtam a awm lova. Tin, Serchhip chauh ni lo Godown reng rengah buhfai harsat thu sawi vck a ni. Thingtlang mitena kan enghelh em em chu, nikum a kan buhthar tlem te atang khan engtinng vaibuh chu kan man ve ang, kan man hman ang tih kan chhut thin a ni. Tunah hianin kan bialah phei chuan Pu Speaker North Vanlaiphai bialah te pawh a ni, buh saiip khat chauh nei tawh vaibuh thleng nghak ringawt pawh an tam a ni. Chutih laia heta kan House a kan Governor thusawi a hetiang thu lek a han sawi hi chu lungchhiatthlak tak a ni. Discussion have been held with the FCI to increase allotment of Rice during the drimonds so as to anable pre-monsoon stocking interial area a ti chauh mai a ni. Vawiin ni hi February ni 23 a ni tawh a, Pre-monsoon chhung d'w thla thum emaw awrh chauh a ni. Tunah hian ka hriatsual loh chuan a phur tur telling contractor sawmna tender pawh chhuah a la ni lo leh nghal a. Chumi anih loh chuan a huphurh awm hle a ni, keini fura motor thlen theih ve lohna te hian fur thlenhma a, buhfai min chhekhhawl sak loh chuan he sawrkar hi helai House-ah chak mah ila, kan chak ni la lain an ai kan awh mipuite chuan mindem dawn a ni. Chuvangin tunah hianin helai thu te ka han chhiar hian lawmthu erawh chu sawi a harsa ka ti a. Thil dangah erawh chuan Political propaganda a, an lo thehdarh thin kan bial chhungah te, opposition bialin ni a, kan ensan dawn che u, ti a mi pawisak nei lem lo party hruaitu han sahawk tena an lo tih te han puh tur tingtang chuan Hnahthialah te, Soil division thar te aiin hawn sak a, tin, hmun hrang krangah te, a Chawngtui-ah te, Forest

Range te min han hawnsak leh a, lawmawn ka ti a. Chu dhu biala mimäl chungchanga ka lawmthu a ni a.

Tin, Mizoram pumpui chungchangah erawh chuan han lawm vak dawn mah ila, a thlangah hian lawm lohna tur sentence a rawn inzep leh zauh thin. Chu chu harsa ka tihna a ni a, tin, resolution ah naktip lawkah Pu Speaker, kan khel tur chu a ni a. Mahsela para 23-naah hianin Excise Department tihlen a nih tur thu tarlan a ni a, mitam zawkin hna an hmuh phahna tur chu a ni a, a lawmawm khawp mai. Amaherawhchu tunah hian kohhran lam atangte social organisation lam atangte in he Excise Act hmanga zu permit pekchhuah tura ngenna a awm laia, kan sawrkarin he Excise Act hi tih chak a, tihlen zel a tum hi chu thil vanduaithlak tak niin ka hria a. Nichina kan ngaihthlak tak ang khan 1984-ah he Zu zawrhna dan kan tih mai hi siam a ni a. Chu chu Congress hunlai a ni a, 1983-ah permit pek chhuah theihna dan tur rules hi P.C. sawrkarin a siam veleh a. Chuti ang chuanin, hei kan in chherchhuan nasa a, tunah hianin Congress' kan awm a, P.C kan awm a, MNF kan awm bawk a. Duhlo thlang theuh theuh. Tin, MNF pa whin mipui kan rawn ang kan ti a, kohhran te pawhin an duh loh thu an tarlang a, T.K.P a ni emaw K.T.P a ni emaw Y.M.A a ni emaw chuti angin, kohhran rorelna sang ber ber thlengin duh lo chu an chhakchhuak a, Lunglciah phei chuanin kohhranin kawng zawk meuhin an duh loh thu an tlangaupui a ni. Chutih laia kan sawrkarin Excise Act Excise Department hi tihlen a ni ang a, staff thar pawh lakbelh a ni ang tih erawh hi chu kei chuan pawm a harsa ka ti a. Naktip lawkah Pu Speaker, kan la chhunzawm leh dawn nia.

Tin, LAD chungchang hi tlemin han sawikai thain ka hria a. Hei step an siamthui hlc mai a, metre 33800 (Singthum sangthum zariat) an siam bawk a, chutah chuanin Side-drain siam a ni bawk. Tin, door sight Market 10 lai an siam bawk a, a ziakah chuan a sei a ni. Hmanni lawkah khawchhak lamah kan zinin an step siam te, North Vanlaiphai a ni emaw Biate a ni emaw Khawhai a ni emaw kan han teh chhin a, chumi kan teh chhinah chuan a sei zawng tura estimate an siam chanve tlingloah khan final bill an pe lut daih tawh a ni. Tin, tumah in la bing lo ila, Khawzawlah kan Minister chhungkhatte in bul a mi phei chu a chanve pawh tlingloah final bill an pe let der tawh. A ziakah chuan a chiang a, a takah chuan a chiang a ni. Hei hi Ministry emaw Minister emaw ka zuk demna a ni hauh lo, staff an indaiah lova, Hemi LAD chungchang a ziaknaah hian staff tihpun tur chungchang a awm hauh lo a ni, Overscer kan ti mai ang a, chutiang chi chu pahnih emaw pathum emaw chauh an nei a, chung chuanin kan J.E to chuanin he Mizoram pumpui ti mai ila, Aizawl District hi an enkawl ta a ni a. Lirthei an nei bawk si lova, an tan tax measurement siam a har em em a. Hetah hianin Budget lamah pawh tih danglam theih chu niscla chuan LAD-ah hian Supervising Staff lak belhna hi chu dah ni ngei se lawmawm khawpin ka ring.

Tin, Co-operation thuah hian nichip khan Mizofed an sawi lang lawk a, Apex Bank han sawi lan lawk thain ka hria a. 'Apex Bank hi a la hlawk a ni,' a ti a, a la hlawk a, a la hloh lo a ni. Engvangnge kan tih chuan, chutiangka tawngkam ka hmanna chhan chu kum hmasa aiin an tla hniam daih a ni. A tu emaw ka demna ni lovin a hmanna tur ni lovah pawisa an hmang a ni mai thei, chu chu endik a ngai viauin ka ring. Motor neih tam lam kha hlawkna a an ngai anih chuan a dikan ka hre lova, chutiang ni lova pawisa hlawkna hrim hrimah chuan kum hmasa aiin nuai fein an tla hniam a ni.

Tin, a pawimawh ber panga kan Governor hian a dah bawk a, a pawimawh ber ka han sawi teh ang. IRDP, RLEGP, FRS kan tih thin te, heng hi nikum chhung khan a vang hle a, hei hi a chhan sawi a awm hauh lo mai a. Thingtlangah kal ila, tam inhlawhna tur a awm lova. Kan Finance Minister zahawm takin V.C inthlan hma a Tuichangral a fan tum pawh khan mipui tam a hmu a, tanpui a chak a. Mahse tanpui turin a kutah hum a nei si lova, chu chauh a ni lova, in kangte pawh a en ngawih ngawih a, tanpui a tum a, pawisa a romchang lo thin a ni. Hetiang han thawh ho dan hi kan sawrkar hian thiam ve sela, a awm maiin ka ring si. Congress sawrkarin a tih theih kha chu anni hian an ti thei ang tih ka ring tlat a. Tin, IRDP-ah hianin tunah 48 lakhs kan nei ni awm takin a sawi a. Nichin khan kan Member zahawm tal; khan 51 lakhs a ti a. Engpawh nisela, (Speaker : Ngawi rawh aw, hei kan hun a tawp a, minute nga i pek belh mai ang u aw). Pu Speaker, naktukah ka chhunzawn mai ang chu (Speaker : Ni love, zo law law rawh) Pu Speaker, ka hna angin aw. (Speaker : A mi duhsakna umin 5 minutes chu ti leh rawh le). IRDP-ah hian a component chi hnih a awm a. Central sawrkarin min pek a awm a ni, chu chu tunah kan nei a. Mahse State sawrkarin kan pek theih loh avangin IRDP up in a awm hi a pawi tak tak a ni. Sawrkar tak, belhfakawm, mipuiten hahipa an sawi ve lem siin a matching constitution kan ti thei lo hi chu thil pawi tak niin ka hria.

Tin, ka sawi lan lawk duh chu kan member pui Tawipui biala mite, Buarpui biala mite pawhin min hriatpui chu IRDP thlang tur hian rahbi a awm ve thliah thliah a, District-ah Board a awm a, chu chu sawrkar siam a ni. Chu chuan a thlang tur a ni, mahse Lunglei District a kan Board neih ve chu kan han thukhawm a, kan thutkhawm hma khan Minister-in a lo sem zo vek mai a ni. Hei hi tih dan tur a ni lo corruption lian tak a ni. Committee hriatpui lova thil tih hi thil mawi a ni lo a ni. Board in an thlan chu sawi loh Village atanga an thlan pawh pawm lovin a duh duh a hnawl a, nu leh pa nei lote, an hming hriat pum hleih theih loh te, an khaw hming dik lo te pek an ni a. A la turah in puh vcl a ni. Chuvangin hetiang dan tha lo hi chu kan Minister dang te hianin ti tawh lo hram hram se ka duh a ni. Tin, a chhan ber ni a ka hriat chu vawiin ni thlengin kum khet a

kal ta a. Sawrkar dingtharah chuan thlathum chhung emawin Conservative Committee khami Ministry atan khan din a ni thin a. Chu Committee chuanin kha Department kal dan tur kha heti hian aw tiin an ti thin a ni. Mahse tun thlengin kan Minister-te eiru ni awm a an han puh that that theihna chhante pawh hi Conservative Committee awmloh vang anih ka ring a. Chuvangin he Committee hi chu siam nise kum khat laia upa a ni a, ha a to ve thei tawh alawm tiin rawtna kan siam ve duh bawk a ni.

A tawp berah chuan Pu Speaker, nichina ka member pui zahawm tak tak ten an rawh sawi kha, sawi nawn loh theih niin ka hre lova, para 29-na a kan hmuh ang hian thil lawmawm ang reng si, lawmpui hleih theihloh a awm a. Nichina Member zahawm takin a sawi ang ang khan para 29-na hi MNF lo kirte chhawmdawlna tur leh an inbenbelna tur ngaih-tuahna tur a ni a. Amaherawhchu a thunawn hi proposed, awaited approval tih vek a ni. Hei hi thil vanduai thak tak niin ka hria, kan nau pakhat tuu tum a lo chhuakve kha a lo kal thin a, "A in hotute hnenah sawi la, a ngaihna chu an thiamtho ang chu" ka ti a. Mahse kan Minister te hmuh an har em mai a, a hmuh theih loh, keini ang tan chuan" a ti o. Amah kha Surgeon lai chu a ni ve a, hnam sipaiah khan, kan Minister te pawhin kawngkhar khaisang deuhbturin ka ngen che u a ni. In naute, in kawngkhar a hniam lutuk aaugin an lut theilo a ni mai thei. An mamawh an sawi chu i ngaihla ang u, a sawrkar siam tute House ami hi kan ni e, kan ti a, A tak tak a siamtu che u chu 'Remna Run' chhuakte hi an ni. Hengte hi in tha leh zungte an ni a, intihchak loh a hetiang a in thlahthlam chuanin in hmelma an la ni ngei ngei ang. Helaia zurui sahawk poster tar tia, mipui bumtu Congress I hnenah sawrkarna kan pe dawn lo tihte angte kha, khatiang chi kha hmang suh a, inlu chungah meiling inchhek khawl mai mai ani ang tih ka ring tlat a ni. MNYF hian Congress sawrkar dawn mah ila, sawrkar na min pek kan ngai lo, Sawrkarna min petu tur chu Pathian leh mipui an ni. A ni lo zawng a zurui sahawk, poster tar tir mai mai hian kawngro a su lova. Chuvangin Rehabilitation, Remna Run chhuakte tan ngaih-tuah zawk turin ka ngen tak tak che u a ni. Ka lawm e.

SPEAKER :

Kan duhsak khawp mai, Aw le, vawiin chu a first day a ni bawk a, naktukah hun kan nei thawl deuh dawnin alang a, vawiin atan chuan lo tawk rih se. Naktuk zing dar 10:30 ah vawiin aia hlim zawkin kan inkhawm leh dawn nia.

* Speech not Corrected.

Meeting adjourned at 4:05 P.M.

J.K.KHENGLAWT
Secretary.